

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

40 pes

Namba 938

Wik i stat long Fonde Jun 25, 1992.


40 toea

## INSAIT

• Rabaul tingim wol woa tu...p5

• Isten Hailans bai yusim K800,000 long vot...p4

• Posinman bagarapim meri ...p2




ILEKSEN RIPOT

## RAGBI LIG NIUS

• Ol son i redi long nesenel son trails

• Warrior em ka bilong rot...p18



## NEKS WIK

• Nius bilong Yut  
• Laip stori: Slaydie  
• Stori bilong Sonoga

# Mosbi wel faktori

JAMES KILA i raitim

TINGTING bilong sanapim wanpela wel faktori Motukia ailan long namel long Mosbi bris bai i no inap karim kaikai, inap ol papa graun i save gut long wanem kain bagarap bai kamap long solwara na graun bilong ol.

Wanpela papa graun em Jenerel Seketeri bilong Pasifik Konfrens bilong ol Sios, Reveren Dick Avi. Avi i tok olsem bihain long ol tok orait long las wik. Tok orait i bin kamap namel long gavman na Maldanao Pty Ltd long mekim ol wok painimaut. Maldanao em kampani husat bai wokim dispela wel faktori.

Avi i tok em i no stret long gav-

... i no inap kamap sapos ol papa graun i no amamas

man i no kliaim ol pipel bilong Motukia, pastaim long tok orait i kamap.


Tok orait namel long gavman na Maldanao kampani em namba wan wok bilong karimaut stadi, na bai i kostim K250,000. Gavman i sapotim dispela stadi wantaim K100,000 i kam long Fisibiliti Stadi Kontribusen, we i kam aninit long Diaptemen bilong Tred na Industri. Na Maldanao kampani bai givim narapela K150,000.

Avi i tok sampela lain husat i tingim ol yet i paulim ol pipel. Em i tok ol dispela pipel i no

tingim ol tru tu papa graun. Em i tok wanpela bilong ol dispela lain em wanpela kendidet bilong nesenel ileksen, Tom Daure Jones. Jones em jenerel mensesa bilong Arakma Trenspot. Em i tok Mista Jones i bin paitim tok tok wantaim gavman long kirapim dispela wel faktori.

Avi i tok dispela kendidet i yusim tasol wel projek long taim bilong ileksen.

Avi i tok em i bungim pinis ol pipel bilong em long Laurina wan pisin bilong ples Tatana. Na ol bai raitim wanpela ripot long i go moa long pes 3



No ken kaskas...Risev plisman, Konstebol Francis Geibon i sindaun klostu long balot bokis na was long ol manmeri i kam tromoi vot bilong ol long lufiufa komyuniti skol klostu long Goroka, Isten Hailans provins. Foto: Sape Metta.

## PNG Kumul i lus long namba wan gem long Nu Silan: 14-10

PNG Kumul i lusim namba wan gem long Nu Silan egens Hawkes Bay Invitation XIII, 14-10 long Trinde apinun.

Kumul i skoarim

tupela trai na kikim wanpela penelti, na Hawkes i skoarim wanpela trai tasol, na narapela 10-pela poin i kam long wanpela gol na 4-pela penelti kik.

Kepten bilong dispela gem, faiv eit Aquila Emil na risev fowat Ben Lakuri i skoarim tupela trai. Tuksy Karu kikim penelti gol.

Kosa John Wagambie

i no amamas long pilai bilong Kumul. Em i tok ol pilaia i pilai wanwan na i no olsem tim. Dispela mekim ol arapela pilaia i belhat.

Em i tok tu olsem 4-

pela sans bilong skoa i lus nating. Bikos ol beklain pilaia kisim bal na ran long rong sait. Na i no muvim bal i go long sait ol i ken brukim banis isi.

Tasol Wagambie i amamas long pilai bilong John Togola. James Naipao, Nande Yer, August Joseph na Emil.

Em i tok Emil i mekim

sampela liklik asua. Tasol em i ken brukim gut banis bilong birua tim long namel bilong fil. Na dispela i helpim em long skoarim namba wan trai.



## HINO. BOS BILONG OL HAIWE.

Hino

## Ela Motors

PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888  
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

**Plis sasim kendidet long brukim balot bokis**

PLIS long Hagen i sasim pinis wanpela kendidet bilong Tambul-Nebilyer, Joseph Waguba.

Long las wik Tunde, Waguba i bin opim 4-pela balot bokis na bagarapim ol.

Plis i bin larim em long baim K300 na em bai kamap long kot long tete Fonde 25, Jun.

Hailans rijinol plis komanda, Bunu Katusele i tok dispela kendidet i bin kisim ol balot bokis taim ol i laik rausim long ka. Na em i brukim ol bokis na tromoi ol balot pepa long rot.

Katuseli i tok ol ka i bin kisim dispela ol bokis i kam long Tambul-Nebilyer ilektoret na i stap long fran bilong Hagen plis stesin.

"Long dispela taim, Waguba i kisim ol balot bokis na brukim ol na tromoi ol balot pepa long rot."

Dispela trabel i bin kamap long samting olsem hap pas 6 long Tunde apinun bihain long ol i stapim vot na kisim ol balot bokis i go bek long Hagen.

I gat sampela man i tok olsem pastaim long dispela samting i i go moa long pes 4



*Amamas long nupela wara saplai • Dispela meri Kami bilong Isten Hailans provins i paitim kundu na singsing wantaim ol lain long ples las wik. Dispela ewm long taim ol i opim nupela wara saplai. Foto Sape Metta.*

**Lutheran Shipping redi long kisim Poroman**

WANPELA ripot i kam long Madang i tok Lutheran Shipping i redi tasol long tekova long Poroman Shipping kampani.

Ripot ya i tok tu olsem Lutheran Shipping i redi tu long wokim wanpela nupela bris bilong sip tu taim em i kisim ol bisnis bilong Poroman shipping.

Dispela nupela namba tu bris i bai helpim Lutheran Shipping long skelim ol pasindia bilong em na ol kago bai sip i karim. Bipo ol kago na pasindia i save go long wanpela bris tasol.

Lutheran Shipping i baim pinis ol bisnis wok bilong Poroman Shipping na i wetim tasol ol pepa long tok orait long ol tenda em i bin aplai long en.

Planti kampani i bin aplai tu long baim ol bisnis bilong Poroman Shipping tasol bikos Lutheran Shipping i stap klostu long bisnis bilong Lutheran Shipping, em bai isi tasol long tekova.

Ol narapela kampani bai painim hat long tekova bikos ol i no gat masin long helpim na was long ron bilong sip bilong ol i go long Madang.

i go moa pes 3

**PLIS RIPOT**



**-LAE:** Faipela man i bin stilim wanpela ka na yusim long las wik. Plis ripot i tok ol i bin bamim dispela ka na draiva wantaim opsaida bilong em i dai. Na narapela tripela pasindia i kisim bagarap na slip long Angau Memorial Haus sik.

Plis ripot i tok ol i painim aut olsem dispela em Nissan Bluebird bilong Hertz Rent A Car kampani. Ol plisman i tok Hertz i no tokaut long wanpela ka bilong ol i lus o nogat. Ol plisman i bin luksave long draiva wantaim opsaida bilong em. Ol i tok draiva em bilong Finsafen long Lae Morobe provins na opsaida em bilong Matupit Is Nu Briten provins.

Plis ripot i tok ol plisman i bin painim dispela tupela man. Tasol olgeta taim tupela i save hait gut wantaim ol wantok bilong ol. Nau tupela i kaikai stia bilong ka.

**-ENGA:** Ol plisman long Enga provins i painim ol raskol man husat i bin pretim wanpela sekyuriti na stilim moa long 8,000 balot pepa bilong vot. Ripot i tok dispela sekyuriti man i bin lukautim balot pepa long moning istap. Na ol dispela raskolman i kam insait wantaim gan na pretim em. Bihain ol i kisim ol dispela balot pepa ranawe i go long bus.

**-SIMBU:** Nau yet ol plismanna ami i mekim sampela wok painim aut long painim tupela strongpela gan bilong ol ami long wanpela siting mamba bilong Simbu.

Plis ripot i tok ol plisman wantaim ami bin kamap long ples bilong dispela mamba. Tasol ol manmeri long viles i tokim ol plisman olsem em i bin salim dispela tupela gan i go long Lae. Olsem na ol plisman i painim aut yet long kisim dispela tupela gan i kam bek.

Long wankain taim ol plisman i sasimtripela kendidet, James Mu, Malcolm Kopon na Arabill Gonepa long pretim ol man long votim ol.

**-HAGEN:** Ol plisman i bin holim wanpela kendidet bilong Tambul-Nebilyer long brukim balot bokis. Namba bilong ol dispela balot bokis em, No:121290, No:121928, No: 121921 na No:0664 bilong Tambul-Nebilyer Open Ilektoret.

Plis ripot i tok sapos em i no laik long baim sas bilong em long mekim brukim ol dispela balot pepa em bai kamap long Hagen Distrik Kot. Tupela sapota bilong em husat i no laik long baim kot tu i slip nau long Hagen haus sik.

Bikos ol sapota bilong ol arapela kendidet i paitim tupela.

**-KUNDIAWA:** Tupela plisman husat i bin sekim rot bilong painim bia na gan i kisim bagarap long han bilong ol pasindia bilong wanpela bas.

Ripot i tok narapela bilong tupela i stap nau long Kundiawa haus sik. Ol plisman i harim nius long dispela birua na bihainim i go holim olgeta pasindia wantaim draiva na bos kru bilong em.

**-VANIMO:** Plis ripot i tok ol pipel bilong Grin Riva eria bilong Wes Sepik i bagarapim sindaun bilong wanpela piisman husat i lukautim ol ilektoret opisa.

Ripot i tok ol pipel bilong Buna viles i bin kros long ol plisman i bin holim wanpela bilong ol nating. Long wankain taim ol plisman i holim 14 man olgeta na kisim ol i go long Vanimo Distrik kot long Mande Jun 22, 1992.

Dispela hevi em bilong ileksen.

**-WEWAK:** Ol plisman i holim 11-pela man long pait long taim bilong vot. Plis ripot i tok tupela man i bin spak long wanpela hap. Na bihain wokabout i go long ples bilong vot na toktok egensim ol poling opisa.

Bihain tupela i belhat na brukim wanpela balot bokis. Ol poling opisal i belhat na pait egensim tjepela. Taim ol i pait i stap 9-pela moa man i join wantaim na pait i go bikpela. Tasol ol plisman i kamap hariap na stapim dispela pait.

**moa plis ripot long pes 9**

**Posinman kot long bagarapim meri**

VANIMO Distrik Kot i salim wanpela man long 6-pela mun kalabus. Bikos em i bin bagarapim wanpela yangpela meri.

Kot i harim olsem Andy Sila bilong ples Pilio long Wes Nu Briten provins i save stap long Vanimo taun. Tasol i gat ol stori

olsem em i ken rausim ol posinman olsem na ol pipel bilong ples Krisa i askim em long go lukim ol. Na rausim ol posinman long Krisa.

Kot i harim olsem inap long tupela Sali i bai wok long Krisa, em i kisim 13 yangpela meri na 4-pela man long wok wantaim em.

Long dispela taim, em i bin bagarapim wanpela yangpela meri long Me 13, 1992.

Sila i save kisim ol dispela yangpela man na meri i go long bus long nait bilong rausim ol posinman husat i stap long ples.

Sampela taim Sila i save kisim ol i go long matmat na rabim kambang long bros bilong ol boi na namel long tupela susu na leg bilong ol meri. Bihain

em bai askim ol long slip pes i go daun long matmat. Na em yet bai kisim wanpela yangpela meri na i go long bus. Na rabim kambang namel long tupela susu na leg bilong em.

Distrik kot long Vanimo i harim olsem Sila i bin kisim wanpela yangpela meri i go long klasrum long Me 13. Na rabim kambang namel long tupela susu na leg bilong em. Dispela yangpela meri i pret na kraai. Bihain em

i go long ples na tokim ol mama na papa bilong em. Olsem na ol i kisim dispela ripot i go long plis stesin.

Bipo Sila i bungim ol dispela yangpela manki long helpim em, em i tokim ol long no ken tokim wanpela man long wanem samting ol i mekim long bus na matmat. Sapos ol i tokaut, em bai senisim ol i go kamap olsem snek. Em i bin kamap long kot long Jun 12, 1992.

**Plis painim yet K1,100 bilong Sepik Coffee Producers**

PLIS long Is Sepik provins i wok hat tru long painim ol man husat i bin stilim K1100.

Plis ripot i tok ol raskol i bin stilim dispela mani long tupela draiva bilong Sepik Coffe Producers. Dispela trabel i bin kamap long las wik.

Provinsal Plis Komanda, John Wakon i tok namba wan trabel i bin kamap long Trinde 17, Jun we wanpela draiva bilong kampani i bin ron long Sepik haiwe long samting olsem 7 klok moning na ol raskol i stapim em na kisim mani.

Plis ripot i tok dispela trabel i bin kamap namel long ples Urigembi na

Babarom. We tripela man i bin yusim tupela gan na wanpela tamiok long pretim draiva long stapim ka.

Dispela ol man i bin kisim K600 long draiva. Dispela em mani bilong baim kopi long ol ples i stap klostu long haiwe.

Tasol bihain long tupela de gen, tripela man i bin stapim narapela draiva bilong sem kampani na stilim K500 long em.

Plis i wok long painimaut yet long dispela tupela trabel. Plis i save pinis long wanpela man husat i bin stap insait long namba wan trabel long Jun 17.

**Madang kot sasim man K1,100 long holim ol piksa nogut**

MADANG Distrik Kot i sasim pinis wanpela man Isten Hailans long holim ol samting i gat piksa nogut bilong ol man na meri.

Kot i bin painim Paul Sabayae i rong long tripela sas na sasim em long baim K500 long holim ol poto nogut, K300 long holim tupela vidio nogut na narapela K300 long holim buk i gat ol piksa nogut bilong ol man na meri.

Kot i bin givim Sabayae 7-pela de long painim mani na baim olgeta sas bilong em. Na sapos em i no painim dispela ol mani, em bai go long kalabus.

Dispela i min olsem Sabayae bai kalabus 6-pela mun long namba wan sas, 5-pela mun long namba tu sas na narapela 5-pela mun gen long namba tri sas.

Sapos em i no baim dispela fain namel long 7-pela de, em bai go kalabus long 16 mun olgeta.

Somare odarim loya long lusim PNG

LONG Tunde Julai 23, Foren Afeas Minista Sir Michael Somare i givim oda long rausim wanpela ovasis loya long kantri.

Nem bilong dispela loya em Brian Curran. Mista Curran i wok wantaim Blake Dawson na Waldron lo kampani.

Mista Curran i bin makim wanpela man Amerika, Arthur Nolan Le Blanc long Nesenel Kot, na egens oda bilong stet long rausim Mista Le Blanc long kantri. Long asde apin-un, Mista Le Blanc i lusim kantri.

PNG Lo Sosaiti i no amamas long wanem samting Sir Michael i mekim. Na salim pinis wanpela strongpela leta i go long Sir Michael long asde. Leta ya i askim Sir Michael long senisim tingting na rausim oda bilong Mista Curran long lusim kantri.

Presiden bilong PNG Lo Sosaiti, Loani Henao i raitim dispela leta na tok ol loya mas mekim wok bilong ol, na i noken pret long Mamalo bilong PNG.

Mista Henao i tok PNG Lo Sosaiti i no save long wanem as na Sir Michael i mekim dispela, tasol, save i stap olsem dispela Oda i kamap bikos Mista Curran i makim Mista Le Blanc long Nesenel Kot egens tokorait bilong gavman.

"Sapos dispela em i stretpela as, orait Sosaiti i tingting planti nau long samting stet i mekim, bikos dispela i no givim fridom long wok bilong ol loya insait long demokretik kantri," Mista Henao i tok.

Em i skruim tok olsem Stet o wanwan manmeri i noken pretim loya, sapos loya mekim wok bilong em long salensim tokorait bilong Stet o wanwan manmeri long kot.

Yunivesiti long Mosbi kisim moa long 500 studen

MOA long 500 manmeri em Yunivesiti bilong Papua Niugini (UPNG) i oraitim ol pinis long wokim namba tu ya bilong 1992 skul ya.

Dispela em ol studen husat i bin pinis tu long skul las ya, taim ol studen i bin protes egens palamen long oraitim ol memba long kisim moa pe.

Bos bilong UPNG, Joseph Sukwianomb i tok ol i no rausim wanpela studen bikos long hevi bilong

las ya. Em i bihainim toktok bilong Edukesen Minista Utula Samana olsem UPNG i no inap tambuim ol studen husat i laik go bek wantaim gutpela as.

Wantaim dispela 500 studen, yunivesiti bai i no gat inap spes. Tasol Mista Sukwianomb i bilip ol i ken stretim dispela hevi.

Tenpela bilong dispela 500 manmeri i bilong ol

arapela Pasifik ailan kantri. Dispela 10-pela manmeri bai skruim namba bilong ol ovasis studen long Mosbi yunivesiti i go antap long 25. Goroka yunivesiti i gat moa long 30 ovasis studen. Olgeta dispela studen i bilong Solomon Ailan.

Namba bilong ol ovasis studen i pundaun nau. Mista Sukwianomb i tok as bilong dispela em ol kampani husat i save sponsaim ol studen ya i gat hevi long mani.

Pik i holim pawa long hailans

LONG ol ples long hailans bilong Papua Niugini, ol pipel i save was gut tru long ol pik.

Namel long ol dispela lain pipel, pik i mas kaikai, slip na stap olsem ol man. Olkain kaikai man i kisim olgeta kaukau na ol arapela samting, pik tu i mas kisim wankain.

Na sapos i no gat inap kaikai, papa o mama bilong pik bai givim wanem kaikai i stap long pik. Na em yet i ken stap hangre. Wanpela wok painimaut long Goroka i soim olsem dispela i tru.

Long Simbu provins, man husat i gat planti pik i gat biknem na pawa long komyniti. Olgeta pipel bai soim rispek long em. Na em i ken toktok long laik long taim bilong baim kompensesen, meri o stretim ol kros.

Na sapos wanpela man i no gat pik, dispela man i no gat nem long komyniti. Na em i no inap toktok long wanpela samting.

Ol lain long narapela ples bai lukim man husat i gat planti pik olsem bikman. Bikos em i soim olgeta lain olsem em i no wari na hatwok long lukautim planti pik.

Long lukautim wanpela pikinini pik i go inap taim em i bikpela olgeta bai stap inap long 5-pela ya. Na prais bilong dispela kain ol pik nau em K500.

• Yangpela Issac Nogofi husat i laik kamap wanpela bikpela long taim bihain, i lukautim pik bilong em i stap.



Mosbi wel faktori

i kam long pes 1

husat em ol tru tru papa graun, na salim i go long gavman. Na tu em i askim gavman long toktok wantaim ol long ol bagarap em bai kamap long solwara long dispela wok.

Em i tok dispela tingting long sanapim wel faktori bai bagarapim ol laip bilong solwara long Fairfax bris. Bikos ol pipel long ples i save yusim bris long painim abus olsem pis. Na long lukim ol wel bilong faktori i kapsait wantaim marasin nogut i no gutpela.

Avi i tok ol papa graun bilong Motukea ailan i save bipo olsem Curtain Brothers kampani i laik sanapim wanpela kanda faktori long ailan.

Tasol bihain ol i kisim tok olsem Curtain Brothers i laik sanapim wanpela faktori bilong stretim ol bikpela sip bilong karim kontena long sem eria, na i no kanda faktori.

Avi i tok em i toktok pinis wantaim jenerel menesa bilong Curtain Brothers, Mike Cutain. Cutain i tokim em long sanapim sip faktori. Tasol nau ol i painimaut olsem dispela tupela toktok i no tru.

Avi i tok em i save tu olsem Curtain Brothers i wok bung tu long sanapim dispela wel faktori.

NBC gat nupela progrem bilong ol yunivesiti

WANPELA nupela progrem bai kamap long NBC Redio long Fonde Jun 24 long nait. Insait long dispela progrem, ol studen bilong ol bikpela skul long kantri bai toktok long ol senis na wok i kamap nau long Papua Niugini.

Dispela progrem em ol i kolim The Forum. Na meri husat i save toktok long Tok So long Redio Karai, Loujaya Dunar bai go pas long dispela progrem.

Progrem ya i stat long las wik Trinde long Yunivesiti bilong Papua

Niugini long Waigani, Mosbi. Ol studen husat i stadi long kamap loya na ripota i stap insait long dispela progrem.

Het tok ol studen i paitim toktok long en em: "Gavman bilong Papua Niugini i ken larim Bogenvil i bruk na

kamap kantri bilong em yet o nogat?" Ol studen ripota i komplem olsem dispela i mas kamap. Na ol lo studen i tok Bogenvil i no ken kisim indipenden.

Dispela so bai stap inap long 9-pela wik olgeta long UPNG. Na ol studen bilong wan wan kosti bai paitim toktok long kain kain samting.

Mis Dunar i tok em i laik kisim dispela progrem i go long sampela senta bilong kantri. Em i askim pinis siaman

bilong NBC, Sir Alkan Tololo long dispela.

Bihain long 9-pela wik, em i tingting long kisim dispela progrem i go long Yunivesiti bilong Teknoloji long Lae, na bihain bai i go long Goroka Yunivesiti.

I dat tropi bilong ol tim na wan wan studen long winim.

Mis Dunar bai go raun long ol dispela hap wantaim narapela wanwok husat i save kamapim Tok So bilong em, John Honani, na teknisien Geoffrey Kamish.

Lutheran redi long Poroman

i kam long pes 2

Narapela ripot i bin tok olsem Lutheran Shipping i bin baim tu EMS bisnis bilong Steamships kampani. Dispela bisnis i save wok long Enjiniering na Marin Sevises.

Ripot i no bin tok long hamas mani ol i yusim

long baim dispela bisnis bilong Steamships Kampani.

Wantok Niuspela i bin traim long toktok wantaim jenerel menesa bilong Lutheran Shipping. Terence Fuery long dispela tasol i no inap.

Ol manmeri Papua Niugini long ovasis i gat sans nau long vot

DOMINIC KAKAS i raitim

OL manmeri bilong Papua Niugini husat i stap long ovasis i ken vot nau long Jun ileksen long namba wan taim.

Ilektorel Komisen i stretim pinis rot bilong ol long tromoi vot wantaim helpim bilong Foren Afeas dipatmen. Long ol ileksen bilong bipo, ol manmeri bilong PNG husat i skul o wok long ovasis i save no gat sans long vot.


Long tripela wik i go pinis, Ilektorel Komisen i salim aplikesen i go long Foren Afeas dipatmen. Na Foren

Afeas i salim dispela aplikesen i go long ol embasi bilong em long ovasis.

Ol pipel bai sainim ol dispela fom na salim i kam bek long Ilektorel Komisen. Na komisen bai salim dispela fom i go long ilektorel opisa bilong wan wan ilektoret.

Jack Chawanim em wanpela bikman husat i stretim rot bilong dispela kain vot, na i wok wantaim Foren Afeas dipatmen. Em i tok ol i salim moa long 100 aplikesen i go pinis long ovasis.

"Na planti bilong ol i salim fom bilong ol i kam bek tupela wik i go pinis," Chawanin i tok.



**WANTOK**  
NIUSPEPA BILONG OL PAPA NIUGINI STRET

**Sekap gut long wel faktori**

I gutpela olsem nesanel gavman i laik bringim moa developmen i kam insait long Mosbi na kantri. Las wik yuml harim olsem em bai kirapim wei projek long Motukea allan long Mosbi.

Dispela i gutpela long wanem em bai givim wok long planti yangpela pipel husat i stap nating, bringim moa kampani bilong ovasis long kam wok long hia, givim moa wok long ol kampani bilong kantri yet na planti ol gutpela samting olsem.

Tasol i gat ol bekim nogut tu bai kamap. Ripot nau i kamap, em i soim ples klia olsem no gat gutpela wok painimaut i bin kamap bilong sekap long ol samting. Dispela hap solwara em ol i makim bilong sanapim faktori i stap klostu tumas long ples. Sampela askim i no gat bekim yet em: watpo na ol pipel bilong ples na ol papa graun i no kisim wanpela tok save long dispela projek? Dispela hap solwara em wanpela rot tasol bilong ol dispela lain pipel long painim abus bilong ol: na bilong wanem no gat wok painimaut i bin kamap wantaim ol pipel yet long kisim tingting bilong ol?

Sapos ol papa graun i no save long dispela wei projek, dispela i soim olsem ol man nating i toktok long nem bilong ol papa graun. Na dispela kain pasin i no gutpela bikos narapela man i tingim tasol nem, mani na namba bilong em.

**Isten Hailans bai yusim K800,000**

**SAPE METTA I raitim**

ILEKSEN mani em Isten Hailans provins

bai yusim long ileksen bai abrusim tru mak bilong K800,000.

Dispela i winim K500,000 mak bilong 1987 ileksen na

K300,000 mak bilong provinsal gavman ileksen long 1990.

Bikpela kos bilong ileksen long 1992 bai kam long sas bilong ol helikopta, ka, balus na long prinim ol samting bilong yusim long taim bilong ileksen.

Dispela i kamap tu bikos namba bilong ol pipel long vot long dispela nesanel ileksen i bikpela moa. Namba bilong ol pipel husat bai vot long 1992 i stap long mak bilong 300 tausen. Olsem na dispela i min bai i mas gat moa pepa na ol ileksen opisa.

Long kisim tasol ol



**Sampela pipel long Madang na Is Sepik i no vot**

SAMPELA pipel i no bin vot long Is Sepik na Madang provins long las wik Sarere.

Ol ilektrol opisa i no larim ol long vot bikos nem bilong ol i no stap long komon rol.

Winare i tok gavman i bin bringim kamap tingting bilong komon rol bihain long 1987 ileksen long pinisim seksenel voting. Ol kendidet i askim pinis sief ilektrol komisina long mekim sampela samting pastaim long trabel i kamap.

Winare i tok dispela i bin stapim planti lain long vot long ol ples olsem long Sawom na Boikin long Is Sepik. Em i tok ol pipel bilong Yuo ailan na Karasau tu i bin bungim wankain hevi taim ol wokman bilong ilektrol opisa i stapim ol long vot.

Wankain hevi tu i bin kamap long Madang, sampela pipel long Krangket ailan na not kos eria i no bin vot bikos nem bilong ol i no stap long komon rol.

Winare i tok ol kendidet bilong Is Sepik na Madang i laikim sief ilektrol komisina long mekim sampela samting. Bikos ol inap long kisim ilektrol komisina i go long kot bikos em i no bin redim gut ol samting pastaim long ileksen.

Winare i tok sampela pipel bilong ples i komplek long ol ilektrol opisa bikos ol i no bin mekim wok bilong ol long stretim komon rol na i wok long yusim 1982 na 1987 ilektrol rol.

**Plis sasim kendidet**

i kam long pes 2

kamap, ol i bin henskapim ol plis na ami husat i bin was long dispela taim. Tasol Katusele i tok em i no save long ol dispela samting.

Nau yet provinsal ilektrol opisa, Justus Bawaloi i tok wanem ol kendidet i wokim trabel long taim bilong vot o i bagarapim ol balot bokis bai sanap long kot. Ol bai sasim ol aninit long mama lo

bilong nesanel ileksen ekt.

Na ol bai kalabusim ol man i wokim trabel long taim bilong ileksen long tupela yia.

Bawaloi i tok ileksen i bin ron gut tru maski ol i gat ol liklik hevi. Na em i givim bikpela tok amamas i go long ol plis na ami long stapim trabel long taim bilong ileksen.

Westen Hailans provins bai kaunim ol vot long Fraide nait.



• Susa ya i makim kendidet bilong em. Na em i gat bikpela bilip olsem em i no tromol vot nating. Wankain tingting planti manmeri i gat long dispela yia. Em i bilip olsem kendidet bilong em bai lukautim ol pipel bilong em. Olsem na em i makim em.

**Plisman i no kisim tok orait long rausim nem**

WANPELA kendidet bilong Sauten Hailans husat i tingting long rausim nem bilong em long resis long ileksen i no bin kisim tok orait.

Tupela wik i go pinis Mendep Joseph Ungia i bin tingting long rausim nem bilong em.

Pastaim long Ungia i givim nem bilong resis long Mendi Open, em i bin wok olsem wanpela plisman long Mendi. Tingting bilong em long rausim nem long resis i kamap bihain tasol long plis hetkwata i no oraitim pas bilong em long pinis long wok. Ol i tokim em long go bek long wok long pinis bilong dispela mun.

Ungia i raitim pinis wanpela pas i go long provinsal ilektrol opisa na askim ol long rausim nem bilong em na givim bek K1000 nominesen fi.

Tasol provinsal ritening opisa, Ori

Hou i tok olsem Ungia i mas resis long dispela ileksen bikos ol i no gat taim long rausim nem bilong em long balot pepa.

Hou i tok sapos ol kendidet i laik rausim nem, ol i mas wokim dispela long Epril 24, 1992. Dispela em long taim bilong pasim nominesen.

Nau yet Ungia i wok long kibung wantaim ol sapota bilong em long ples bilong em, Kamenep na tokim ol long votim wanpela kendidet em i laikim. Tasol ol sapota bilong em i tok ol bai votim em sapos em i sanap na votim narapela man long laik bilong ol yet sapos Ungia i no resis.

Dispela em i namba tu taim bilong Ungia long resis long nesanel ileksen. Long namba wan taim, em i bin resis long 1987.

**Moa ileksen ripot long pes 19**

**WANTOK**  
NIUSPEPA BILONG OL PAPA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

**PE BILONG WANPELA YIA 52 NIUSPEPA**

PLES	AIR
Mosbi	K30.00
Arapela PNG eria	K60.00
Australia na Nu. Silan	K92.00
Esia pasifik na Japan	K123.00
Amerika na Yurop	K180.00



HAZ BIABIA KISIM OL POSTA BILONG EM NA GO NILIM LONG OL DIWAI NAMBAUT...

EM NAU! BAI OL MAN I LUKIM NA VOTIM MI!

WANPELA LIKLIK MANGI LUKIM BIABIA I MEKIM OLSEM NA EM BIHAINIM EM...

BAI MI BIHAINIM EM NA SENISIM PES BILONG EM LONG OLGETA POSTA!

NAU BIABIA NILIM WANPELA POSTA LONG DIWAI NA WOKABAUT IGO...

EM NAU, BIABIA! OL MAN BAI VOTIM YU STRET! HE! HE! HE! SATAN!

MANGI YAH I KIRAP NA SENISIM PES BILONG BIABIA...

NA LUK OLSEM...

VOTIM



Wanpela taim Kanage i go spak long Mulait long Mosbi. Insait long Mulait boi i spak krangki olsem na em i mekim kainkain pasin bilong ol waitman.

Em i askim wanpela yangpela meri long tupela danis. Taim meri i kam em i tok, mi les mi laik danis bilong mi yet.

Danis i pinis na em i kamaut long Mulait. Kanage i wokabaut isi i go long haus. Poro bilong em i lukim Kanage na opim dua. Bihain Kanage i tok gutnait na wokabaut stret i go opim dua bilong em. Em i lusim na siksti kam i go insait long toilet na slip.

Bihain poro laik i go long toilet na lukim dua i pas. Em i pairapim dua na singaut. "Kanage, yu slip o yu slindaun long toilet. Kanage i kirap na tok, nogat mi slindaun long toilet. Kanage i opim dua na sem pipia stret long em i slip long toilet.

**SMYSON Bombex**

Wanpela taim poro bilong Kanage i putim klos bilong ol ami na em i go danis long wanpela nait klap long Kimbe. Ol meri bilong Kimbe haikul i pulap. Olsem na poro bilong Kanage i kusai stret.

Wanpela musik bilong ol Afrika i kamap na poro bilong kanage siksti i go aut danis. Danis i pinis na em i siksti i kam slindaun long ples bilong em. Em i no save long inglis tu. Wanpela yangpela meri bilong Kimbe haikul i kam na askim Kanage long inglis. "Hey boi, you look like one ami yoo." Poro bilong Kanage i paul bikos meri i tanim long nek bilong ol hailans stret. Tasol bihain em i bekim, yes I am. Kanage slindaun long kona na harim i stap. Bihain em i singaut na tok Poro yu laik giamanim ol skul meri ah?

Kanage i sem pipia na kirap statim pait wantaim poro bilong em.

Kipsie Boy. BIALLA

Olgeta taim ol wokman bilong Kanage i save laik holim as long taim bilong wok. Kanage i belhat wanpela taim na em i go pekpek long bus.

Bihain em i pulim traisis tasol i go antap na em i go long wok. Ol man i holim as i stap olsem na Kanage i go klostu long wanpela man bai i kam na holim as bilong em.

I no long taim wanpela man Arowe i siksti i kam na holim as bilong Kanage. Bihain Kanage i tanim na man Arowe i ranawe i go hait. Arowe i go tasol em i smelim pekpek i smel, olsem na em i lukluk long han bilong em. Na em i lukim bikpela pekpek i pas long han bilong em.

Em i toknogut bikpela long Kanage. Tasol taim Kanage i lukim olsem em i kilim skin stret long lap.

Andom Yowis RABAU

Kanage i wok long Mosbi. Lip bilong em i kamap na em i askim wanpela poro bilong em long i go long ples wantaim.

Tupela kism balus na i go long Kainantu. Kandre meri bilong Kanage i harim na i go wetim em i stap long ples balus. Tupela wokabaut i kam aut na lukim kandre meri i sanap istap. Em i holim pasim kandre meri na hap liklik aiwara wantaim kus i pundaun. Bihain kandre i kism tupela na i go long ples.

Papa bilong kandre meri i lukim olsem na kilim wanpela bikpela pig. Em i givim naip long Kanage na tokim em long katin. Kanage i bendaun na i no save olsem kandre meri i sanap long baksait. Em i taitim long katim pig nogat em i kaps stret long yau bilong kandre meri.

Em i tanim bek nogat em i lukim kandre meri i sanap long baksait na em i sem pipia stret.

Poro bilong em i lukim na kilim skin stret long lap.

Berry Kenis GOROKA

# Rabaul tingim yet wol woa tu

AMAMAS bilong tingim 50 yia bilong Wol Woa tu i no pinis yet long Papua Niugini.

Dispela amamas i stap yet taim 37 memba bilong Seken 22 Batalion (Lark Fos Asosiesen) i bin go long Rabaul long las wik.

Na Riten Sevis Lig i redim wanpela bung kaikai bilong amamasim ol dispela 37

man na meri husat i bin wok olsem nes long dispela taim. NA long neks de, ol i bin go lukluk raun long misium long Kokopo. Na long apinun, Primia Sinai Brown i wokim gen narapela bung kaikai bilong ol.

Bikpela hap bilong dispela wokabaut bilong ol i bin kamap long Fonde. Bikpela lotu i bin kamap long Bitapa-

ka woa matmat. Long apinun, praim minsita Rabbie Namaliu i wokim narapela bung kaikai gen long ol dispela lain.

Long dispela yia i makim tu 50 yia taim ol soldia bilong Australia na Amerika i bin bomim kalabus sip bilong Japan, *Montevideo Maru*.

Bihain tasol long ol i kism Rabaul long

Januari 23, 1942 ol soldia bilong Japan i bungim olgeta kalabus bilong ol long wanpela hap long taim. Long Sande Jun 22, olgeta lain i kism tok save bilong lusim ailan. Tasol i no ol ami opisa na etpela man. Na moa long wan tausen kalabus i go daun long bris na lusim Rabaul bilong go long Ilian anailan.

845 soldia bilong Seken 22 Batalion, 208 man na meri, 12-pela misineri bilong Metodis, tripela misineri bilong Katolik Sios, tupela Seven De Adventis na 23 musikman bilong Salvesen Ami wantaim ol sampela biknem bisnismen.

Ol dispela 37 man na meri i putim wanpela mak long Rabaul Smal Sip Wop bilong tingim dispela woa long Papua Niugini na Pasifik.

Long Julai 4, bikpela lotu bai kamap long Australia. Na ol lain husat bai makim Papua Niugini long dispela taim em Bisop William na Evah Kilala bilong Yunaited Sios long Rabaul.

## Bia i pas long Vanimo na wiski bilong Indonesia i kam

**ARI HABA i raitim**

BIA i pas pinis long Vanimo long Wes Sepik provins. Na planti man na meri i wok long kism taim.

Tasol i no ol man na meri tasol. Planti kampani na ol bisnis tu i kism taim. Bikos ol i no kism inap mani bilong wok.

Tupela bilong ol dispela kain kampani em Narimo Hotel na Sandaun Motel. Ripot i tok bikpela hap bilong mani bilong hotel i save kam long salim bia. Na long dispela win-

mani bilong bia, ol inap baim ol wokman na wokmeri.

I gat ripot tu olsem dispela samting i suvim sampela man na meri long hait na go long Jayapura. Na kism ol wiski bilong Indonesia i kam bek long Vanimo. Na ripot i tok tu olsem sampela man long wes kos i wok long hait na salim ol bia na wiski bilong Indonesia. Na ol i save kism bikpela winmani tru.

Ripot i tok long Jayapura, ol i save baim ol wiski bilong Indonesia long K2.50. Tasol taim ol i salim long hia, prais bilong em i save go antap inap long K15.



Las minit kempein i Asde olgeta bikrot long Mosbi i bin pas long taim ol sapota bilong ol kendidet i raun na mekim las minit kempein. Tude em i wanpela de tasol long vot long Mosbi.

## Ol sip bilong painim pis kirapim pret long Wes Sepik

WOK painimaut i tok olsem tupela sip bilong Indonesia i wok long painim pis long Wes Sepik provins. Na i no sip bilong Taiwan olsem planti manmeri i bin toktok long en.

Ol pipel i bin lukim dispela sip inap long tupela wik nau. Distrik Menesa bilong Aitape, Leo Yimitin i tokaut long dispela. Yimitin i tok em i bin kism planti

riport long dispela. Na em i tok save long opis bilong Foren Afeas long Vanimo.

Tasol ol opisa bilong NIO (Nesenel Intelijen Oganaisesen) i tokim Yimitin olsem dispela sip i wanpela bilong tupela sip em gavman i oraitim long painim sak namel long maus bilong Wara Sepik na Wutung long Vanimo. NIO i tok, olgeta rot

bilong dispela tupela sip long painim sak em gavman na wanpela bisnismen bilong Is Sepik, Daniel Takendu i stretim pinis. Tasol wanpela mausman bilong ol pipel long Wutung, Francis Nambu i tok em i no amamas bikos Foren Afeas i no bin tok save long ol long dispela.

Em i tok ol pipel i pret pinis long wanem ol

# Manam i orait tasol sik i bikpela

KLOSTU bai hevi bilong maunten paia long Manam ailan i pinis nau. Na i no long taim, ol bai tokaut long dispela.

PRIMIA bilong Madang, Andrew Ariako i tok ol opisal bilong em i glasim yet ol samting long Manam. Na i no long taim bai ol pipel long ailan i go bek long laip bilong bipo.

Em i tok ol i no inap rausim ol pipel long ailan olsem ol ripot long pastaim i bin tok long en. Wanem samting i kamap nau em ol pipel i wok long stretim gen ol samting na bagarap em pipia bilong volkeno i kamapim.

Opis bilong disasta long Madang i tok hevi bilong ol kaikai i sot i stap yet. Tasol dispela i stap nau long han bilong Katolik Misin long ailan na provin-sal gavman.

Provinsal gavman i salim pinis 400 beg rais na 100 katen tinpis i go long westen sait bilong ailan. Bikos bikpela hevi i kamap long hap. Na planti skul long ailan i stap aninit long han bilong Katolik Sios. Olsem na misin i stat long givim ol belo kaikai long ol sumatin.

Tasol i gat bikpela hevi yet long ol sik. Ripot i tok planti pipel moa i kism taim long ol kain sik olsem pekpek wara, numonia na ol arapela sik. Na planti bilong ol dispela lain i save go long Bieng helt senta.

Ripot bilong ol pipel i kism taim long ol kain sik olsem pekpek wara, numonia na ol arapela sik. Na planti bilong ol dispela lain i save go long Bieng helt senta.

Ripot i kam long Aiome i tok olgeta samting i wok long orait nau.

ami bilong Indonesia i bin kam painim wanpela kem bilong ol OPM paitman insait long mak bilong PNG. Nambu yet i bin lukluk raun insait long dispela sip we i gat 15 kru. Tasol em i ting olsem tupela bilong ol dispela 15 man i mas ol soldia bilong Indonesia.

Nambu i askim nau NIO long painimaut gut pastaim long dispela

tupela sip i painim pis. Tasol Yimitin i tok dispela tupela sip i bilong painim pis. Na olgeta wokman i stap insait long sip i gat laisens long painim sak long solwara bilong Papua Niugini.

Yimitin i tok lewa na ol hap insait long sak i bilong wokim ol marasin na ol arapela samting bilong Indonesia.

# TU MINIT TINGTING

## YUPELA GOAUT NA TOK SAVE LONG OL

LONG gutnius bilong lotu bilong tude, em Luk 10: 1-12, Jisas i salim 72 disaipel i goaut long olgeta taun nabaut bai ol i redim ol pipel long Gutnius em i laik bringim i kam.

Dispela singaut bilong redim rot i go long God, em i goaut long yumi olgeta wan wan Kristen. Long narapela ples Jisas i bin tok: "Lait bilong yupela i mas lait long ai bilong ol manmeri, bai ol i lukim gutpela pasin yupela i mekim na bai ol i litimapim nem bilong Papa." (Mat. 5:16) Yumi olsem wanpela kandel: em i givim laip bilong em long wok bilong givim lait long ol pipel.

Na long dispela sem ples long Nupela Testamen, Jisas i tok tu: "Yupela i sol bilong graun." Sol em i samting i givim pait long ol kaikai; na tu em i save kipim kaikai bai em i no sting. Yumi tu i gat wok bilong mekim gutpela pasin i swit long ai bilong ol

*"Husat bai bringim tok bilong mi i go?" (Aisaya 6:8)*

manmeri nabaut. Na tu em i wok bilong yumi Kristen i stap namel long ol pipel, long lukaut bai ol gutpasin bilong ples i no pundaun na sting.

Wok bilong autim Gutnius bilong Jisas em i no samting bilong wanpela buk, em yumi kolim Baibel. Nogat. Em i wok bilong yumi man na meri.

Wanpela man i bin tok olsem: "Sapos yu gat wanpela gutpela tingting yu laik givim long ol pipel, orait, yu mas haitim dispela tingting insait long wanpela man o meri." Bikpela rot bilong bringim ol pipel i kam long Kraus, em i no dispela bilong ritim Baibel. Nogat. Planti ol i no save rit. Bikpela rot em i dispela: bihainim pasin bilong wanpela gutpela Kristen. Yumi yet i mas stap Baibel bilong ol.

Ol i stori long wanpela taim Sen Fransis i bin tokim wanpela

brata bilong lain bilong em olsem: "Brata, yumi go daun long taun Asisi na yumi autim tok bilong God." Orait, nau tupela i wokabaut i go na long rot tupela i toktok long ol samting bilong God; na sampela taim tupela i autim sampela prea tu. Tupela i wokabaut nabaut insait long taun na bihain long sampela awa tupela i i go bek long haus bilong ol.

Nau brata ya i tanim long Sen Fransis na i askim, "Long wanem taim bai yumi laik autim tok bilong God long ol pipel?" Na Fransis i bekim tok olsem:

"Yumi bin mekim pinis. Long taim yumi bin wokabaut na pre na toktok long ol samting bilong God, ol pipel i bin harim. Na eksampel bilong yumitupela i olsem wanpela tok i bin go long ol. Em tasol."

Autim tok bilong God i no min,

yumi mas goaut na sanap long ol strit, o go long ol ples na kisim maikrofon na laut spika na autim tok long ol pipel.

Nogat. Lait i no save toktok; sol i no save toktok. Mobeta yumi stap long haus na famili na wok bilong yumi na yumi larim pasin bilong yumi i toktok long ol manmeri nabaut long yumi.

Ol i stori long wanpela Kristen i bin go mekim wok tisa insait long gavman skul long Japan. Em i tambu long autim Gutnius long skul. Orait, em i bihainim dispela tambu. Tasol bihain long sampela yia, 40 studen bilong em i joinim lain bilong yumi Kristen; na 25 i go tren long wok ewanjelis. Na wanem samting i bin pulim ol? Em Kristen pasin bilong tisa bilong ol tasol.

Yu laik autim Gutnius bilong Jisas? Orait, yu stap tasol long wok na ples bilong yu. Na long laip na pasin bilong yu yet, yu soim ol arapela pipel nabaut, yu



FRANK MIHALIC I RAITIM

man o meri i gat strongpela bilip long God. Yu larim pasin bel isi i laitim pes bilong yu. Yu no sem long daunim het na pre long haus kaikai long taim yu laik kaikai. Yu no pret long go long lotu long wiken. Yu soim ol manmeri nabaut yu man/meri ol i ken trastim.

Long wanem, yu no save olgeta long stil o giaman o pait o brukim ol lo bilong kantri.

Dispela kain man/meri i helpim em yet, i helpim kantri, na i helpim Sios long bringim Gutnius bilong Jisas i go long olgeta hap. Dispela kain Kristen i bihainim tok bilong Jisas.

## Komyuniti skul tisa kisim presen long wok bilong God

PAUL PURI YAMBA i raitim

WANPELA komyuniti skul tisa i stap nau long Amerika long skul long tioloji.

Dispela em kain stadi bilong kamap olsem wokman na wokmeri bilong God. Na dispela man, Timothy Map bai statim ol kos bilong em tude, Fonde 25 Jun, 1992 long Sekelvil Baibel Skul long Ohaio.

Timothy i bilong ples Utupia long Nipa, Sauten Hailans provins. Em i marit na i gat pikinini.

Timothy bai stap skul long Amerika inap long tupela yia. Na sapos em i skul gut, em bai stap skul gen long narapela tupela yia.

Ol lain bilong Kristen yunien Misin long Utupia i bin stretim rot bilong Timothy long go skul long hap. Ol i mekim olsem long soim amamas bilong ol long wanem samting em i save mekim insait long komyuniti.

Long helpim wokabaut bilong em i go long Amerika, ol wantok bilong

em long ples na ol arapela kristen i bin givim K3,000 olgeta long em. Na planti i bin wari bikos em bai go nau.

Long wanem em i man bilong helpim olgeta lain, maski ol i wantok o birua. Inap long etpela yia nau, Map i save wok olsem wanpela tisa long komyuniti skul. Na long dispela taim, em i save mekim tu ol wok bilong God long autim Gutnius na soim amamas bilong em.

Olsem wanpela poro bilong em, Robert Kopaol i tok, "Timothy em i man bilong God. Em i man bilong wok hat, i save yusim gut taim bilong em, i no save giaman na i gat rispek long olgeta man, meri na pikinini."

Taim em i no save tis, Timothy inap helpim ol arapela long ol kain wok olsem mekanik, kamda na plama. Na long olgeta taim, em i save yusim ol dispela save bilong em long helpim ol arapela.

Maski em i gat planti wok olsem wanpela komyuniti skul tisa na famili man, Timothy i save givim yet hap taim bilong em long mekim wok.




Ol Karismatik i bung □ Dispela ol lain Karismatik grup bilong Mosbi i bin bung long wanpela semina bilong ol las wik. Dokta Lucas Chang i bin go pas long dispela tripela de semina. I bin gat 75 pipel i kamap long dispela bung.

# NBBY

## KREER COMPOUND-WEWAK

Baim ol samting long NBBY na sapatim dispela lokal kampani na ol pipel bilong Sepik.



# Papamama laikim wok sekap i kamap long Aitape haiskul

## BENSTEAD TARU i raitim

BIKPELA askim i go nau long provinsal edukesen bod bilong Wes Sepik i sekap long edministresen wok bilong Aitape haiskul.

Ol mama na papa bilong Amanab, Grin

Riva, Telefomin, na Oksapmin i bin kompelen long dispela. Bikos ol pipel bilong Marok i bin bel hat long liklik hevi bilong ol studen na paitim ol studen bilong boda long skul.

Ol mama na papa bilong boda i tok hetmasta wantaim ol edministreta bilong skul i no stretim ol liklik

hevi bilong ol studen long skul yet. Ripot i tok ol pipel bilong Marok i bin yusim ston na stik na ol arapela samting bilong pait long bagarapim nating ol arapela studen long skul.

Na tripela studen i slip nau long haus sik. I gat bilip i stap olsem 60 studen bilong boda i

bin protes long dispela na i no go long skul. Bihain ol i askim edministresen bilong skul long salim ol i go skul long ol arapela haiskul long provins. Ol studen i tok dispela em i namba tu taim bilong ol pipel long mekim olsem.

Bihain long dispela tupela birua ol studen i

stap nau wantaim pret. Na hetmasta bilong Aitape haiskul, Tom Mause i tok olsem ol i bin givim namba wan hevi i go long han bilong ol plisman.

Tasol no gat wanpela

samting i kamap yet. Em i tok olgeta hevi i pinis na ol studen i stap gut long skul.

Long wanpela pas bilong ol, ol mama na papa i askim edukesen bod long rausim

olgeta sinia tisa na hetmasta bilong skul. Na long senisim tu bod ov gavana bilong skul.

Siaman bilong ol skul bod ov gavana i no givim bekim bilong em yet.

## Simbu kisim nem olsem ples bilong pait inap tripela mun

### MICHAEL KOMA i raitim

SIMBU provins i gat nem nau olsem ples bilong pait inap long tripela mun.

Dispela i kamap ples klia long 2 Jun, 1992 na bai i stap inap long pinis bilong mun Ogas.

Provinsal seketeri Joe Bal i tok ol i mekim dispela bikos long taim bilong ileksen. Ol i laikim olsem nesenel ileksen i mas kamap gutpela. Dispela em long taim bilong vot na bihain long ol i kaunim vot.

Bal i tok dispela lo nau i givim tok orait long ol plisman na soldia bilong

Papua Niugini Difens Fos husat i stap nau long hap long go hariap long ol ples i gat trabel.

Bikpela lo tu i tambuim ol kendidet bilong Kundiawa/Gembogl Open na Simbu Rijonal long holim ol pablik bung long Kundiawa taun eria.

Dispela tambu i kamap bihain long ol sapota bilong tupela birua kendidet i kros na bagarapim nabaut ol samting insait long taun. Beng bilong Saut Pasifik long Kundiawa i pas nau bihainim dispela pait. Na ol i no tokaut yet long wanem taim em bai op.

Bal i tok dispela kain samting bai kamapim moa hevi long ol pipel bilong Simbu. Olsem na ol i mas wokim strongpela tambu lo olsem.



•Diwai i no bagarapim ka bilong mi.....John Awande i amamas long diwai i no bagarapim ka bilong em long Tunde Jun 16, 1992. Awande i bin stap insait long opis bilong em na harim wanpela bikpela pairap ausait. Em i siksti i kam ausait na lukim diwai i slip antap long Suzuki ka bilong em. Olsem na em kisim naip hariap na katim ol han bilong diwai long ka bilong em.

## Ol boda pipel wari long gaden kaikai

### ARI HABA i raitim

OL pipel bilong Wutung long Vanimo i askim gavman bilong Papua Niugini long stretim hariap ol hevi i save kamap long boda.

Dispela askim i kamap bihainlong ol soldia bilong Indonesia

i kalapim boda mak na kam insait long ples bilong ol long mun Me long dispela yia.

Mausman bilong ol pipel, Stenis Tampa i tok sapos gavman i no lukluk long dispela hevi, ol bai salim wanpela pas i go long Yunaitet Nesens long dispela hevi.

Nau yet ol pipel bilong

ples i wok long painim hat long kisim kaikai long gaden. Bikos planti gaden i stap long narapela sait bilong boda.

Ol i pret long go kisim kaikai long gaden bihainim sampela giaman ripot ol i kisim long plis na ami bilong Indonesia long Jayapura. Ol ami bilong

Indonesia i tok ol OPM paitman i bin helpim ol pipel long wokim ol dispela gaden.

Tasol Tampa i tok dispela ol toktok i no tru. Em i tok ol pipel yet i bin wokim ol gaden long hap graun bilong ol i long narapela sait bilong boda.

Planti kaikai long gaden i wok long bagarap.

Tampa i laikim tu ol bos bilong Foren Afeas long rausim ol wokman husat i stap nau long Vanimo. Na salim ol i go long narapela provins bikos planti bilong ol i no mekim gut wok.

Em i mekim ol dispela toktok bihainim wanpela birua long mun Me taim. We ol Indonesia soldia i kukim wanpela OPM paitman na sutim narapela tupela.

Ol i bin kisim tupela i go long Vanimo haus sik na bihain ol i salim tupela i go long Boram haus sik long Wewak.

## Kiunga mit kirapim ol pret toktok

BIKPELA toktok i kamap long Kiunga taun olsem wanpela man i bin salim mit bilong man long Kiunga maket.

Provinsal Plis Komanda, Sief Inspekta Peter Taiang i tok ol man i bin baim sampela mit long Jun 17, 1992. Ol i kisim ol hap bilong dispela mit i go long haus sik na plis stesin na tok olsem dispela em mit bilong man.

Taiang i tok ol i no bin kisim wanpela ripot yet long wanpela man i dai. Tasol ol bai painimaut long dispela mit. Na sapos em i tru olsem em i mit bilong man, ol plisman bai painimaut moa long holim man husat i salim ol dispela mit. Na kot bilong dispela bai sut long kilim man. Ol man husat i luksave long dispela

mit i mekim wankain stori long wanpela man husat i stap long wanpela boda kem bilong Papua Niugini na Irien Jaya. Ol i tok dispela man i bin kros na kilim pikinini meri bilong em.

Bihain em i rausim olgeta skin na bun. Na katim mit i go liklik liklik na putim long rop. Na kisim i go long Kiunga maket bilong salim. Planti manmeri i lukim em i sasim long liklik prais. Olsem na ol i go na pinisim dispela mit.

Olgeta mit long Kiunga maket i save kos namel long K5 na antap. Tasol dispela man i salim dispela mit long K2. Ol pipel i tingting planti na kisim ol liklik hap bilong dispela mit i go long ol plisman na wokman bilong haus sik long painim aut long en.

# LAE'S NO.1 USED CARS

NEXT WEEK ONLY

**PNG Motors**  
"No.1 Car of the Week"

## ISUZU NPR

Coffee Body 3 Ton Truck,  
Reconditioned motor, Excellent condition  
**K8,990.00**

*In our yard we have quality, used cars at Bargain Prices, so don't delay...*

Suzuki SJ410 Hard Top 4WD Drives Well, Economical Motoring	<b>K4,990.00</b>
Holden V8 Kingswood Utility Worked 308 Motor, Holley Carb, Extractors Stateman Front. IT FLIES	<b>K4,990.00</b>
Nissan Patrol Turbo Diesel Tray Body, Low Kms, Excellent condition And Only One Owner.	<b>K11,500.00</b>
Nissan Navara Double Cab Diesel 4WD This Much Sought After Model Will Sell Quickly	<b>K10,990.00</b>
Toyota Dyna Late Models, Choice of 4	<i>From</i> <b>K6,990.00</b>

## PNG MOTORS

This weeks specials apply to PNG MOTORS - LAE only

# Yunaited Nesens bos laik kirapim nupela ami gen

SEKETERI Jenerel bilong Yunaited Nesens, Dokta Boutros-Ghali i laikim olsem Yunaited Nesens i mas wokim wanpela ami bilong em yet long stretim ol pait na trabel. Na dispela inap givim bikpela mekim save long ol ami bilong Yunaited Nesens husat i stap nau long Kambodia na Yugoslavia long traim bringim bel isi na helpim i go long hap.

Insait long wanpela 52 pes ripot bilong em, Dokta Boutros-Ghali i tok dispela ami i mas gat olgeta strongpela samting bilong pait.

Ripot bilong em i toktok tu long planti bikpela wok na samting long bringim bel isi, stretim ol hevi na stretim ol wok bilong oganaisesen long narapela sait. Na long dispela wik, em i bin givim dispela ripot bilong em i go long ol 15 memba bilong Yunaited Nesens sekyuriti kaunsil.

Tasol Dokta Boutros Ghali i tok dis-

pela ami i no inap mekim nabaut. Em bai bihainim ol lo bilong dispela kantri long wanem rot em i bihainim long bringim bel isi i go long hap.

Ol bai yusim ami sapos i no gat moa narapela rot bilong bringim bel isi.

Long Sarajevo, ol lain bilong Yunaited Nesens na ol arapela grup i go kamap pinis. Na dispela em i namba wan taim bilong ol long go insait.

Ol pait i pinis nau na ol lain husat i bin stap pait long hap i go long ol narapela hap. Na ol memba bilong Yunaited Nesens ami i tekova gen long dispela hap.

Yunaited Nesens i no bin stat bringim ol kago bilong en i go long hap taim 31 ka bilong Frans i kamap wantaim ol kaikai, marasin na klos.


Ripot i tok ol pipel long sampela hap bilong Sarajevo i wok long kisim taim long hangre.



*I no taim bilong wet...*Wanpela paitman bilong ol lain Muslim i kalap pinis long hap motobaik bilong em na i redi long iusim Tasovsisi bihain long ol i tekova long ol paitman bilong Sebja. Pastaim ol paitman bilong Sebja i bin banisim dispela hap na i save yusim olsem hetkwata bilong bagarapim ol arapela siti.



*Pait i bruk na wok i stap...*Wanpela mama bilong ples Bosnia long wanpela refuji kem bilong ol lain Kroasia i wasim ol plet samting. Na ol pikinini i sindaun lukluk i stap. Bikpela pait i stap yet long hap na Yunaited Nesens i wok long traim helpim. Tasol long hap rot bilong Sarajevo, biktaun bilong Bosnia, ol paitman i pasim ol ka na bagarapim ol samting.



*Taim bilong holide ya...*Ol lain ka i kam na pas long Thame long Albania. Dispela i kamap stret long boda mak namel long Albania na Masedonia. Ol dispela lain pipel bilong Albania i laik go long hapsait bilong amamasim wanpela holide bilong ol lain Muslim. Bipo Masedonia i bin stap aninit long han bilong Masedonia, tasol nau nogat.



*Pre egensim bel isi...*Ol pris bilong ol billpman bilong Budha long Japan i pre egensim tingting bilong salim ol ami bilong Japan i go helpim wok bel isi em Yunaited Nesens i save mekim long woi. Wanpela spesel komiti long palamen bilong Japan i autim nau dispela tingting long Diet, palamen bilong Japan.



*Sekim ol gut...*Ol pillsman bilong Beijing i sekim dispela tupela man Amerika husat i wok long tromoi plet na pilal long Tiananmen Skwea long Beijing. Bikos i no longwe, bikpela protes i bin kamap na ol pillsman i hoilm tupela papa bilong wanpela biknem leba yunien long Beijing. Olsem bal ol i no inap protes long taim kominis i bin tekova long Beijing.



# PLIS RIPOT



• **MADANG:** Ol plisman i holim wanpela man bilong Simbu na sasim em long giaman pasin long taim bilong vot.

Plis ripot i tok dispela man i vot pinis long wanpela kendidet. Na bihain em i laik yusim nem bilong wanpela man husat i dai pinis. Tasol em i gat nem long komon rol bilong vot. Ol ilektoret opisa i painim aut long dispela na askim ol plisman long holim em. Bihain ol plisman yet i painimaut na sasim em long mekim dispela kain pasin.

• **WEWAK:** Ol plisman i bin holim tupela yangpela ma bikos tupela i laik giamanim ol poling opisa.

Plis ripot i tok tupela i bin go long ples bilong vot na askim ol opisa long vot. Tasol ol poling opisa i tokim tupela olsem ol i no gat nem long komon rol.

Olsem na tupela i go long narapela ples bilong vot na yusim nem bilong ol poling opisa. Ol poling opisa i harim dispela nem na hariap tru ol i holim pasin tupela long traime long mekim ol giaman pasin olsem.

• **KAVIENG:** Wanpela raskol man i bin paitaim Provinsal Plis Komanda, Titus Pamben long las wik Fonde Jun 18, 1992.

Plis ripot i tok dispela wanpela man tasol i bin paitim David Maluku. Maluku em i wanpela mejistret bilong Kavieng Distrik kot. Plis ripot i tok dispela man em i wanpela bilong ol 7-pela man husat i bagarapim haus bilong wanpela wokman bilong Kavieng Fiseris Koles.

Long dispela taim ol i bin stilim wanpela liklik bas na i go Kavieng Fiseris Koles. Na bagarapim dispela haus. Nau ol plisman i painim ol dispela lain yet.

## Ating sotgan bai kisim ples bilong spia na bunara long Enga bihain long ileksen

**DOMINIC KAKAS** i raitim

LONG Sarere, olgeta i vot long Wabag Open  
lain bilong mi long ples ilektoret bilong Enga



*Papa graun kibung long Mosbi...Dispela ol 4-pela papa graun bilong Namome Pty Limited long Kerema na Vanimo Timba Lenonas long Wes Sepik i bung long Mosbi. Ol i bin kam kibung long wokim wanpela lenonas long kantri. Na 40 papa graun i bin kamap long dispela bung. Foto: Winis Map.*

provins.  
Mipela olgeta i stap nau long Mosbi. Na long las tupela yia, no gat wanpela bilong mipela i bin go long

ples.  
Sampela pipel i bin yusim nem bilong papamama bilong mi, nem bilong mi yet na tupela yangpela susa bilong mi. Wanpela i winim 16 krismas pinis na narapela i winim 6-pela yia tasol. Meri bilong bikpela brata bilong mi i bilong Rigo long Sentrel provins. Na wanpela man tu i kisim ples bilong em na tromoi vot.

Dispela nau i bringim planti tingting sapos 1992 nesenel ileksen i bin ran gut o nogat. Ating wankain samting i mas kamap tu long ol narapela hap bilong kantri. Husat i save.

Planti komplem na toktok i wok long kamap nau long pasin em ileksen i wok long ron long en. I no long-taim i go pinis, Foren Afeas minista Sir Michael Somare na Atoni Jenerel/Jastis minista, Bernard Narakobi i bin askim Suprim Kot long stapim ol ileksen.

Wantok Niuspepa i bin toktok wantaim

wanpela man husat i stap na lukim ol vot i kamap long Enga provins long Jun 19, 20 na 21. Sapos ol toktok bilong em i tru, ating yumi mas tingting planti.

Em i tok olsem bikpela stil na gridi pasin i kamap long hap. Long wanem sampela man i save vot tupela, tripela o 4-pela taim olgeta. Na sampela lain i save suvim ol manmeri long votim wanem kendidet ol i laikim long en. Em i tok tu olsem sampela kendidet i suvim pinis ol poling opisa long pulimapim tasol ol balot pepa aninit long nem bilong ol.

Ol pipel i save yusim sno wait long rausim mak bilong pen long han bilong ol na vot tupela, tripela o 4-pela taim.

Em i tok long olgeta ples bilong kisim vot, i save gat wanpela o tupela plisman. Tasol ol i no gat ol strongpela samting bilong pait olsem sotgan o pistol.

1 go moa long pes 18



Winner of the 1990 KOOL INDEPENDENCE SAFARI RALLY and 1st PLACE in The 1991 KOOL INDEPENDENCE SAFARI RALLY

## PNG'S No. 1 RALLY DRIVER

TELLS HOW TO WIN COMPETITIONS  
(AND PEACE OF MIND)

"Fuel starvation - if it's going to happen it'll be just when you need all the power you can get!" Andrew English, winner of the 1990 Independence Safari Rally and 3rd behind Australian ace Murray Cootie in the 1991 event. A dedicated Mazda driver, he makes sure his engine gets all the fuel it needs by fitting genuine fuel filters.

Here's why Andrew insists on the genuine part:

**Genuine**

- Built in water trap separates water from the fuel and retains it in the filter body.
- Extra large surface area with "edge to edge" filter medium construction gives maximum filtration with maximum flow rate throughout the recommended servicing interval.

**Non-Genuine**

- No water trap-water will be drawn into the intake causing poor combustion, misfiring and consequent loss of power.
- Small surface area of low quality filter medium - this filter will block easily giving all the symptoms of fuel starvation early in its life.



**Keep the power where you need it - when you need it - use the genuine part**



# COMMENCEMENT OF NEW FORESTRY ACT

This advertisement provides a brief outline of the provisions of the new Forestry Act. Any queries or requests for further information should be referred to the public relations committee of the Forestry Transitional Management Council (telephone: 27 7838, 25 6399 or 27 7836).

## COMMENCEMENT

The Forestry Act 1991 was passed in the July 1991 sitting of the National Parliament. The act has come into operation from June 25, 1992.

The old Forestry Act, Forestry (Private Dealings) Act and Forestry Industries Council Act will all be repealed upon commencement of the new act.

## PAPUA NEW GUINEA FOREST AUTHORITY

The act establishes the PNG Forest Authority which is to be managed by the National Forest Board. The staff of the authority will be known as the National Forest Service. The National Forest Board will be assisted by specialist advisory committees and a Provincial Forest Management Committee for each province. In addition to the PFMCs the National Forest Board will have power to set up technical committees to advise on topics such as resource management, research, training and education, marketing and industry development.

The authority is a statutory corporation. In time all former functions of the Department of Forests and the Forest Industries Council will be taken over by the authority.

The authority's objectives as stated in the act are:-

- (a) the management, development and protection of the nation's forest resources and environment in such a way as to conserve and renew them as an asset for succeeding generations; and
- (b) the maximisation of Papua New Guinean participation in the wise use and development of the forest resources as a renewable asset; and
- (c) the utilisation of the nation's forest resources to achieve economic growth employment creation and industrial and increased "downstream" processing of the forest resources; and
- (d) the encouragement of scientific study and research into forest resources so as to contribute towards a sound ecological balance, consistent with the national development objectives; and
- (e) the increased acquisition and dissemination of skills, knowledge and information in forestry through education and training; and
- (f) the pursuit of effective strategies, including improved administrative and legal machinery, for managing forest resources and the management of national, provincial and local interests.

## NATIONAL FOREST BOARD

The board will manage the authority and exercise its powers under the act. The membership of the board is as follows:-

- Secretary, Department of Environment & Conservation (or nominee)
- Secretary, Department of Trade and Industry (or nominee)
- Secretary, Department of Finance & Planning (or nominee)
- Director-General of the PNG Forest Authority
- Finance/Commerce person nominated by minister
- President of Forest Industries Association
- representative for Highlands Region Provincial Government
- representative for Momase Region Provincial Government
- representative for Southern Region Provincial Governments
- representative for Islands Region Provincial Governments (Regional)
- a members to represent non-government organisations (NGOs), appointed by the minister from a list of names nominated by the National Alliance of Non-Government Organisations (NANGO).

## PROVINCIAL FOREST MANAGEMENT COMMITTEES (PFMC's)

A PFMC is to be established in each province as a committee of the National Forest Board. The membership of a PFMC is as follows:-

- senior provincial public servant nominated by the provincial government (Chairman)
- an officer of the National Forest Service nominated by Director-General
- a local government president nominated by the Provincial Executive Council
- An NGO representative nominated by NANGO
- two members to represent land owning groups nominated by the PFMC itself.

PFMCs have a wide range of functions under the new act including:-

- \* assisting the provincial government in the preparation of the Provincial Forest Plan and development programme;
- \* verifying the tenure of those purporting to be customary owners in respect of new projects.
- \* consulting with landowners in the allocation and negotiation of new timber permits including -
  - conduct of pre-tender feasibility studies
  - setting project guidelines
  - negotiating forest management agreements with resource owners
  - tendering for operators
  - appraisal of proposals
  - recommending who should receive permits
  - negotiating project agreements
- \* to provide a forum for consultation and co-ordination on forestry matters between national and provincial governments, resource owners and special interest groups
- \* supervising extension services
- \* overseeing receipt and distribution of royalties and other government charges
- \* assisting in the early identification and resolution of land disputes.

## FOREST MANAGEMENT

The policy describes a detailed planning process involving national and provincial governments and the authority.

A key provision in the act is Section 54 which provides that forest resources shall only be developed in accordance with the National Forest Plan.

The National Forest Plan is to be consistent with the forest policy and based on an official national forest inventory. This inventory is to be based on resource appraisal work and contain details as prescribed under the act. The National Forest Plan will have three separate components:-

- (a) National Forestry Development Guidelines

These are to be prepared by the National Minister for Forests in consultation with the National Forest Board and endorsed by the National Executive Council. The guidelines are to provide an overview of the perceived role of forestry in the national economy.

- (b) National Forest Development Programme

This will be a schedule of major activities of the authority over a five year rolling term. The programme is to be formulated by the National Forestry Board, but accord with provincial forest plans.

## (c) Annual Statement of Allowable Cut Volumes

This statement will be prepared by the National Forest Board to set the total allowable cut for each province in the following year. The cut allowed for each province is required to be set at a level which will ensure that resources earmarked for present or future production are harvested on a sustained yield basis.

The act also requires each provincial government to draw up a Provincial Forest Plan. The policy further requires each provincial government (with assistance from the authority and other bodies) to designate areas within the province as:-

- (a) production forests (identified for timber production in the long term);
- (b) protection forests (by virtue of their location, topographic constraints and ecological, cultural or environmental considerations);
- (c) reserve forests (not yet classified but upon which a decision may be made later);
- (d) salvage forests (forests to be cleared for other uses);
- (e) land suitable for reforestation.

**FOREST MANAGEMENT AGREEMENTS**

Before commencement of a project requiring a timber permit the National Forest Board is required to arrange a feasibility study over the project area. The study is to be carried out by the National Forest Service or as contracted out to private consultants. The study is to include:-

- (a) a detailed inventory of the forest resource;
- (b) an environmental and social impact assessment;
- (c) an investigation into the financial viability and investment requirements of the project (including potential for local processing);
- (d) development and forest management options; and
- (e) options for landowner participation in the project.

After completion of the feasibility study, the PFMC, in consultation with landowners and the provincial government, is required to prepare draft project guidelines. The National Forest Board is then required to review the draft guidelines and issue final guidelines for the project. These guidelines will form the basis of the forest management agreement between land groups and the Forest Authority and of any timber permit issued.

The functions of a Forest Management Agreement are:

- (a) to "guarantee rights of access to the Forest Authority and those claiming under it for the purpose of planting, managing and harvesting timber, building associated roads, wharves and bridges and constructing infrastructure which may be required by permit conditions" (see policy p.17); and
- (b) to "set out the monetary and other benefits to be received by resource owners in consideration for the rights granted" (see policy p.17 and Act S.58).

**FORMATION OF LAND GROUPS**

Before a Forest Management Agreement is entered into the title of the customary owners to the land must be:-

- \* vested in a land group or groups under the Land Groups Incorporation Act, or
- \* registered under a law providing for the registration of title to customary land.

The Land Groups Incorporation Act states its purpose as follows

- \* to recognise the corporate nature of customary groups; and
- \* to allow them to hold, manage and deal with land in their customary names.

Under the act a customary group may apply to be recognised as a "land group". Such recognition gives corporate status to the group and has the effect of transferring all collectively held rights and liabilities of group members to the land group corporation. In this way the land of a clah or other customary group can become the property of a single corporate entity rather than a host of individual members of the group. The land groups could then become the parties to a Forest Management Agreement over the project land with the Forest Authority.

The land group can only deal with land in the manner allowed by custom. A land group is not empowered to go into business. To do this members of a land group or several land groups would need to form a business group or landowner company.

If, for whatever reason, it is impractical to form land groups in the project area, it will be necessary to obtain the signature of 75 per cent of the customary owners in a customary group before that group be considered bound by a Forest Management Agreement.

**TIMBER PERMITS**

Under the act the national minister will have power to grant a timber permit upon the recommendation of the National Forest Board. A permit will authorise the holder to carry out operations in a specific project area in accordance with a project agreement entered into with the Forest Authority.

A timber permit may only be granted where:-

- (a) the holder is registered as a forest industry participant; and
- (b) if the permit relates to customary land, a forest management agreement is in place between customary owners and the Forest Authority;
- (c) the proposed project accords with the national and provincial forest plans;
- (d) the pre-feasibility study and tender process has been followed;
- (e) a performance bond has been lodged
- (f) an environmental plan has been approved under the Environmental Planning Act, and
- (g) a project statement, five year working plan and annual logging plan have been lodged.

**TIMBER AUTHORITIES**

For projects where timber is to be harvested for domestic processing only and with an annual harvest volume of 5,000m<sup>3</sup> or less, or for land-clearing purposes, operations may be permitted under a timber authority. A timber authority may be granted by the provincial Minister for Forests upon the recommendation of the PFMC and with the consent of the National Forest Board. A timber authority may be granted without the feasibility study and tender procedure requirements applicable to larger projects.

**LICENCES**

The old Forestry Act provides for timber licences which are essentially short term timber permits. The new act introduces licences of a different nature. Under the act all industry participants who are not permit or authority holders will have to apply for a licence to engage in any harvesting, transport, buying, selling, marketing, processing, or grading of forest produce. Thus any contractor to a permit holder will need to obtain a separate licence.

In order that registered operators can continue current operations while licence applications are processed operating without a licence will not constitute an offence until January 1, 1993.

**REGISTRATION OF INDUSTRY PARTICIPANTS AND CONSULTANTS**

Before any person or company (including landowner companies) can apply for a permit, authority or licence under the act, they must first register as a forest industry participant or consultant under Part IV of the act. Applications for registration are to be made to the Director-General of the National Forest Service who is then required to forward them to the National Forest Board with a recommendation.

All forest industry participants and consultants will be required to apply for registration after commencement of the act.

**FOREST FINANCE**

Section 119 of the act calls for the establishment of a new revenue system. The final make-up of the revenue collection and distribution system will be determined through negotiation between the Minister for Finance and the Minister for Forests with advice from the new board and in consultation with industry, provincial governments and other affected parties.

Until the new system is in place current arrangements will remain in force. When the new system is finalised, all current projects will be reviewed and through negotiation with permit holders, landowners and contractors, it will be determined how the new revenue system and other provisions in the new act are to be applied to each of those projects.

**TRANSITIONAL ARRANGEMENTS**

The changeover provisions of the act provide that timber permits under the old Forestry Act and dealings under the Forestry (Private Dealings) Act are to continue to have full force and effect as if the two Acts had not been repealed.

This means that timber companies holding permits over TRP areas can continue to operate under those permits for the remainder of the term of the permit and companies who have entered into dealings with landowners in respect of a Local Forest Area can continue to take timber under the terms of the dealings.

Where the National Forest Board is of the opinion that a term of a timber permit, timber authority or dealing is "at variance with the provisions of the act to an extent which makes it unacceptable", it may require that the term or condition be varied. If the variation is not acceptable to the permit or authority holder or parties to the dealings the permit, authority or dealings will cease to have effect.

A general review of all existing projects is proposed to bring them in line with the new act and policy. This will be undertaken in conjunction with a review to determine how the new revenue system will apply to individual projects.

Hon. J. Genia CMG MP  
Minister for Forests

## OL LIKLIK NIUS

### Japan salim ami long UN

□ TOKYO: Wara i pundaun long ai bilong em tasol em i lap taim praim minista bilong Japan, Kiichi Miyazawa i brukim het long haus palamen bilong soim amamas bilong em long Diet o oraitim Japan long salim ami i go wantaim ol arapela ami nau i wok wantaim Yunaited Nesens long helpim ol kantri nau i stap long hevi. Ol memba i amamas. Tasol long ausait, planti lain tausen pipel i singaut na protes long dispela. Planti i tok dispela nupela lo i brukim mama lo bilong Japan.

### Kenya askim long kaikai

□ SAUT AFRIKA: Kenya i laikim 173 tausen tan kaikai bilong helpim 680 tausen pipel bilong en husat i kisim bagarap long bikipela san. Na dispela hevi i karamapim tu narapela 460 tausen pipel bilong Sudan, Somalia na Itiopia. Em i laikim tu K13 milien bilong baim ol ka na balus bilong bringim ol kaikai samting i go long ol pipel.

### Golkar i win gen

□ INDONESIA: Biknem politikel pati bilong Indonesia, Golkar i winim gen planti sia bihain long ol nesenel asembli ileksen long Indonesia. Tasol long dispela ileksen, namba bilong ol vot em i kisim i daunbilo long ol mak bilong bipo. Namel long 85 pesen vot, Golkar i winim tasol 67 pesen vot. Na dispela i kamdaun long 73 pesen daunbilo long mak long 5-pela yia i go pinis.

### Beng sakim tok bilong Keating

□ AUSTRALIA: Risev Beng bilong Australia i tokaut pinis long putim piksa bilong Kwin antap long nupela \$5 pepa mani bilong en. Dispela i sakim tok bilong praim minista bilong Australia, Paul Keating husat i no laikim. Gavana bilong beng, Bernie Fraser i tok, "Australia i kam aninit yet long lukaut bilong komonwel. Maski ol kain kain pasin samting i senis."

### Banisim ol giaman tit

□ JAPAN: Wapela kampani long biktaun bilong Japan, Tokyo i tok ol i painim pinis rot bilong holim ol giaman tit i stap insait long maus na i no inap pundaun. Dispela nupela rot em ol long yusim megnet long holim ol tit i stap insait long maus.



*Ranawe long trabel...Ol mama bilong ol lain billpman bilong Muslim i pre i stap long wapela ples bilong lotu long Sagreb, biktaun bilong Kroasia. Ol i bin ranawe long Bosnia bikos bikipela pait i stap long hap.*



*Bihainim Karl Marx...Ol sapota bilong Kominis Patl i protes mas raun long Mosko, biktaun bilong Rasia. Bikos ol i no amamas long lo bilong Mikhail Gorbachev na Boris Yeltsin. Long wanem, tupela i oraitim pasin bilong ol wan wan man na meri i ken ranim ol wok bisnis. Dispela protes i bin kamap long makim 10-pela yia bilong Yeltsin olsem presiden bilong Rasia.*



*Hangre long Afganistan...Ol pikinini long Kabul i sanap wet long kaikai ausait long opis bilong ol lain aml bilong mujahidin. Long hap nau i gat bikipela taim nogut long ol kaikai i sot na hangre. Na nupela gavman bilong Islam i askim pinis Yunaited Nesens wantaim ol arapela kantri long helpim ol pipel long hap.*

## Moa bot pipel go bek long Vietnam

BIHAIN tasol long ol i lusim balus, ol plis long Vietnam i kalabusim tupela bot pipel bilong Vietnam na karim ol i go.

Dispela tupela, wanpela man na wanpela meri wantaim wanpela liklik bebi i bin stap namel long ol narapela long Hong Kong na i go bek long kantri bilong ol. Ol i lain pipel bilong Vietnam yet husat i bin ranawe lusim kantri bilong ol bikos ol i no amamas long gavman long hap. Na ol i bin ranawe long bot. Olsem na ol i gat dispela nem olsem ol bot pipel.

Planti bilong ol dispela lain i save laik traim kamap refuji long ol narapela kantri. Bikos ol i no laik go bek long kantri bilong ol.

Dispela meri i bin kalap i kamdaun stret long balus taim ol plisman i kamap na holim em. Em i singaut na kra i wantaim tasol ol plisman i holim em na tromoi long ka. Bihain ol i holim tu wanpela man wantaim wanpela bebi. Ol i bilip olsem dispela bebi i bilong dispela meri.

Long dispela taim yet, tupela potoman bilong Agence France-Presse na Reuters nius ejensi niuspepa i laik go insait na kisim poto. Tasol ol plisman na sekyuriti i rausim ol.

Ol narapela 38 bot pipel bilong Vietnam husat i bin kam long dispela balus i kalap long wapela bas na i go bek.



*Soim bel hevi bilong ol indai...Ol dispela lain man na meri bilong Bangkok i sindaun protes ausait long haus palamen long Bangkok. Ol poto na posta ol i karim i soim wanem samting i bin kamap long ol pipel taim ol i pait wantaim ol ami long las mun.*



*Giaman pilai tasol...Wapela man na meri i giaman olsem ol i bilong ol lain Palestina na Isrel i makim ol giaman pistol long pes bilong narapela. Long salt em ol plisman bilong Isrel i was i stap. Bikipela pret i bin kamap long dispela hap bilong Gasa Strip bihain long ol man i bin kilim wanpela liklik skul meri.*

# Toktok bilong April/Salomei timba projek i no klia yet

## CLEMENT MIRIA i rattim

ATING wok bilong katim timba tasol i wok long helpim ol pipel bilong April na Salomei eria long Is Sepik provins.

Dispela i kamap ples klia maski bihain long Is Sepik Kaunsil ov Wimen na Friends of the Sepik i bin toktok strong egensim dispela.

Maski bihain long wanpela tok

orait em ol lain bilong Is Sepik divisen bilong Komes, Fores na Is Sepik Kaunsil ov Wimen i bin sainim, Fores Dipatmen nau i go het na tokim Unisearch long mekim ol wok painimaut long hap.

Asisten Seketeri bilong Komes, Patrick Imaroto i tok wanem samting i bin kamap bipo na nau i kamapim tupela tingting. Em i tok Is Sepik Kaunsil ov Wimen i tingting long lukautim ol bus na graun samting. Na Fores dipatmen i bihainim yet namba wan tingting

bilong nesenel gavman long kirapim wok bilong katim timba long dispela hap.

Em i tok taim dispela tupela grup i wok long toktok yet i stap, dipatmen bilong em i laik kirapim tingting bilong wokabaut somil long kirapim ol timba bisnis long hap.

Imaroto i tok i luk olsem dispela tupela grup i toktok nating na i no bihainim wanem samting i stap long tok orait.

Em i tok maski wanem kain wok i kamap long hap, ol i no inap

lusim tingting long ol papa bilong graun. Na sapos divisen i laik kirapim ol bikpela wok bilong katim timba long hap, dispela nau bai i stap long han bilong ol papa graun. Na ol yet inap tokaut long husat bai go katim timba long hap.

Tasol narapela ripot i kamap i tok wanem samting Fores divisen i laik mekim long bikpela timba bisnis i no bihainim laik bilong ol pipel. Dispela i kamap ples klia bihainim wanpela wok painimaut

em Friends of the Sepik i bin wokim. Na ripot bilong dispela i stap nau long wanpela buk.

Wanem samting ol pipel bilong April/Salomei i laik lukim em gutpela maket bilong ol long salim ol kaving na bilum bilong ol. Ripot i tok Fores divisen i laik kisim nau wanpela kampani bilong Malesia long kam katim timba long hap.

Na i luk olsem i gat sampela wok politik tu i stap insait long dispela wok bilong timba bisnis.

## Ileksen long Bulolo orait tasol

ILEKSEN bilong Bulolo Open ilektoret i wok long ron orait tasol.

Long dispela tupela wik i kam, no gat wanpela trabel i bin kamap. Ripot i kam long olgeta ples bilong kisim vot i tok ol i no bin painim wanpela hevi.

Insait long dispela ileksen, ol plisman na ol ileksen opisa i wok bung wantaim long lukim olsem no gat trabel bai kamap. Planti i tokaut tu olsem ol i amamas long lukim ol pipel i wok wantaim ol ileksen opisa long holim gutpela ileksen long dispela yia.

Bulolo Open ilektoret i karamapim ol ples olsem Mumeng, Bulolo, Wau na Garaina.

Planti long ol dispela ples i pinisim pinis wok bilong kisim ol nem olsem long Wau na Bulolo taun. Tasol i gat sampela moa wok i stap yet long Garaina na Mumeng. Taim dispela

tupela hap i pinis, ol bai stat kaunim ol vot.

Planti lain bilong go kisim ol vot long Wau i no bin go hariap bikos bikpela ren i bin pundaun. Olsem na ol i bin go bihain liklik long ol lain long Garaina.

Narapela bikpela hevi tu ol pipel i bin painim em long nem long buk bilong vot. Planti i kamap long tromoi vot bilong ol tasol ol i painimaut olsem nem bilong ol i no bin stap long buk.

Ol plisman long Mumeng, Bulolo na Wau i save wok hat tru long was long ol balot bokis. Oltaim, dispela ol bokis i save stap insait long ol haus kalabus long ol wan wan stesin.

Ol plisman long Wau na Bulolo i bin kisim bikpela helpim moa taim sampela lain bilong Lae na ol raiot skwat plis yunit i go long hap.




No gat rot bilong go moa...Dispela ka i no bin laki tumas long Sarere moning. Ripot i tok draiva bilong dispela ka i bin spak liklik na i lukim tupela rot. Olsem na em i abrus na go insait long dua bilong Discount Haus stua long Boroko.



# MITSUBISHI



## New 1992 "Mitsubishi L200 "4 x 4" Utility



**TOBA** POM 21 7874 RABAU KAVIENG KIMBE WEWAK MT HAGEN ALOTAU  
 LAE 42 2611 92 2311 94 2079 93 5035 86 2331 52 1855 61 1246

## "Bodi bilong yumi em haus lotu bilong God"

**Dia Edita,**  
Mi wanpela manki Oro. Mi laik egensim pas bilong susa Shella Patua bilong Wewak. Shella i bin egensim pas bilong narapela brata we i tok ol meri noken bilas nambaut.

Dispela boi i bin komplem long ol meri. Em i tok ol meri i noken bilas olsem ol wait skin meri.

Na Shella i bekim na

tok olsem man ya i jeles tasol long ol meri. Na i tok em laik bilong ol meri long putim trau-sis.

Tasol sapos yu lukim long Baibel, bai yu painim olsem God i no laikim ol man i bilas tumas. Olsem putim ringlong yau, penim maus, senisim kala bilong gras na penim pinga long han na lek.

Baibel i tok bodi

bilong yumi ol pipel em haus lotu bilong God. Olsem na yumi mas bilas long gutpela we.

Taim God i mekim yumi, em i mekim yumi stret. Na sapos yu laik mekim sampela senis long bodi bilong yu, em bai i no inap luk stret long ai bilong God. Bikos yu laik askim han wok bilong God.

**Peter Sinuga  
POPONDETTA**

## Klinim Vanimo na Wewak taun

**Dia Edita,**  
Mi wanpela manki bilong Wes Sepik provins. Mi gat liklik belhevi long ol manmeri bilong Wewak. Olsem na mi laik autim long *Wantok Niuspepa*.

Nau yet Wewak taun i bagarap stret long spet na skin bilong buai. Mi olsem wanpela manki Sepik. Mi laikim yumi olgeta manmeri bilong Is Sepik i mas klinim tupela taun bilong yumi.

Ol man husat i go pas long plenim na lukautim taun i mas klinim taun. Sapos nogat putim sampela kain ol bilong stapim ol manmeri long spet nambaut long taun.

Mi save olsem olgeta manmeri i save olsem yumi ol bikhet manmeri long Papua Niugini. Tasol yumi mas wok bung wantaim long klinim taun bilong yumi.

Maski long bikhet nambaut na tok-tok planti long Wewak na Vanimo em i nambawan taun long Papua Niugini.

Nau yet mi laik askim Wewak Taun Komisen long givim wok long ol yangpela man husat bai raun nating long taun long stapim ol manmeri tromoi pipia nambaut. Sapos Wewak Taun Komisen i pasim ai olgeta taim Wewak bai pulap long pipia.

Olsem na mi laik askim ol taun komisen long opim ai bilong ol, na maski long slip nambaut long opis na kisim mani nating. Nogut yupela slip na mipela tu slip long strit. Na ol man bilong arapela hap bai kam lukim yumi olgeta i dai nambaut insait long ol skin bilong ol buai.

**Emil Lowi  
WEWAK**

## Ol wokman bilong Hagen Taun Atoriti i no save holim pasim wantok bilong ol

**Dia Edita,**

Nau yet Hagen Taun Atoriti i oraitim nupela ol bilong holim pasim na sasim ol manmeri husat i tromoi pipia nambaut. Tasol ol wokman bilong taun atoriti i save mekim wantok sistem tumas. Olsem na mi laik autim dispela long *Wantok Niuspepa* bai olgeta manmeri i ken lukim.

Ol wokman bilong Hagen Taun Atoriti i save wantok sistem tumas long pipel o wantok bilong ol. Na holim nating ol manmeri bilong arapela hap sapos ol i tromoi pipia long taun.

Ol i no save holim pasim wantok bilong ol na sasim. Dispela i no gutpela pasin. Bikos wantok bilong ol yet save tromoi planti pipia tumas.

Sapos yupela laikim taun bilong yupela i klin taim, yu mas mekim wok bilong yupela wantaim

olgeta tingting na strong.

Maski long giamanim ol bikman bilong yupela na helpim ol wantok bilong yupela.

Ol pipel bilong yupela yet long Hagen i save tromoi pipia nambaut.

Mipela ol manmeri bilong arapela hap i no save long lo bilong Hagen taun. Tasol yupela i sasim mipela long bikpela mani nating. Sampela bilong mipela i kam long longwe hap. Na liklik mani bilong mipela long go bek long ples em yupela save sasim mipela, na mipela i tromoi nating long yupela.

Traim na sasim asples pastaim na sasim ol manmeri bilong arapela hap tu. Mi laik askim yupela long lusim pasin bilong wantok sistem.

**Michael Kupi  
HAGEN**

## Gavman mas tambuim ol nupela sios

**Dia Edita,**

Mi wanpela manki Goroka tasol nau mi stap long Mosbi. Mi laik mekim wanpela askim i go long gavman bilong yumi.

Yes, bilong wanem na kantri bilong yumi pulap long kainkain lotu. Mi save olsem yumi olgeta kristen man i save lotu long wanpela God. Tasol mi painim hat tru long lukim olsem yumi i gat planti kainkain lotu long kantri bilong yumi.

Nau yet mi lukim kainkain nupela sios i wok long pulim ol manmeri

long go lotu wantaim ol. Planti bilong ol dispela sios i gat kainkain we bilong lotu.

Mi laikim gavman i mas stapim ol nupela lotu long kam insait long kantri. Na larim tasol ol olupela lotu long kantri.

Gavman i mas stapim ol wok manmeri bilong nupela sios o lotu long kam long Papua Niugini. Bikos ol i save kam na pulim ol pipel i go long lotu bilong ol.

**Llwal Amiesa  
BOROKO**

## Still pasin bikpela long Mendi taun

**Dia Edita,**

Mi wanpela manki Hagen tasol nau mi stap long Mendi, Sauten Hailans provins.

Mi save lukim planti yangpela man i bung na raun long Mendi taun. Dispela ol man i save raun wantaim na stilim samting long poket trau-sis bilong ol manmeri.

Planti taim mi save lukim ol i mekim long ol lapun man. Mi lukim dispela pasin ol yangpela man i mekim na mi save belhat stret.

Mi askim papamama bilong ol dispela raskol man husat i save mekim dispela ol rabis pasin long stapim ol.

Tokim ol dispela pikinini bilong yupela long stap long ples, na

mekim wok. Na maski raun nating long taun. Tokim ol long wokim gaden na salim kaikai bilong ol long maket long kisim mani.

Noken wokim dispela kain rabis pasin na kisim mani long ol pipel. Yupela mas wok na kisim mani.

**John.N. Alkone  
MENDI**

# Beng i no helpim ol rurel pipel long kisim dinau

**Dia Edita,**

Mi wanpela yangpela manki husat i pinisim gret 12 na stap nating long ples.

Planti taim mi aplai long painim wok, tasol mi no kisim ol gutpela bekim. Olgeta taim ol i save tokim mi olsem, "Nogat wok."

Mi bin painim wok long taun tasol i nogat wok. Olsem na mi stap long ples. Sindaun bilong mi long ples tu i no gutpela tumas.

Mi traime wokim bisnis tasol mi nogat mani long statim. Mi bin go lukim ol lain long beng na askim ol long givim mi dinau mani. Tasol ol i tok ol i no inap givim mi mani. Bikos mi nogat narapela bis-

nis we mi ken bekim dinau.

Mi askim ol memba long senisim lo bilong beng bai ol i ken givim dinau isi long ol pipel.

Bikos planti taim mi save harim ol man i tok, "Go long ples na wokim wok." Tasol yupela mas save olsem ol man long ples bai salim kaikai we. Gavman mas painim rot bilong ol long salim samting long maket.

Na tu gavman i mas givim sampela mani long helpim ol rural pipel long kirapim bisnis.

**Aiyu. M. Ken  
VANIMO.**

# Noken statim pait long fil

**Dia Edita,**

Mi laik autim wari bilong mi long ol man husat i save go lukim ragbi gem na mekim trabel long fil.

Mi save les tru long lukim ol man i bikhet long taim bilong gem.

Sapos yu wanpela sapota yu mas singaut tasol. Na maski tok nogutim ol pilaia o sapota bilong arapela tim.

Dispela pasin bilong bikmaus na tok nogut i no gutpela. Na yupela mas pilim sem long dispela. Noken tok nogut long ol

pilaia. Yupela mas i gat rispek long ol pilaia.

Noken belhat nating long ol pilaia. Sapos yu wanpela man bilong tok nogut na kros nating, maski go long fil. Nogut yu go na bagarapim gutpela pilai bilong ol manmeri long lukim.

Narapela samting em long pasin bilong pait long ples bilong pilai. Yupela ol sapota i save longlong tru na pait.

Yupela ol man i save tingting tu long ol arapela gutpela manmeri na pikinini husat i go lukim pilai tu o nogat?

Ol dispela meri na pikinini laik lukim pilai na i no pait bilong yupela ol rabisman. Dispela kain pasim bilong pait i save stapim planti mama na pikinini long go lukim pilai.

Mi save olsem planti pikinini na ol meri i laik lukim gem. Tasol pasin bilong pait long ples bilong pilai i stapim ol.

Mi askim ol sapota long daunim tingting bilong pait na stap isi, maski tim yu sapotim i lus.

**Aiyu Moll Ken  
VANIMO.**

## Ol Hailans i bagarapim gutpela Madang taun

**Dia Edita,**

Mi wanpela manki Madang na nau mi laik autim wari bilong mi long ol kain pasin mi save lukim ol Hailans husat i stap nating long Madang taun i save mekim.

Long lukluk bilong mi, planti ol manmeri Hailans husat i stap long Bomai stua na olupela Haus Kai klostu long Madang plis stesin i bagarapim tru gutpela taun bilong Madang.

Ol dispela lain i save brukim lo na salim buai

long taun. Na narapela samting em ol i save laik statim pait nating long ol manmeri long taun.

Narapela samting tu em sapos yu lukim ol dispela lain bai yu ting olsem ol i no bin waswas long wan mun olgeta. Bikos klos na skin bilong ol i doti na smel nogut tru. Plis ol i mas save olsem taun em i ples bilong ol gutpela lain klin manmeri.

Lo Madang Interim Komisen i bin putim i olsem ol pipel i tambu long salim buai long taun eria, tasol ol dispela lain Hailans i no save harim tok.

Ol i save giaman na kisim ol buai long plastik na sindaun isi tru i stap. Sapos yu askim bai ol i soim yu bilum bilong ol tasol, na tok isi tasol olsem buai i

stap.

Narapela samting em taim ol yangpela manmeri i laik wokabout raun long taun, ol dispela lain i save jeles nating na i laik paitim man. Sampela taim ol i save tok nogut long ol manmeri nating.

Plis ol Hailans yupela mas save olsem Madang taun i no taun bilong yupela. Em i taun bilong olgeta man long PNG.

Narapela samting em noken brukim lo na salim buai long Madang taun eria. Bikos ples bilong yupela i nogat buai. Na yupela mas sem long dispela na noken brukim lo.

Em tasol liklik wari bilong mi.

**Jim B. Kauri  
Yomba,  
MADANG**

## Ol Sepik na Hailans stap na Bialla i stap

**Dia Edita,**

Mi wanpela manki Wosera tasol nau mi stap long Bialla, Wes Nu Briten provins. Mi laik autim wari bilong mi i go long ol pipel bilong Bialla bai ol i ken lukim.

Planti taim ol asples pipel i save komplem long rausim ol pipel bilong narapela provins. Ol asples lain long Bialla i no laikim mipela ol Sepik na Hailans long stap long Bialla taun.

Tasol mi ken tok klia olsem mipela ol Sepik na Hailans i stap na Bialla i stap. Sapos

yupela rausim mipela, husat bai klinim taun na wel pam plantesin.

Sapos mipela i lusim Bialla, bikpela bus bai karamapim taun na ol plantesin. Bikos nau yet yupela ol asples lain i no save mekim wok long klinim taun o plantesin.

Na sapos yu raun long blok bilong ol lain long ples, bai yu lukim olsem wel pam blok bilong ol i no klin. Ol i save les long wok, olsem na planti blok bilong ol em bus i save karamapim.

**Peter Muth  
BIALLA.**

## Pangu i no save moa rot nau

**Dia Edita,**

Mi no amamas long pas bilong brata Justine. N. Ossey. Pas bilong em i bin kamap long *Wantok Niuspepa* long Fonde 28 Me, 1992.

Justine i tok gavman bilong Praim Minista Rabbie Namaliu i ran gut tru. Na em i winim gavman bilong Paias Wingti na Sir Julius Chan long bipo. Em i tok olsem Wingti na Chan i no bin ranim gavman gut long taim tupela i stap long opis.

Mi save olsem Morobe provins em i ples bilong mosquito, olsem na malaria mas bagarapim het bilong brata Justine. Em i no save long wanem samting i kamap long gavman bilong Namaliu.

Bilong wanem na tripela brata bilong yu, Peter Garong, Tony Ila na Melchoir Pep i resain o pinis long palamen. Yu tokim mipela long wanem as na ol dispela lain i resain.

Bipo Sir Michael Somare i stap lida bilong Pangu Pati, Pangu i save long rot. Tasol nau Pangu i save tasol long grisim ol memba long palamen.

Sapos yu no klia tumas long wanem samting i wok long kamap long gavman bilong tude, ating i gutpela yu go long Angau haus sik na kisim sampela marasin. Na het bilong yu i ken tingim gut wanem senis i wok long kamap nau long kantri.

**David Toa  
HAGEN**

## Sios noken mekim bisnis

**Dia Edita,**

Mi wanpela manki Hagen. Mi stap nau long Mosbi.

Baibel i no tokim mipela olsem ol sios i mas mekim ol bisnis o holim tupela wok.

Olsem na bilong wanem na Katolik sios i laik kirapim nupela ADF bisnis beng insait long kantri. Ripot bilong

dispela i bin kamap long niuspepa na redio. Na i tok Katolik sios bai i gat bikpela sea insait long beng ya. Nau yet mipela i gat inap beng long ol provins bilong Papua Niugini.

Tasol dispela ADF beng em wanem kain beng stret. Plis, mi laikim wanpela man i kliam tingting bilong mi.

**Nelson Puri HAGEN**

## Taba klot i bilong ol Oro pipel tasol

**Dia Edita,**

Mi wanpela manki Oro, mi stap nau long Mosbi Siti. Mi laik sapatim pas bilong meri Popondeta. Susa i bin komplem long tumbuna bilas bilong ol Popondeta olsem taba klot. Em i

no amamas long lukim ol manmeri bilong arapela provins i bilas long en.

Dispela toktok bilong em i tru. Bikos mi tu i lukim dispela pasin. Planti manmeri o danis grup i save yusim dis-

pela taba klot long bilas.

Taba klot em bikpela tumbuna bilas long mipela ol pipel bilong Oro. Olsem na mipela i save pasim tasol long ol bikpela taim olsem Mosbi So, ol go signs-

ing raun long ovasis. Olsem na plis rispektim gut taba klot bilong mipela. Na noken yusim moa sapos yu i no bilong Oro.

**William Onse MOSBI**

## Isi long spak na sevim mani long bihain taim

**Dia Edita,**

Mi laik toktok long sampela paul pasin em i save kamap long kantri bilong mipela. Dispela em long pasin bilong spak nambaut.

Mi lukim olsem planti yangpela man husat i stat wok i save tro-moi mani nambaut. Ol i no save tingting long putim sampela mani long beng.

Taim ol i kisim mani, ol bai tingting long spak. Na bihain bai ol i nogat tru wanpela mani i stap long poket o beng long

mani. Long beng, em ol i save rausim tasol olgeta mani.

Yupela ol dispela kain man i mas tingim bihain taim bilong yupela. Bihain long tripela yia samting bai yu kalap nogut olsem yu ken sevim K3,000 pinis.

Tingim dispela. Bikos nogut yu marit na bai kalap nogut long lukim olsem haus bilong yu i nogat ol samting olsem televi-sen, redio na gutpela plet sospen bilong kuk na kaikai.

Mi autim dispela tingting tasol long yupela i glasim. Noken spak tumas olsem longlong man long olgeta potnait. Wanwan potnait em i orait.

Mi lukim sampela wanwok bilong mi i mekim dispela. Olsem na mi ting i gutpela long autim long niuspepa, bai ol arapela yangpela man tu i ken glasim, na tingim bihain taim bilong ol.

**Johnson Mapi MOSBI**

## Sampela kendidet brukim pinis mantato

**Dia Edita,**

Mi wanpela manki Drekkir long hap bilong Is Sepik provins. Mi laik sapatim pas bilong brata Presley Ape. Pas bilong em i bin kamap long *Wantok Niuspepa* bilong Fonde Me 28, 1992.

Em i tok ol kendidet long Bialla i save kempen long nem bilong sios.

Mi sapatim tru olgeta toktok bilong em. Em i no gutpela long ol kendidet i mekim dispela.

Wankain pasin i kamap tu long biktaun bilong Wes Sepik provins, Vanimo. Ol kendidet i save kempen long nem bilong bikpela Jisas na God papa. Ol i laik yusim tasol nem bilong ol bikpela bilong mipela long winim ileksen.

Tasol taim ol i winim ileksen, ol i save givim bak-sait long wok bilong sios.

Taim ol i kisim Iktorel Developmen Fan (EDF), ol i save tingting long kirapim bisnis wok bilong ol yet. Ol niuspepa na redio i tokaut pinis long dispela.

Yupela ol kendidet i mas kempen tru. Na maski giaman nambaut na yusim nem bilong sios.

Yupela mas save olsem yupela i brukim wanpela bilong 10-pela mantato pinis. "Noken kolim nating nem bilong God papa."

**Tony Sangaim VANIMO**

## Inta Siti fainal mas go long ol arapela senta tu

**Dia Edita,**

Mi bilong Is Awin long Kiunga. Mi stap nau long Tabubil insait long Westen provins yet.

Mi laik autim tingting bilong mi i go long niuspepa, bai ol bikman bilong Inta Siti Kap resis i ken lukim na glasim.

Ol fainal bilong Inta Siti Kap resis i save kamap long Mosbi tasol.

Long stat bilong resis, ol save pilai long Rabaul, Mendi, Hagen, Lae na

Mosbi. Tasol gren fainal i kamap long Mosbi tasol long tripela yia nau. Dispela em long 1990 yet, taim resis i stat i kam inap 1992.

Long 1993, ol bikman i mas putim gren fainal long ol arapela senta olsem Lae, Hagen, Mendi o Rabaul.

Bikos ol pipel bilong dispela 4-pela senta i laik lukim tu gren fainal.

Em tasol liklik komplem bilong mi.

**Manfred Baiyage TABUBIL**

## Inta Siti fainal mas kamap long Rabaul

**Dia Edita,**

Mi bilong Siasi ailan long Morobe provins. Mi laik komplem long ol bikpela ragbi lig gem bilong Papua Niugini. Dispela em ol Inta Siti, Cambridge Kap na Son trails.

Mi ting i gutpela sapos semi fainal o gren fainal bilong ol dispela bikpela gem i mas kamap long Rabaul. Long wanem Rabaul em i gutpela hap bilong holim ol kain bikpela pilai olsem. Bikos nogat pait i save kamap.

Mi laik putim dispela tingting i go long publik bai PNGRFL i glasim.

Rabaul i stap long ailan, we solwara i katim. Olsem na sapos tupela tim i pilai long fainal, ol bikhet sapota bai painim hat long go. Long wanem pe bilong baim balus na sip bai i dia tumas.

Long Mosbi, Lae, Hagen o Goroka, ol longlong sapota bai kamap na mekim trabel nambaut.

Sapos yupela i wari long mani yupela bai kisim long dua, mi ken tokim yupela olsem yupela i ken kisim inap mani long Rabaul. Nogat pait i save kamap long Rabaul. Olsem na planti manmeri tru i save kamap long lukim ol gem. Dispela i winim tru ol arapela senta olsem Mosbi yet.

Mi lukim ripot olsem ol sapota i tro-moi ston na givim bagarap long intanesenel referi bilong PNG yet, Graham Ainui. Dispela em long taim Ainui i lukautim semi fainal bilong Inta Siti namel long Mosbi Vipers na Mendi Muruks long Lloyd Robson oval, Mosbi.

Dispela pasin i no gutpela tru. Bikos Ainui em i nambawan referi bilong kantri. Olsem na mipela ol pipel i mas rispektim em.

**Jeffrey Kamia Kerevat-RABAUL**

**TOKSAVE I KAM LONG EDITA :**  
Wantok Niuspepa i no inap long putim nem bilong lo manmeri long dispela PAINIM PREN pes, sapos yupela putim giaman nem long leta an salim i kam. Olpas i gat trupela nem tasol bai stap insait long dispelapes.

## WNB provinsal gavman mas tingim Dagi rot

**Dia Edita,**

Mi wanpela hapkas Pomio na Madang. Nau yet mi stap long Dagi Blok long Kimbe. Mi laik komplem long gavman bilong Wes Nu Briten provins.

Long taim bilong kempen, ol bai go long olgeta liklik rot. Tasol taim ol i kisim namba, ol i no save tingting long ol pipel bilong narapela provins. Dispela em ol pipel husat i kam kisim blok na stap.

Mi lukim dispela rot long Dagi i no gutpela liklik long ol ka i ran long en. Dispela rot i bagarap olgeta.

Tupela primia bilong provins i save tingim ol asples pipel bilong provins

tasol.

Yupela mas save olsem mipela ol pipel bilong narapela provins i votim yupela tu. I no ol asples pipel tasol.

Ol pasindia pipel long ol wel pam blok i orait. Ol i save kisim sampela helpim. Tasol mipela ol pasindia lain long ol kokonas plantesin i no save kisim gutpela helpim stret.

Plis tingim mipela tu. Mipela ol pasindia lain bilong narapela provins. Tasol mipela tu i wokhat long developmen bilong Wes Nu Briten provins.

**Joseph Savlu Dagi settlement KIMBE**

## Ol asples pipel bilong Kulungi i no mekim gutpela pasin

**Dia Edita,**

Mi laik autim wari bilong mi long publik. Bikos wanem samting ol asples pipel bilong Kulungi long Kimbe i save mekim i no gutpela tumas.

Ol i save giaman na stilim kaikai bilong mipela long gaden.

Ol i bin rausim mipela long mekim gaden antap long bikbus. Olsem na mipela kam mekim gaden klostu long haus. Tasol ol i wok long kam na stilim yet kaikai bilong mipela. Olsem wanem?

Ating yupela nogat

han bilong planim kaikai. Olsem na yupela go stil long ol arapela manmeri.

Yupela mas save olsem yupela ol asples pipel. Yupela i gat graun. Olsem na wok gaden. Na noken sindaun nating long as na go stil long ol arapela pipel.

Mipela save hait long gaden na lukim yupela ol dispela stilman. Mipela inap sutim ol stilman long bunara o katapel. Tasol mipela ol Morobe em ol gutpela lain. Olsem na mipela i no mekim kain pasin olsem.

Yupela noken bikhet nambaut. Dispela pasin i no gutpela long ai bilong mipela.

Sapos yupela gat hevi vet long mipela, orait mipela i ken stretim long kibung.

**N. Wille KIMBE**

## Senisim lo bilong kantri

**Dia Edita,**

Mi wanpela manki Tari tasol nau mi stap long Hagen. Mi laik autim wari bilong mi long ol bikman long palamen long lukim.

Long lukluk bilong mi, mi lukim olsem i gat planti pait na stil pasin i pulap yet long olgeta taun bilong yumi. Olsem na mi askim ol memba long mekim sampela samting long senisim sampela lo bilong

yumi.

Mi bilip olsem sapos yumi senisim lo bilong kantri, ating bai i gat gutpela sindaun. Long lukluk bilong mi, planti raskol i save pinis long ol mekim-save bilong kalabus.

Bikos ol loya bilong ol i save pait hat na rausim ol long kalabus.

Mi laikim lo i mas strong long kalabusim ol man i save kilim nating man.

Sapos yumi no senisim lo, planti gutpela man olsem ol bisinisman, lida na ol gutpela saveman bai dai. Dispela i ken stapim wok kamap long kantri.

Olsem na yumi mas stapim ol pipel husat i laik wokim rabis pasin. Lo i mas strong na salim ol man husat i save kilim man long laip yia kalabus. Na givim ol bikpela mekimsave.

**Angowa Manda HAGEN.**



# WANTOK **BISNIS LONG PAPUA NIUGINI** WANTOK

## KOPRA

Pe bilong kopra i go antap nau long K30 long wan wan tan long dispela yia. Pe bilong ol bikipela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

	Smoke	K263
	F.M.S	K265
	Hot Air	K268
Na pe bilong kopra long ol liklik depo i stap olsem:		
SAMARAI	Smoke	K231
	F.M.S	K233
	Hot Air	K236
KANDRIAN na NAMATANAI	Smoke	K228
	F.M.S	K230
	Hot Air	K233
BUKA	Smoke	K227
	F.M.S	K229
	Hot Air	K232
FINSCHHAFEN	Smoke	K223
	F.M.S	K225
	Hot Air	K228
LORENGAU	Smoke	K198
	F.M.S	K200
	Hot Air	K203
KEREMA	Smoke	K218
	F.M.S	K220
	Hot Air	K223
KARKAR	Smoke	K200
	F.M.S	K202
	Hot Air	K205

CMB nau bai i no inap long kisim moa prais sapat long Gavman. Dispela i stat long Januəri 1, 1992

## KAKAO

PRAIS bilong drai kakao long wanwan tan long Rabaul long Mande inap long Fraide long las wik.

Mande Tunde Trinde Fonde Fraide				
P/Holide	09/06	10/06	11/06	12/06

Pe ol baiya sasim long papa bilong fementri

P/Holide	K532	K512	K486	K485
----------	------	------	------	------

Sapot prais

P/Holide	K596	K596	K596	K596
----------	------	------	------	------

Prais ol papa bilong fementri i kisim

P/Holide	K1128	K1108	K1082	K1081
----------	-------	-------	-------	-------

Sapot prais bilong kakao long dispela mun em K596.11. Dispela prais i no wankain olsem pe bilong kakao long ol narapela hap bilong kantri.

## KOPI

Pe bilong drai arabika na robusta kopi long wanwan kilogram long Jun 15, 1992.

Dispela i karamapim prais bilong kopi long dua bilong faktori, na i no long sait bilong rot.

Arabika :	
Kainantu	K1.00
Goroka	K1.05
Minz na Banz	K0.90
Hagen	K0.93
Lae	K1.00
Mumeng	K1.00
Wau/Bulolo	K0.85
Madang	K0.85

Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu.

Robusta :	
Is Sepik	K0.70
Madang	K0.60

Ripot bilong ol arapela senta husat i save groim robusta kopi i no kamap.

## RABA

Gavien faktori (ESP) - 21 v/kg  
Doa faktori (Sentril) - 36 v/kg inap long 39 v/kg


## KADAMON

Prais bilong kadamon em A. T. Agri Ejensi Pty Ltd long Madang i tok aut long en i stap olsem, Drau long san em namel long K0.80 na K1.10. Drau long lektori em namel long \$6.50 na \$8.00. A. T. Agri i lukaum Kobum Spice em i stap long Bundi we planti ol kadamon i save kam long en.

## PRAIS BILONG OL BENSIN

Kos long wanpela lita

Ex Pump (Wantaim takis)	
Petrol	51.9 toea
Diesel	38.8 toea
Kerosin	43.0 toea



# Gavman givim K1milien long sapatim ol liklik bisnis

## JAMES KILA i raitim

SMOL Bisnis Developmen Kopresen (SBDC) i ken givim moa helpim nau long ol liklik bisnisman insait long Papua Niugini. Bikos nesenel gavman i givim em K1 milien long las wik.

Minista bilong Tred na Industri, John Giheno i givim dispela mani long Menesing Dairekta bilong SBDC.

Dispela em mani gavman i bin makim long 1992 baset bilong SBDC. Na i kam bihainim tokaut bilong Praim Minista Rabbie Namaliu long Jun 9 long tokorait bilong kabinet. Long Jun 3, Mista Giheno i bin askim, na kabinet i oraitim dispela mani bilong SBDC long yusim na sapatim ol liklik bisnisman.

Mista Giheno i tok narapela

K1.4 milien em ol bai baim SBDC long sampela taim bihain.

Dispela mani i bilong helpim SBDC long karimaut ol wok em i bin makim long mekim long yia 1992 i go inap long 1996. SBDC i plen long kirapim bikipela ol liklik bisnis insait long kantri aninit long het tok: "Developmen na Promosen bilong ol Liklik Bisnis namel long yia 1990 na 2000.

SBDC bai yusim nau dispela mani long karimaut sampela woksop o kibung long ol ruel eria. Dispela woksop i bilong ol liklik bisnisman na meri. Na bai i kamap long Rabaul, Hagen, Lae na Mosbi.

Mista Giheno i givim sek i go long Mista Lavu na tok ol beng i luksave nau long wok bilong SBDC. Na dispela em wanpela bikipela senis bilong sapatim ol liklik bisnisman na meri long Papua Niugini.



• Minista bilong Tred na Industri, John Giheno (lephan) i givim K1 milien sek mani i go long bikman bilong Smol Bisnis Developmen Kopresen (SBDC), Alois Lavu.

## Spein i amamas long sapat bilong PNG

### EXPO RIPOOT

WANPELA bikman bilong Spein i amamas tru olsem Papua Niugini i soim em yet long Expo '92 em i kamap nau long Sevil, Spein insait long Yurop.

Jenerel Seketeri bilong Spein Expo '92 Komisina Jenerel opis, Juan Correas i mekim dispela toktok, taim em i lukluk raun long so haus bilong PNG long las wik.

PNG i gat so haus bilong em yet. Na i soim ol samting em kantri save mekim olsem tumbuna singsing na danis. So haus i soim tu ol samting em i salim nau long ovasis

olsem wel, kopa main, kopi, kopra na sampela moa.

Mista Correas i tok so haus bilong ol arapela kantri long wol i pulim 20,000 manmeri long olgeta de. Na bilong PNG i pulim 7,000 manmeri tasol. Tasol dispela em i gutprela tru long wanpela liklik kantri olsem PNG, we em i nogat bilip long kamap long dispela bikipela so.

Mista Correas i tok bipo long dispela so, planti manmeri long Spein i nosave long PNG. Em i bilip olsem planti manmeri long hap i save nau long Spein.

"Wok bung bilong yupela long hia long Expo i winim tru sapat bilong ol arapela kantri

hia long Yurop," Mista Correas i tokim Cammilus Narakobi olsem. Mista Narakobi em Komisina Jenerel bilong PNG Expo tim.

Em i tokim Mista Narakobi olsem wanpela samting PNG i mekim i gutpela long strongim wok bung namel long tupela kantri.

Mista Narakobi i amamas long Mista Correas i kamap long so haus na mekim ol gutpela toktok. Olsem na em i givim sampela present bilong Mista Correas olsem wanpela buk, *PNG Eldorado of the South Pasific*, sampela PTC ti spun, wanpela nek tai bilong PNG gavman, na wanpela Air Niugini beg.

## Ol supavaisa na menesa kisim moa save long woksop



• Edministresen Menesa bilong NZI, Richard Wheeler (lephan) na Elijah Pokarop. Mista Pokarop i skulim ol 16 supavaisa na menesa bilong NZI long mekim gut wok.

NU Silan Insuren (NZI) Kampani Limited i bin ranim wanpela kos bilong ol supavaisa long las wik.

Dispela kos i trening ol supavaisa long lukaut na ranim gut wok. Na tu long yusim gut taim bilong wok.

Kos i bin kamap long wanpela wik. Na 16 supavaisa na menesa bilong ol NZI opis insait long kantri i bin stap

insait long kos ya. Elijah Pakorop bilong Menesmen na Ogenaisesen Teknologi Konsalten i bin skulim ol manmerina dispela woksop.

Edministresen Menesa bilong NZI, Richard Wheeler i tok NZI em wanpela kain kampani bilong givim sevis long ol kastoma. Olsem na long trenim na skulim moa ol wokman long gut wok em

bikipela samting. Na tu bikos kampani i gat bikipela tingting long wok i go het olsem wanpela bikipela insuren kampani insait long kantri.

Mista Wheeler i tok wanpela bikipela tingting bilong NZI em long trening planti wokman bilong PNG yet. Bai ol i ken tekova long ol bikipela wok em ol saveman bilong ovasis kantri i mekim nau.

## Bisnis bilong PNG i groa

PRAIM Minista Rabbie Namaliu i tokaut long las wik olsem ekonomi o ol bisnis wok insait long Papua Niugini i groa, na i no pundaun olsem oposisen i bin tokaut.

Mista Namaliu i tok Beng bilong Papua Niugini (Mama Beng) i autim ripot bilong mun Januəri i kam inap long Mas, na tokaut stret long dispela. Na dispela i min olsem gavman i no giamanim ol pipel.

Minista Namaliu i bekim olsem ripot bilong oposisen we i tok gavman i kisim moa dinau long ovasis, na bisnis long kantri i no groa em giaman.

Em i tok gavman bilong oposisen lida long palamen, paias Wingti na namba tu bilong em, Sir Julius Chan i bin kisim moa dinau long ovasis taim tupela i ranim gavman. Na gavman bilong em i wok long bekim ol dispela dinau, na i wok long go daun nau.

"Long 1987, taim Wingti gavman i stap, dinau mani ol i kisim i goap long K443 milien. Gavman bilong mi i bekim ol dispela dinau i kam na K188 milien i stap yet long 1991," em i tok.

Mista Namaliu i tok gavman bilong em i wok long kisim liklik dinau tasol long ovasis. Long wanem, em i laik bekim ol bikipela dinau em Wingti gavman i bin kisim. Na long sem taim, gavman bilong em i kisim ol gutpela dinau long kirapim ol bikipela wok insait long kantri. As bilong dispela em long helpim ol manmeri bilong kantri long baim liklik takis tasol.

Em i tok taim oposisen i stap long gavman, ol i no mekim ol ovasis kantri i bilip long PNG. Olsem na ol i kisim moa dinau long ovasis.

Mista Namaliu i tok ol ripot em Mama Beng i autim pinis i soim olsem ol komplek toktok bilong oposisen i no tru.

Mista Namaliu i tok i gutpela olsem ol bisnis wok long kantri em i kamap gutpela nau i mas go het.

"Ol dispela senis bai givim bikipela helpim long olgeta pipel bilong kantri. Long ol dispela senis i go het, mipela mas larim ol minerel wok olsem bilong main na wel i kamap gut na strong. Na tu mipela mas sapatim ol agrikalisa wok long sapatim prais bilong ol," praim minista i tok.

Mista Namaliu i tok em i bilip mak bilong interes bai go daun. Na dispela bai helpim ol manmeri husat i laik baim haus, ol liklik bisnis na wanwan famili.



**WANTOK**

# BISNIS LONG PAPUA NIUGINI

**WANTOK**

## Wel ran nau long Kutubu paip lain

WEL i stat ran long ol paip bilong Kutubu wel insait long Sauten Hailans long Mande Jun 22.

Na namba wan sip bilong karim Papua Niugini wel bai kamap long tude, na karim wel i go long Japan. Nem bilong dispela sip em Ten-Ei Maru. Mitsubishi i papa long sip ya.

Wel i stat ran bihainim bikipela tokorait bilong ol papagraun bilong Kutubu. Ol papagraun i tingting plan-ti long royalti mani gavman bai oraitim ol long kisim. Tasol ol i no wari long dispela na oraitim wok long go het.

Long soim dispela bikipela sapat, mausman bilong ol papagraun i joinim las paip long lagifu, na larim ol wel ensinia long opim paip na wel i stat ran.

Ol papagraun bilong ples Foe na Fasua i bin kibung long 48 aua olgeta. Long dispela taim, Kutubu i bin pasim olgeta wok bihainim komplek bilong ol.

Ol papagraun i amamas long royalti mani ol bai kisim. Gavman i bin tokaut long dispela long las wik.

Mausman bilong ol Fasua pipel, Sosoro Hewago i tok ol i sapatim


Chevron kampani, husat i go pas long wok long kisim wel long Kutubu. Bikos kampani i kamap gutpela pren bilong ol pipel. Tasol em i no tokaut olsem ol papagraun i amamas long provinsal na nesenel gavman i no tokorait yet long ol i kisim 100 pesen sea long projek.

Em i tok dispela tokorait bilong Kutubu em ol i bin oraitim long 1990, na bihain long tripela yia ol i ken kibung gen na mekim sampela senis long tokorait ya.

Tasol tude, Mista Hewago i tok ol pipel i no laik stapim olgeta wok. Olsem na ol i tokorait long larim wel i stat ran long paip.

Wok bilong pamim ol wel i go insait long ol tenk i bin stat bihain tasol long ol papagraun i joinim las paip wantaim helpim bilong ol Chevron projek ensinia. Na long Sande Jun 21, wel i stat ran long paip lain i go daun long nambis bilong Galp provins, we Ten-Ei Maru bai karim 450,000 barel i go long Japan bilong salim.

Ripot i tok 450,000 barel em mak bilong wel Kutubu bai kamapim long tripela.



Longpela lain long Westpac beng • Olgeta Fraide, ol wokman i save pulap stret long ol Westpac beng long kisim pe bilong ol. Dispela i no nupela moa long ol manmeri long Mosbi siti, na long ol arapela senta tu. Olgeta taim ol manmeri i save sanap na belhat long ol wokman i no sevim ol hariap. Hia em ol manmeri i sanap long longpela lain insait long Westpac Boroko, Mosbi long las Fraide. Sampela taim lain i save go ausalt olgeta long beng. *Poto Eddie Saunders.*

### PE BILONG AIR NIUGINI LONG PNG TASOL

KISIM LONG I GO LONG PE BILONG	BALUS	PE BILONG KAGO
POM Alotau	K101	K1 01
POM Daru	K117	K1 17
POM Goroka	K114	K1 14
POM Hoskins	K140	K1 40
POM Kavieng	K234	K2 34
POM Kundiawa	K113	K1 13
POM Lae	K95	K0 95
POM Madang	K129	K1 29
POM Manus	K206	K2 06
POM Mendi	K136	K1 36
POM Misima	K155	K1 65
POM Mount Hagen	K132	K1 32
POM Popondetta	K59	K0 58
POM Rabaul	K187	K1 87
POM Tabubil	K189	K1 89
POM Tari	K153	K1 53
POM Vanimo	K234	K2 34
POM Wapenamanda	K141	K1 41
POM Wewak	K180	K1 80

Ol kago em hevi abrusim l6kg bai gat pe

### Exchange Rates

PNGBC PAPUA NEW GUINEA BANKING CORPORATION		
Bank buys at:	Notes	T/T
Australia	1 4250	1 3953
USA	1 0830	1 0488
UK	0 5890	0 5560
Bank sells at:		
Australia		1 3843
UK		0 5548
USA		1 0408
Solomon Islands		2 9915
China		5 6430
Fiji		1 5251
Hong Kong		7 9900
India		28 8260
Japan		131 1000
New Zealand		1 8895
Philippines		25 1780
Singapore		1 6720
Switzerland		1 4640
Germany		1 6180
Gold rates (in US\$):		
per ounce		\$344 35
per gramme		\$11 07

## Stadi i kamap nau long Lasanga ailan

**EDDIE SAUNDERS**  
i raitim

VILES Developmen Tras (VDT) aninit long het tok: "Gutpela Viles Developmen long Morobe provins" i kari-maut nau wanpela turis projek long Lasanga ailan ausait long Lae.

Larry Orsak bilong Wau Ekolojikel Institut i redi dispela projek.

Mista Orsak i tok bikipela wok bilong VDT em long redi tren-ing long lukautim ol bus, bihainim ol wok bilong Wokabaut Somil.

Wokabaut Somil i save yusim liklik masin tasol long katim ol plang.

Mista Orsak i tok wok-abaut somil tasol i no inap bringim inap mani i go long olgeta pipel long ples long sotpela taim. Tasol em i ken mekim bikipela bagaap long ol laip na samting bilong bus.

Olsem na projek bai lukluk long ol arapela wok we i kam wantaim wokabaut somil olsem lukautim ol bataflai na salim, na lukautim ol bus na samting bilong graun long pulim moa turis long kam lukim. Dispela i ken helpim ol pipel long kisim man long kainkain rot. Na i no long somil tasol.

Ol dispela kain projek bai kamap long Busu, Kul na Libabia. Ol dispela hap i stap long


nambis, 70 kilomita longwe long is bilong Lae.

Jeman Developmen Sevis i makim na sapatim dispela projek long kamap. Faundesin bilong ol Pipel bilong

Saut Pasifik i sapatim, na i laik mekim dispela projek i kamap bikipela. Faundesin em wanpela bodi i wok insait long kantri, tasol i no kam aninit long gavman.



• Ol wokboi ya i stailim ol yet arere long bikipela bokis sais bilong putim ol loliwara na ol arapela dring insait.



• Tripela wokboi bilong Samarai i sanapim ol loliwara long botol bilong redi long salim.

PARADISE Arcade Kaikai long Tabari ples, Boroko insait long Mosbi siti i bin pas long 5-pela wik olgeta. Dispela haus kaikai i save pipelanti manmeri stret.

Ol manmeri husat i save go kaikai long dispela hap i askim sapos bisnis i pas o olsem wanem. Tasol

samting tru em papamama bilong liklik haus kaikai ya i bin go holid long asples bilong tupela, Saina.

Long Mande Jun 15, tripela wok boi bilong Samarai i tok haus kaikai bai op gen long dispela wik. Dispela em gutpela toksave long ol manmeri na pikinini husat i save amamas long go baim kaikai long hap.

## Tupela EEC wokman lusim kantri



• John Loftus na meri bilong em Gabi long raithan i amamas wantaim ol poroman na poromeri long las wiken. Bikipela tenkyu tru long wanem samting yutupela i mekim long developim Papua Niugini. *Poto na stori: Eddie Saunders.*

**EDDIE SAUNDERS** i raitim

WANPELA marit bilong ovasis, John Loftus na Misis Gabi Loftus i bilong Yuropien Ekonomik Komyuniti (EEC).

Tupela i givim bikipela helpim long developmen bilong Papua Niugini. Na bai lusim kantri na go wok long nara-

pela kantri em hetkwata bilong EEC yet long Brasel, Yurop bai makim.

Mista na Misis Loftus i save wok long EEC opis long Mosbi.

Loftus i wok olsem ekonomik edvaisa bilong EEC long Teknikel Ensineri long 5-pela yia olgeta.

Meri bilong em Gabi i mekim ol komyuniti wok olsem wanpela volunta tasol. Em i save tisim ol manmeri. Na tu mekim ol sosel wok.

# Isuzu Warrior i winim tru ol arapela long ol gutpela na ples nogut

EM i no isi long painim wanpela wina namel long planti lain.

Ol ka we i save ron long bensen i gat planti gutpela bekim. Sampela em ol dispela ka i save bamim bensen na tekov hariap, i ken abrusim ol ka nating long rot na inap wok gut tru long ol bikpela rot. Bikos planti ol ka i save ron long disil ensin i no inap go antap gut long maunten. Bikos ol i no gat pawa.

Tasol taim yu laik traim ol rot nogut nau, em taim bilong ol ka i save yusim ol disil ensin. Ensin bilong ol i strong moa, yu i no inap wari long stretim oltaim, i ken stap longpela taim moa na i no save yusim planti bensen tumas.

Hia em sampela ol ka na ensin em ol baya inap lukluk na skelim bihainim laik bilong ol yet.

## Triton:

Ol Triton V6 dabol keb i bilong ol yangpela man na meri. Dispela em kain ka ol yangpela i save laikim long en. Em i gat tupela rum insait, i luk nais na i gat kain ensin na spit olsem ol spots ka. Tasol wanpela bikpela asua bilong dispela ka em long prais. Kos bilong ol V6 dabol keb i antap tru.

Tasol sampela lain i no wari long mani. Ol bai suvim het tasol bikos em i gat narapela tupela silinda. Mitsubishi tasol i save salim ol ka i gat 6-pela silinda. Ol ka bilong olgeta arapela i gat 4-pela silinda tasol. Na dispela i min olsem ol Triton V6 dabol keb inap karim o pulim moa hevi samting long ol arapela kain ka olsem.

Na ol Triton V6 dabol keb tu i save spit moa. Em i gat 4WD na i no inap wari tumas long ples wesan o ples malmalum.

Tasol em tu i gat hevi. Bikos long ol ausait rot na ples nogut, Triton V6 dabol keb inap givim planti hevi. Na tu namba tu rum insait i no gat inap spes bilong tromoi lek. Ples insait i pas

tumas. Tingim tu ol arapela hevi bilong giabokis.

## HiLux 2.4P na 2.8D

Long skelim tupela, HiLux i save yusim bensen na i stap long narapela sait bilong Triton. Long taim bilong traim ol dispela ka, HiLux i bin kam bihain liklik long ol narapela tupela ka we i save ron long bensen. Tasol em i gat ol gutpela sait bilong en tu.

Dispela em wanpela hap Toyota i kam bihain long ol arapela. Tasol lukluk tasol na ating narapela nambawan ka i save yusim bensen ensin bai kamap. Tasol i gutpela olsem Toyota i lus tingting long dispela bikos planti lain i wok long baim nau ol ka i save ron long disil ensin.

Long ol dispela lain i laikim ol ute bilong yusim ausait long ol rot na ples nogut, HiLux em i ka bilong mekim dispela. Em i liklik, i gat ol lo gia na gutpela ensin bilong rivesim ka i helpim em long winim ol arapela wankain ka olsem. Na em i ken stap longpela taim.

Tasol wanpela samting nogut tru long dispela ka em long sia long baksait rum. Husat pasindia i kalap long baksait sia bai kisim taim stret. Na Triton i winim em. Narapela bikpela hevi em ol dispela ka i save kaikai planti bensen tru.

Olgeta samting long ol HiLux ka i save yusim bensen na disil i wankain. Tasol ol bensen ensin i moa gutpela bilong mekim wok long ol ples bus na ples nogut. Husat man o meri i laikim ka bilong ron long ol ples nogut i ken lukluk tu long wanpela 2.8D HiLux. Dispela ka i bilong ol kain lain olsem long ples, ol fama na wanem man o meri husat i save yusim ka bilong em long mekim ol hevi wok planti.

HiLux 2.8D ka i gutpela bilong ron long ol ples ausait. I no long-



taim i go pinis, nem bilong ensin bilong ol dispela 4WD ka i bin kamap bikpela. Tasol ol samting i senis hariap na nupela disil ensin Toyota Warrior ka i kamap na winim em.

Wanpela gutpela samting em ol disil ensin i save yusim liklik bensen moa long ol HiLux ka i save yusim petrol. Dispela em wanpela samting ol lain husat i laik kisim ol ka bilong ron long longwe hap i ken lukluk na tingim.

Tasol no gat wanpela man o meri inap skelim dispela tupela ka. Long wanem, wanpela petrol na disil HiLux ensin i wankain long taim em i ron inap long taim em i malolo. Tasol tupela wantaim i no winim olgeta arapela 4WD ka. Long wanem ol ensin bilong ol i no gutpela tumas, ol rum long baksait i nogut na i no gutpela tumas bilong yusim ausait.

## Mazda B2600 Bravo Plus

Mazda i winim tru planti tingt-

ing bikos em i gat planti samting we ol arapela ka i no gat long en. Em i gat bamba, kolwin long ka na planti arapela samting. Dispela ol B2600 dabol keb i win tru. Na tu prais bilong em i no bikpela tumas olsem ol arapela ka.

Ating planti lain bai i no inap wari tumas bihain long lukim ol dispela samting na go het long baim wanpela.

Tasol long taim yu sekap gut, yu bai lukim olsem dispela ol Mazda B2600 Bravo Plus i no gat kain ol stail samting long insait na gutpela stail long ausait olsem ol HiLux. Na em i no luk nais tumas long ausait na insait olsem ol ka bilong Toyota.

Em i no inap winim dispela kain pawa bilong ol HiLux long ron ausait long ol ples nogut na mekim ol bikpela wok. Na em i no spit tumas na kain lukluk olsem ol Triton. Maski long ol dispela samting, Mazda B2600 Bravo Plus tu i gutpela ka bilong skelim namel long ol arapela.

Em i gutpeia long insait, i bihainim ol senis bilong nau na i kam wantaim olgeta samting. Dispela ka bilong Isuzu i ken go long ol kain kain hap long kantri, maski em i ples nogut o ples ston.

Long ol dispela kain hap, ensin na ron na spit na wok bilong em i moa gutpela long ol Toyota disil ensin. Taim wanpela Warrior i go antap long maunten o i laik abrusim narapela ka, em bai go tasol. Na em i ken ron wankain tasol long ol ka i save ron long petrol. Long bikbus na ol ples nogut, em i no inap kea.

Wanpela hap tasol em ol inap daunim nem bilong Isuzu Warrior em long ol taun. Bikos taim em i laik stat o bamim ensin, em i save wokim planti nois tumas.

Ating dispela ol Warrior ka bilong Isuzu i gutpela moa bilong ol lain husat i save laikim long ronim ka insait long ol ples nogut, ples wesan, ples maunten na traim kain kain trik nabaut.

Em i gat gutpela ples bilong sindaun long fran na baksait wantaim na insait bilong en i luk nais. Olsem na Isuzu Warrior i winim tru ol arapela. Olgeta ka hia i gat wan wan nem we i winim Warrior, tasol no gat wanpela inap winim olgeta samting em ol Warrior i karim na i gat long en.

Olsem na Warrior i kisim nem olsem wanpela top ka stret.

## Isuzu Warrior DLX disil ensin

Pastaim long dispela stori bilong skelim ol ka i kamap, nem bilong Warrior i kamap bikpela pinis. Na olsem nem bilong en yet, dispela ka i winim ol arapela. Em i ken go long kain kain hap, long ol bikbus, ol ples nogut na bai stap yet.

## Ating Sotgan bai kisim ples

i kam long pes 9 Na sapos wanem samting i kamap, ol i no inap long mekim wanpela samting egensim ol dispela lain pipel husat i save karim tamiok na naip long ai bilong publik.

Em i tok, "I luk olsem i no gat gutpela rot o plen i bin kamap long redim ol samting. Ol plisman i no gat pawa. Ol i no inap mekim wanpela samting. Sapos ol i laik traim, ol pipel bai kilim ol."

Wanpela mamba bilong raiot skwat plis long Kandep i laik traim pasim wanpela man bilong ples long vot namba tu taim. Na wanem samting i kamap? Narapela man i kam long baksait bilong em na katim em long tamiok. Na bihain helikopta i kisim em i go long Hagen haus sik long kisim marasin.

Hia em sampela bilong ol samting i kamap long Enga long taim bilong vot:

• Long Fraide moning, 29 Jun, sampela man i banisim rot namel long Kandep na Laiagam na stapim ol poling opisa. Ol i stilim

moa long 20,000 balot pepa em i no gat mak long ol. Na dispela i pasim ol ileksen long Kandep long go het inap long neks de. Balus i kisim moa balot pepa long Mosbi i go long hap.

Bihain long ileksen, ol pipel i no laikim bai ol poling opisa na ol plisman i kisim ol bokis balot pepa i go long Wabag plis stesin we olgeta bokis balot pepa i stap long en. Ol i pret olsem nogut bai wankain birua i kamap long rot bikos ol plisman i no karim ol strongpela samting bilong pait. Ol pipel bilong ples yet i bringim ol dispela bokis balot pepa i go long ples stesin.

• De bilong vot long Maramuni i bin go orait tasol. Dispela em wanpela bilong ol hap i no gat trabel.

• Long Sarere long Wapenamanda, ol wantok bilong wanpela kendidet i banisim rot namel long Walyia na Pausa na stilim tripela bokis balot pepa bilong go long Wabag.

## Performance

	Mazda B2600 Warrior Bravo Plus	Mitsubishi Tr turbo diesel	Toyota HiLux Luxury V6	Toyota HiLux SR 5 Diesel	SR 5 petrol
0-80KM/H:	8.9 sec	9.7 sec	6.5 sec	9.5 sec	7.3 sec
0-100 KM/H:	17.0 sec	24.2 sec	15.4 sec	29.5 sec	19.4 sec
80-100 KM/H:	5.7 sec	9.9 sec	5.4 sec	10.7 sec	7.8 sec
80-120 KM/H:	14.9 sec	24.4 sec	11.4 sec	n/a	21.5 sec

## Standard Equipment

	Mazda B2600 Bravo Plus	Isuzu Warrior turbo diesel	Mitsubishi Triton V6	Toyota HiLux Luxury SR5 diesel	Toyota HiLux SR5 petrol
Adjustable steering:	yes	no	yes	yes	yes
AM/FM radio cassette:	yes	yes	yes	yes	yes
Air-conditioning:	yes	opt	opt	opt	opt
Altimeter:	no	opt	no	no	no
Automatic disconnecting:					
front diff:	no	no	no	yes	yes
Bull-bar:	yes	opt	no	opt	opt
Canopy:	yes	opt	no	no	no
Carpet:	no	no	yes	yes	yes
Centre console:	no	no	yes	yes	yes
Cup holder:	no	no	yes	yes	yes
Digital clock:	yes	yes	yes	yes	yes
Driver's seat tilt:	yes	yes	yes	yes	yes
Driver's footrest:	yes	no	no	yes	yes
Electric Aerial:	no	no	no	no	no
Four-wheel disc brakes:	no	no	no	yes	no
Hand throttle:	yes	yes	no	yes	no
Inclinometer:	no	opt	no	no	no
Limited-slip diff:	yes	no	yes	yes	yes
Map pockets:	no	no	yes	yes	yes
Oil pressure gauge:	no	yes	yes	yes	yes
Power steering:	yes	yes	yes	yes	yes
Remote fuel lid opener:	no	no	no	no	no
Rear window demister:	yes	no	yes	no	no
Tachometer:	yes	yes	yes	yes	yes
Tow bar:	opt	opt	opt	opt	opt
Voltmeter:	no	yes	yes	yes	yes

NESENEL ILEKSEN LONG PAPUA NIUGINI

Planti promis na gris i gat gutpela swit na amamas long ol yangpela

PLANTI yangpela man na meri long Madang i putim mak pinis long makim wanpela lida long 1992 nesenel ileksen.

Dispela i soim olsem ol yangpela i senisim tingting bilong bipo. Na dispela tingting em vot i samting bilong ol papa na mama tasol. Ol yangpela i pilim olsem ol tu i gat laik na fridom bilong makim lida.

Planti kendidet tu i luksave long namba bilong ol yangpela long skul, komyuniti na ol ples. Ol i save olsem namba bilong ol yangpela inap apim namba bilong ol vot bilong ol i go antap. Na planti i traim painim kain kain rot bilong grisim ol yangpela. Sampela i go long ol skul na tok gris na givim ol kain kain liklik helpim nabaut. Ol arapela i promis long helpim ol yangpela bihain taim ol i lusim skul.

Long ol taun komyuniti, ol kendidet i baim ol bal samting

Ripota Yakam Kelo i skelim wanem samting i kamap nau namel long ol yangpela manmeri long Madang na ol kendidet husat i resis long ol sia long hap.

bilong pilai spot, ol gita bilong ol yut long pilai ben bilong grisim ol yangpela.

Tasol bikpela askim nau i stap olsem: ol dispela lain kendidet i bin stap we bipo? Ol inap mekim dispela ol samting pastaim yet, tasol olsem wanem. Ating nau, ol inap kam bek na lukim sapos ol yangpela i stap orait na wok gut wantaim ol dispela samting ol i bin givim pastaim. Na sapos ol yangpela i askim gen long helpim, em bai harim na givim o nogat?

Tingting bilong ol yangpela i no strong tumas. Amamas bilong ol i hariap na kwiktaim na ol bel hevi bilong ol tu i sotpela. Wanem gutpela samting i kamap, ol yangpela i save kwiktaim long kisim na

i no save skelim gut gutpela na nogut bilong dispela senis.

I tru olsem planti kendidet i save long dispela rot olsem na wanem samting ol i promis o baim na givim i gat gutpela swit na amamas bilong en long bel na tingting bilong ol yangpela hariap tumas. Long skul, ol sumatin i save wari na tingting tumas long skul bilong ol. Olsem na husat kendidet i kamap na tokim ol long stapim skul na ol bai skul nating, dispela i kirapim tru bel bilong ol yangpela na ol i sapatim tru dispela man. Ol i no wari sapos dispela i isi o i hat.

Bikpela sori tru i go long ol olupela memba husat i laik resis gen long ileksen. Planti gutpela

helpim na sapat bilong ol long ol skul na ol yangpela long taun na ples wantaim ol wok projek, yut na spot i no inap helpim ol tumas long winim vot bilong ol yangpela.

Ol nupela kendidet wantaim planti mani na ol nupela ka i gat dispela strong na gris bilong pulim ol dispela yangpela we narapela man i hatwok long ol pastaim. Planti ol olupela memba i wari nau bikos ol nupela kendidet i go insait long banis bilong ol na pulim ol pipel ol i save win oltaim long en.

Asua i stap tu long ol papamama, ol lida bilong komyuniti na ol sios wantaim ol tisa long skul. Ol dispela lain i gat wok long givim sampela tingting long ol yangpela. Na tok klia long husat lida i save mekim wok na husat i nogat. Ol i ken skulim ol yangpela long husat lida na kendidet i wanem kain man. Dispela inap helpim ol yangpela long skelim wanem man

o meri bilong votim.

Taim yumi lukluk klostu long ol tok promis (fletfom) ol kendidet i raitim na putim wantaim poto bilong ol, i gat ol gutpela kala na gris long en. Taim ol kendidet i raitim ol dispela samting, ol i skelim tu mama lo bilong PNG na mekim ol tok promis bilong ol i bihainim o nogat. Olsem wanem bai ol dispela toktok i karim kaikai sapos ol i no bihainim na wanbel long mama lo?

Ol yangpela i traim long bihainim lo na vot. Olsem na ol lida tu i mas bihainim lo na win.

Long dispela yia, planti yangpela man na meri i bin wet long dispela ileksen. Ol i save olsem ol i gat hevi, tasol ol i karim ol dispela hevi na wet tasol. Olsem na husat kendidet i bin givim kain kain promis long ol yangpela i mas redi tu long harim krai na singaut bilong ol bihain long 1992 nesenel ileksen.

Planti pipel i no klia long pasin bilong vot

TAIM bilong vot long Wes Sepik i wok long pinis nau. I gat wanpela wik tasol i stap.

Tasol i luk olsem planti kendidet na ol sapota bilong ol i no klia long wanem samting i wok long kamap nau. Bikos provinsal ilektorel opis i wokim narapela toktok na ilektorel komisen i wokim narapela.

Provinsal ritening opisa, Vimuru lagata i bin tokaut long Redio Sandaun olsem ol ileksen opisa i mas larim olgeta man na meri husat em nem bilong ol i no stap long lista long vot. Na ol i mas kisim nem bilong ol dispela lain na bihain salim i go long ilektorel komisen opis long Mosbi.

Tasol wanpela de bihain, ilektorel komisen opis i rabisim ol dispela toktok bilong lagata. Ol i tok dispela i brukim lo na i wankain long seksenel voting we palamen i bin rausim pinis.

Tasol maski komisen i rabisim ol dispela toktok, planti ileksen opisa long provins i larim yet ol lain nem bilong ol i no stap long buk long vot.

lagata i bin mekim dispela toktok long las Tunde bikos ol kendidet wantaim ol pipel long Vanimo i tok long bringim dispela hevi i go long kot. Na askim kot long stapim ileksen inap dispela samting i stret. Ripot i kam long provinsal ilektorel opis i tok ating ol dispela toktok i kamap olsem bai ol ileksen i no inap bagarap. Na tu i no inap go insait long kot.

Ripot i tok planti kendidet na ol sapota bilong ol i amamas long dispela toktok bilong lagata. Na ol i wok long suvim yet ol ileksen opisa long larim ol pipel i vot. Dispela em ol lain husat em nem bilong ol i no stap long buk bilong vot.

Liklik hevi tasol long Isten Hailans long namba wan wik

NAMBA wan wik bilong vot long Isten Hailans provins i bin kamap gut tru. I bin gat ol wan wan liklik hevi tasol.

Planti pipel long Goroka taun i bin komplem long ol namba wan de bilong vot bikos ol i no lukim nem bilong ol long buk bilong vot. Na long namba tu de, sampela i bin go long lukim provinsal ritening opisa, Ismael Sabak.

Ritening opisa bilong Goroka Open, Billy Kavanamur i bin skruim taim bilong vot long Goroka i go long narapela de. Long wanem ren i bin pundaun long namba tu de.

Dispela i bin kamapim sampela liklik hevi long las de bikos ol sapota bilong siting memba na Plis minista, Mathias Ijape i laik stapim vot long namba tri de.

Ol i tok olsem planti pipel husat i no painim

nem bilong ol long wanpela hap i laik go long narapela hap long painim nem bilong ol

na vot. Plis i kamap long not Goroka tasol no gat wanpela bikpela samting i kamap.

Liklik hevi i bin kamap tu long ples Agarabi insait long Kainantu Open ilektoret. Ripot i

tok ol sapota bilong wanpela kendidet i bin laik pasim ol vot long kamap.



Taim bilong vot....Las wik ol pipel bilong Isten Hailans provins i putim mak bilong ol long balot bokis. Wanpela studen bilong Goroka Tisa Koles i ranawe long skul long makim memba bilong em long Mande Jun 15, 1992.

Ileksen De bilong Papua Niugini, Me - Jun 1992

1. Nominesen fi

Nominesen fi i goap pinis long K1,000. Man husat i winim ileksen bai kisim bek mani bilong em.

2. Ol bai ileksen

Sapos long sampela kain as na wanpela bai ileksen i kamap long las 12-pela mun (olsem long namba 5 yia) bilong laip bilong palamen, no gat bai ileksen bai kamap. (Nau yet em long olgeta 6-pela mun).

3. Katim daun de bilong nominesen

Taim bilong nominesen o makim ol kendidet i go long ilektorel opis bai i no inap kamap bipo long namba 28 de na bihain long 35 de.

4. Sapos kendidet i dai

Kendidet bai lusim ileksen sapos em i dai bipo long nominesen de i op, na bihain long i oraitim wok bilong ileksen, na tu bipo long lo i oraitim wok bilong ileksen i go bek long mama ilektorel opis long Mosbi.

5. Ol de bilong vot

Taim bilong vot i go daun long 14 de tasol

6. Helpim ol manmeri husat i no save rit o rait


Ileksen opisa i ken oraitim wanpela man husat em i bilip i no inap long rit o rait i kisim wanpela famili memba i go wantaim long vot. Man husat i no inap rit o rait i mas oraitim wanem man em laikim long helpim em. Long bipo, dispela lo i oraitim tasol ol manmeri husat i apas o i gat sampela bikpela bagarap long bodi olsem ol disebel.

7. Pinis bilong seksinel vot

Seksen 141 bilong Ogenik Lo bilong Nesenel Ileksen em ol i senisim. Dispela senis i rausim seksinel vot.

8. Wanpela ripresentativ tasol bilong wanwan kendidet long ples bilong kaunim vot:

Wanpela ripresentativ tasol bilong ol wanwan kendidet i ken stap insait long



Authorised by Reuben Kauilo, Electoral Commissioner Papua New Guinea

hap bilong kaunim vot, long wanpela taim tasol long taim bilong kaunim vot. Dispela em long sekim namba bilong ol vot na toksave long kendidet. (Wanpela kendidet i ken makim moa long wanpela man long sekim namba bilong ol vot taim ol opisa i kaunim. Tasol ol dispela man i mas go insait long ples bilong kaunim vot wan wan. Moa long wanpela man i no inap go insait long wanpela taim tasol).

9. Namba wan palamen kibung bihain long jenerel ileksen

Namba wan kibung bilong palamen i mas kamap 7-pela de bihain long lo i oraitim wok bilong karimaut ileksen i kam bek long mama ilektorel opis long Mosbi. (Nau yet kibung i ken kamap bihain long 21 de).

10. Sais bilong ol ileksen posta

Bipo i gat tambu long sais bilong ol ileksen posta. I no gat moa tambu long dispela nau.

11. Tambu long yusim spika long taim bilong vot

Tambu long ol kendidet o sapota bilong ol kendidet i yusim laut spika, na ol kain masin olsem bilong toktok bikpela long taim bilong vot. Ol plisman o ilektorel opis tasol i ken yusim long lukautim lo na oda, na tu long tokim ol pipel long wanem samting bilong mekim long vot.

12. Ileksen petisen mas kamap bihain long 14 de tasol

Sapos wanpela kendidet i laik komplem bikos long sampela as na em i no winim ileksen, em i mas givim dispela komplem i go long ilektorel opis 40 de bihain long ilektorel opis i tokaut long nem bilong ol kendidet husat i winim ileksen. Ileksen petisen i no inap kisim wanpela komplem bihain long 40 de (Nau yet ol kendidet husat i laik komplem i gat tupela mun olgeta long givim komplem i go long ilektorel opis)

13. Sekyuriti bilong kos na ileksen petisen

Sapos wanpela kendidet i laik komplem o givim petisen, em i mas givim wantaim K2,500. Nau yet dispela mak bilong mani i stap long K200 tasol.

# Meri Sepik karim pikinini pik

BIPO tru long taim bilong ol tumbuna, i no gat pik long graun. Na ol man i save painim ol arapela abus tasol long bus bilong kaikai.

Long bikbus insait long Is Sepik provins i gat wanpela liklik ples. Insait long dispela ples, wanpela lapun man em i sempionman bilong painim abus.

Wanpela gutpela de, em i redim olgeta kaikai na sup-sup bilong painim abus pinis na em i wokabout i go long bus long painim pik. Nem bilong dispela supsup em *Livati*. Em i holim dispela supsup na i go hait insait long ol lip bilong saksak.

Em i lukim planti pik i raun raun na brukim graun i stap. Tasol em i laikim bikpela pik long traun supsup bilong em olsem na em i wet i stap.

I no longtaim, em i lukim wanpela bikpela pik i wokabout i kam ausait long ol arapela na brukim graun. Em i hait bihainim lip saksak i go klostu na tromoi supsup bilong em long pik.

Tasol dispela pik i no pundaun o krai bikos em i no pik tru. Em i wanpela man, tasol olgeta taim em i save senis i go olsem pik na raun wantaim ol arapela pik insait long bus. Lapun i lukim olsem na em i bihainim blut bilong pik i go.

Dispela pik i ron i go long haus bilong em long ples na tokim tupela pikinini meri long rausim supsup long skin bilong em. Nem bilong tupela pikinini meri em Kankuto na Kankuposi. Wokim olsem pinis na tupela i karim papa bilong ol i go na slipim em arere long paia.

Tupela i lukautim papa bilong ol i stap na lapun i bihainim blut bilong pik i go kamap. Taim em i lukim tupela meri em i pasim maus na lukluk tasol long tupela i stap. Bihain tupela i askim lapun long em i painim



wanem samting. Em i tokim tupela olsem em i bin sutim wanpela bikpela pik na dispela pik i kisim supsup bilong em na ranawe i kam olsem.

Tupela meri i lukluk strong long lapun. Na bihain tupela i tokim lapun long go insait long haus. Na tupela i tokim

lapun olsem em i bin sutim papa bilong tupela. Olsem na em i mas kamap pren bilong tupela. Olgeta taim ol i wokim kaikai bilong papa na brata bilong ol, tupela bai wokim wanpela bilong lapun tu. Na brata bilong ol i save askim tupela, husat i stap insait long rum na ol taim yupela i save kisim kaikai i go insait.

Wanpela taim, brata bilong tupela i smelim skin bilong lapun na i askim tupela gen. "Wanem samting i smel insait long haus." Tupela meri no bekim toktok bilong em. Tasol long wanpela taim, tupela i go raun i stap na brata i opim dua na i go insait long haus. Em i lukim lapun man na i no wanbel olsem tupela susa bilong em i giaman em.

Olsem na em i wetim tupela long kam bek long haus. Taim tupela i kamap em i askim tupela. "Dispela man i stap insait long haus em man bilong husat?" Tupela meri i no bekim toktok bilong em.

Olsem na em i tokim tupela. "Mi bai saisim yupela wantaim. Sapos dispela man i longpela o sotpela long yutupela, mi bai kilim em na yutupela kaikai."

Na bihain em i go insait na tokim papa olsem tupela susa i kisim wanpela man na haitim i stap long haus. Papa bilong ol i no mekim wanpela samting. Brata bilong tupela i kam aut na saisim tupela susa bilong em wantaim lapun ya.

Na em i lukim longpela bilong ol tripela i wankain. Olsem na em i tokim tupela susa long maritim lapun. Boi i amamas na i stap wantaim tupela na lukautim papa bilong ol. Ol i stap i go na lapun i askim brata bilong tupela meri long kisim ol i go long ples bilong em long lukim ol lain bilong em.

Tasol brata bilong tupela

meri i no laik. Olsem na em i tokim yangpela susa long go wantaim lapun na lusim bikpela susa i stap. Moning taim lapun i kirapim tupela meri wantaim na askim tupela long husat bai i go wantaim em long ples. Na Kankuposi i kirap na tok olsem Kankuto bai i stap wantaim brata na papa bilong em.

Na em bai go wantaim man long ples bilong em. Tupela i kamap long ples na ol brata na susa bilong man i amamas tru long lukim Kankuposi. Olgeta i stap wantaim i go na Kankuposi i gat bel. Ol i stap i go na Kankuposi i pilim em i laik karim pikinini na em i krai insait long haus.

Kankuposi i laik karim pikinini. Tasol em i no laik man i lukim em i karim pikinini olsem na em i tokim man bilong em long i go long lukim papa, brata na susa bilong em Kankuto.

Lapun i go stap na Kankuposi i wokabout i go long gaden banana. Em i senisim skin bilong em i go kamap olsem pik na karim tupela pikinini pik. Em i wet i stap long as bilong banana na man bilong em i kam. Kankuposi i slip isi i stap na lapun i go painim em. Taim lapun i kamap klostu long as bilong banana, Kankuposi i raunim em. Na kisim tupela pikinini pik bilong em na ranawe i go bek gen long ol famili bilong em long bus.

Lapun i no amamas bikos em i stap longpela taim wantaim Kankuposi. Na bihain em i senis i go kamap olsem pik. Na lusim em i stap long-long.

Olsem na lapun i save birua long ol pik bilong bus. Na olgeta taim em i laik painim ol na kilim ol. Olsem na yumi i save kaikai mit bilong pik.

Jerry Masipar  
SEPIK WARU



Wanpela nait Kanage go long sosel nait long Mirigena. Long hap em i spak nogut tru na i laik wokabout i go long wanpela liklik ples ol i kolim Weragimi.

Em wokabout i go na bungim wanpela lapun man bilong ples Weragimi. Lapun man tokples long em olsem, "Kakao." Em i tok moning long tokples bilong ol Weragimi.

Kanage stap na tokim lapun ya, "Mi no karim kakao beg i kam, na yu tok kakao long mi. Mi kam long lukim kandre bilong mi, Aso." Na lapun i tokim em olsem kandre bilong em i stap long ples Wenemasele.

Kanage wokabout gen i go kamap long Wene-masele na bungim kandre bilong em. Em hangre nogut tru na andre i givim em wanpela wel taro. Em mekimsave long kaikai pinis na go bek long ples bilong em.

Taim em i kamap long ples, man nek bilong em i sikirap nogut tru.

Frances Sagan  
BIALLA

WANPELA lapun kela i save pilai fuibek bilong wanpela soka tim long Wewak. Em i strongpela fuibek na husat i go klostu long mak i mas lukaut gut. Kik i go strong tru na wanpela wanpilai bilong em i holim bal klostu long mak. Taim straika bilong birua tim i laik kisim fri kik, lapun kela i go sanap long banis na daunim het. Straika i kam tasol givim bal na bal i flai 1 mita antap long graun. Lapun i daunim het tasol na bal i flai bek. Ol man na meri i paitim han na singaut, "Top fuibek, top fuibek." Na boi tu i aifai na kalap kalap na danis nabaut. I no longtaim, em i pundaun na airaun. Michael B. Kamon, Wewak, Is Sepik.

SIMBUNGU i go long Maborosa festival long Madang na taim bilong reisis long selim kokonas. Ol jas i tok husat i pinis pas i mas tromoi kokonas i go antap bai ol i luksave. Ples i tudak na planti man, meri na pikinini tru i bung. Resis i stat na Simbunu i winim ol arapela na pinis hariap. Taim em i pinis, Simbunu i no tingim ol man, meri na pikinini i stap. Em i kirap sut long kokonas i go antap. Sore...olgeta man-meri i holim het bilong ol na bam nabaut. Tasol kokonas i abrusim olgeta na pundaun nating long graun. Ol i tanim bek tasol Simbunu i lus pinis. Michael B. Kamon, Wewak, E.S.P.

## Laik bilong mi o papa na mama

### I kam long las wik

Las wik, mipela i bin prinim pas bilong "UNPREPARED." Mama na papa bilong em i laik makim meri bilong UNPREPARED long ples yet bikos ol i no laik long baim meri em yet i kisim long ol arapela hap.

Tasol nau UNPREPARED i laik bihainim pasin bilong ol waitman na painim meri long laik bilong em. Na em i no painim wanpela yet.

Mipela i bin bekim pas bilong em na askim em long sindaun wantaim ol famili bilong em. Na luksave long laik bilong tupela pastaim long em i ken painim meri o tupela i painim meri bilong em.

Nau em i namba tu taim mipela bai bekim pas bilong em. Na mipela bai toktok long wanem samting em i mas mekim long ol mama na papa bilong em. Na mipela bai toktok long em long wanem hevi na gutpela samting em bai bungim sapos em i marit long laik bilong em.

Dia "UNPREPARED,"

Mama na papa bilong yu i laik yu marit bikos ol i bilip olsem yu inap long lukautim yu yet na ol liklik brata. Ol i no askim yu long marit na lukautim ol, nogat.

Mama na papa bilong yu i laikim yu long lukautim ol pik bilong ol liklik brata na bilong yu. Olsem na ol i askim yu long marit. Na tu ol i bilip olsem yu inap long lukautim yu yet olsem na ol i laik painim meri bilong yu long ples. Ol i bin lukautim yu taim

yu mangi. Nau ol i lukim olsem yu winim 21 kris-mas pinis na ol i laik makim meri bilong yu. Na yutupela bai lukautim ol pik na olgeta samting na tupela bai malolo long ol dispela wok.

Long laik bilong ol waitman, ol mangi i lukautim ol yet taim ol i abrusim 18 krismas. Olsem na sapos yu laik bihainim pasin bilong ol waitman, yu mas lukautim yu yet. Nau yu laik painim meri bilong yu yet, yu mas stapim mama na papa bilong yu long lukautim pik long baim meri bilong yu. Na yu mas bungim mani long baim meri yu laik maritim.

Sapos yu save gut long olgeta pasin tumbuna na bilip olsem yu inap long karim olgeta hevi ol mama na papa bilong yu i bin bungim long lukautim yupela, em i orait. Yu ken painim wanpela gutpela rot we yu wantaim ol mama na papa bilong yu bai amamas long em.

Makim meri long laik bilong yu em i pasin bilong ol waitman. Tasol nau mipela i laik askim yu long glasim gut pasin bilong ol tumbuna long ples. Na lukluk long wanem as na mama na papa bilong yu i laik yu marit long ples. Sapos yu no lukluk long pasin bilong tumbuna na yu bihainim laik bilong ol mama na papa, laik bilong yu bai i no inap gutpela. Bikos meri bai i no inap save long laik bilong yu long taun. Na sapos yu luksave long pasin tumbuna na marit bihainim laik bilong mama na papa bilong yu, laik bilong yu bai gutpela. Bikos yu bai amamas olsem famili bilong yu na bilong meri bai stap wantaim.

Mi Lalplain

## EM TV

THURSDAY 25TH JUNE, 1992	
5.00	TEST PATTERN AND MUSIC
6.27	STATION OPEN
6.30	ITN NEWS (G)
7.00	TODAY SHOW (G)
8.58	EMTV TOK SAVE (G)
9.00	STATION CLOSE
1.10	STATION RE-OPEN
1.13	EMTV TOK SAVE (G)
1.15	MIDDAY SHOW WITH RAY MARTIN (G)
2.30	SESAME STREET (G)
3.00	KIDS KONA (G)
4.00	MAGILLA GORILLA (G)
4.30	TEENAGE MUTANT NINJA TURTLES (G)
5.00	GET SMART (G)
5.27	EMTV TOK SAVE (G)
5.29	EMTV NEWS (G)
5.30	HOME AND AWAY (G)
6.00	NATIONAL EMTV NEWS (G)
6.30	A CURRENT AFFAIR (G)
7.00	SALE OF THE CENTURY (G)
7.30	NEIGHBOURS (G)
8.00	THE COSBY SHOW (G)
8.27	RUGBY UNION ROUND - UP (G)
8.30	ALL TOGETHER NOW (G)
9.00	THE GOLDEN GIRLS (G)
9.30	MARRIED WITH CHILDREN (PGR)
10.00	BURKE'S BACKYARD (G)
11.00	HAWAII 5-0 (G)
12.00	NATIONAL EMTV NEWS REPLAY (G)
12.27	MEDITATION WITH PASTOR WALO (G)
12.30	STATION CLOSE
FRIDAY 26TH JUNE 1992	
6.00	TEST PATTERN AND MUSIC (G)
6.27	STATION OPEN (G)
6.30	ITN NEWS (G)

8.00	TODAY SHOW (G)	5.00	BEYOND 2000 (PGR)
8.58	EMTV TOK SAVE (G)	6.00	NATIONAL EMTV NEWS
9.00	STATION CLOSE	6.30	HEY HEY IT'S SATURDAY
1.12	STATION RE-OPEN	8.25	CHIN H MEEN SUPER-SOUND NEW RELEASE
1.13	EM TV TOK SAVE	8.30	AUSTRALIA'S FUNNIEST HOME VIDEO
1.15	MIDDAY SHOW RAY MARTIN (G)	8.52	EMTV TOK SAVE
2.30	SESAME STREET	9.00	JAKE AND THE FATMAN
3.30	KIDS KONA	10.00	MTV (MAO)
4.00	MAGILLA GORILLA	11.00	WINFIELD CUP
4.30	TEENAGE MUTANT NINJA TURTLES	00.57	MEDITATION
5.00	GET SMART (G)	01.00	STATION CLOSE
5.27	EMTV TOK SAVE (G)	SUNDAY 26TH JUNE 1992	
5.29	EMTV NEWS (G)	9.57	STATION OPEN
5.30	HOME AND AWAY (G)	10.00	500cc DUTCH GRAND PRIX
6.00	NATIONAL EMTV NEWS	11.00	WIDE WORLD OF SPORTS
6.30	A CURRENT AFFAIR (G)	1.00	BUSINESS SUNDAY
7.00	SALE OF THE CENTURY (G)	2.00	SUNDAY
7.25	CHIN H MEEN SUPER-SOUND NEW RELEASE	3.30	LUMEN 2000
7.30	2ND TEST RUGBY LEAGUE (G)	4.00	SPORTS SUNDAY
10.42	EMTV TOK SAVE (G)	5.55	CHIN H MEEN SUPER-SOUND NEW RELEASE
10.45	NCDC NEWS (G)	6.00	NATIONAL EMTV NEWS
10.55	FRIDAY NIGHT	6.30	SUNDAY NIGHT FOOTBALL
MOVIE: "Deadly Pursuit"		7.30	60-MINUTES
00.25	NATIONAL EMTV NEWS REPLAY	8.30	CHIT CHAT WITH SIR PAULIAS MATANE
00.52	MEDITATION WITH PASTOR WALO ARNI	8.35	SUNDAY NIGHT MOVIE: "Family Life" (G)
00.55	STATION CLOSE	10.00	MAN ABOUT THE HOUSE
SATURDAY 27TH JUNE 1992		10.45	AUSTRIAN 500cc MOTORCYCLE GRAND PRIX
10.27	STATION OPEN	11.45	EMTV NATIONAL NEWS REPLAY
10.30	SKY ROCK	00.12	MEDITATION
12.00	THE FOREST HERITAGE - SARAWAK	00.15	STATION CLOSE
12.30	GILLETTE		
1.00	WIDE WORLD OF SPORTS		

# WANTOK

NIUSPEPA BILONG OL PAPUA NIUGINI STRET

# PABLIK NOTIS

Sapos yu laik.advertais, telepon 25 2500 na askim long

PH Min Aion Ext 203  
John lagata Ext 215  
Kosinto Fosagu Ext 216  
Bonner Hui Ext 202



- \* PAPUA RIJON
- \* MOMASE RIJON
- \* HAILANS RIJON
- \* NIUGINI AILAN RIJON

## YU SAVE PAINIM HEVI LONG KISIM WARA O NO GAT?

Sapos yu save stap long wanpela hap we i hat tru long kisim wara, Watabod inap helpim yu long putim wanpela wara saplai sistem we kos bilong en i daunbilo tru. Na bihain long sampela liklik trening, yu yet inap lukautim na stretim yusim ol helpim long hap bilong yu yet.

Na sapos yu gat wanpela wara saplai sistem pinis tasol yu no klia gut long pasin bilong lukautim na stretim, ating mipela tu inap helpim yu gen.

Tasol wanpela bikpela hevi long dispela taim nau em no gat wanpela samting i fri. Na wankain tu long wara. Olsem na yu mas gat inap mani bilong baim ol wok o bilong stretim wanem samting i bagarap long wara saplai bilong yu. Na mipela inap givim sampela helpim tu long dispela hap.

Sapos yu stap klostu long wanpela Distrik Opis bilong Watabod, go nau long dispela opis na lukim ol distrik menesa bilong mipela. Adres bilong ol tu i stap daunbilo. Sapos no gat, salim pas i kam long dispela adres:

The Managing Director - The Waterboard,  
P.O. Box 2779,  
BOROKO, National Capital District.

o yu ken toktok wantaim mipela long telipon namba: 24 1600 o 241610.


### Adres bilong ol Distrik Opis:

P.O. Box 310 POPONDETTA Oro Province. Telipon namba: 29 7488 Fax: 24 7176	P.O. Box 8 DARU Western Province. Telipon namba: 65 9117 Fax: 65 9126	P.O. Box 382 ALOTAU Milne Bay Province. Telipon namba: 61 1124 Fax: 61 1169
---	---	---

## All the league news

when it happens!

every week  
in your  
Wantok  
&  
Times



HEPI BETDE i go long

JAYEL  
MALANGE

long Fraide,  
26 Jun, 1992.

Betde Gritings i kam long olgeta famili memba na ol pren long Wewak. olgeta Malenki na Malange, Lola long UPNG na spesel gritings bilong Papa Chadz long Kauboi Kantri.

Liklik Nikita na anti Kaye long Hohola i tok, *All The Best and Take It Easy!!*



## DO YOU REALLY MEAN BUSINESS?

Then don't keep it to yourself  
Tell Papua New Guinea through

## BUSINESS



DEPARTMENT OF EDUCATION

## TOK SORI

Seketeri wantaim ol wokman na meri bilong Nesenel Dipatmen bilong Edukesen i laik salim bikpela tok sori bilong mipela i go long famili bilong

MISTA AISEA TAVIAI

husat i bin dai long 19 Jun, 1992.

Mista Taviai i bin wok long Nesenel Dipatmen bilong Edukesen wantaim Teknikel Divisen olsem wanpela skul yisa, Inspekta bilong ol skul na olsem wanpela Sinia Opisa long Bikpela Opis bilong Edukesen long Konedobu. Na bihain em i bin lusim mipela na go wok wantaim ol arapela Gavman Dipatmen.

Em i bin wok gut tru wantaim ol Komyuniti na wanem ol tisa em i bin wok na stap wantaim. Wankain olsem ol famili na pren bilong em, mipela olgeta i sori long em.

Gutpela Bel Isi I Ken Stap Wantaim Em

J E TETAGA OBE  
Seketeri bilong Edukesen

# WANTOK

NIUSPEPA BILONG OL PAPUA NIUGINI STRET

# PABLIK NOTIS

Sapos yu laik advertais, telepon 25 2500 na askim long

PH Min Aion Ext 203  
John lagata Ext 215  
Kosinto Fosagu Ext 216  
Bonner Hui Ext 202


## TIMBER SUPPLIERS BAIMURU TRADING PTY LTD

Full range of  
**SOFTWOOD  
AND HARDWOOD**

now available at our new  
premises Kanage St. Six Mile

(Along the road to  
Air Niugini village)

Phone 25-5314 Fax 25-2894



## TOK SORE



Jansela bilong Yuntek, Sir Alkan Tololo na ol memba bilong kaunsil, Vais Jansela Mista Misty Baloiloi, na ol wokman na studen i salim bikpela tok sore i go long

**Misis Mary Katu,  
tupela pikinini meri, Ema na Evelyn  
na famili bilong**

Mista Pukman Katu

PNG, Morobe Provins na Yunivesiti bilong Teknoloji i lusim wanpela gutpela man olsem yu.

Mista Katu i bin wanpela ensinia greduet, Presiden bilong SRC long 1980 na Kaunsil

Memba na Siaman bilong Fainens na Jenerel Purposes Komiti bilong Yunivesiti long 1984 yet i kam inap em i dai.

Em i yusim moa taim long givim gutpela helpim long yunivesiti.

MAY HE REST IN PEACE

**Sir ALKAN Tololo KBE**

**Jansela**

**Mista BALoiloi**



# BENSON & HEDGES SOFTBALL

Wantok

## Senis autim 16 tim long Bomana op sisen resis

... na i gat tripela divisen olgeta

### FRANCIS ULIAU i raitim

BIKPELA senis i kamap gen long op sisen sofbal dro bilong Bomana wimens sofbal resis.

Dispela resis i save kamap long Bomana Plis Koles na i bilong ol meri na pikinini bilong ol plisman wantaim ol plismeri yet.

Senis i kamap long dispela wik i soim olsem i gat 16 tim olgeta bai pilai. Na ol bai resis long tripela divisen. Dispela em long A gret, B gret na junia divisen. Long A gret, i gat 8-pela tim

olgeta bai resis. Na B gret resis i gat 4-pela tim na junia divisen tu i gat 4-pela.

I gat sampela nupela tim tu i givim nem pinis bilong resis bihain long ol pilai bilong las wiken. Ol dispela nupela tim em Rebels na tupela tim bilong McGregor plis bareks.

Narapela senis tu i kamap i soim olsem i no gat nem bilong ol lain susa bilong CIS. Olsem na i no gat nem bilong CIS long dispela yia, tasol Rebels i stap bilong kisim ples bilong CIS.

Bihainim nupela dro nau, Bomana plis koles yet i gat 4-pela tim.

Tupela bai pilai long A gret resis, wanpela long B gret na wanpela long resis bilong ol junia divisen. Orait ol meri bilong Godens plis bareks yet i wokim tripela tim; wanpela bai pilai long A gret resis, narapela long B gret na las tim bilong ol bai traime bun bilong ol yangpela long junia gret resis.

McGregor plis bareks i wokim tupela tim na ol bai resis long A gret tasol. Ol i no gat tim long B gret o resis bilong ol junia meri. Lusim McGregor na kam bek long Mosbi, ol meri bilong nupela Gems Viles plis bareks tu i wokim tripela tim. Wanpela bai resis long A gret, narapela long B gret na ol i gat tu wanpela tim bilong ol yangpela long traime junia divisen resis long dispela yia.

Ol lain bilong Dok Yunit i wokim gen wanpela tim tasol bilong traime A gret resis long dispela yia. Na wankain tu long ol plismeri bilong Papua Niugini Royel Konstebleri. Planti plismeri



*Ketsim gut bal., Fes bes katsa bilong Malangan i sambai tasol long kisim bal long autim pilai bilong NGI. Dispela em eksen bilong junia sofbal i save kamap long Sarere long Bisini sofbal graun. Foto Ivan Bayagau*

### BOMANA WOMEN'S OFF SEASON SOFTBALL COMPETITION ROUND ONE: DRAWS

SUNDAY 28.6.92 WEEK THREE

TIME	GRADE	TEAM	VS	GROUND
1.00 pm	A	Bomana1	vs Gordon 1	-D 2
1.00 pm	A	McGregor 1	vs G/Village 1	-D 2
2.30 pm	B	Kaugere	vs Gordons 2	-D 2
2.30 pm	A	Dog Unit	vs P/Women	-D 1
4.00 pm	B	G/Village 2	vs Bomana 3	-D 2
4.00 pm	A	Bomana 2	vs McGregor 2	-D 1

### JUNIOR DIVISION

1.00 pm	Bomana	vs	G/Village D 3
3.00 pm	Gordon	vs	Rebels D 3



• Dispela yangpela plisa bilong Malangan i redi tasol long autim bal i go long wanpela beta bilong NGI. Dispela em pilai bilong ol junia i bin kamap long las wiken long Bisini sofbal graun.

husat bai pilai long dispela tim i save slip long Bagita plis bareks long Waigani.

Bikos ol i gat tripela divisen, olgeta gem bilong Bomana wimens op sisen sofbal resis bai kamap long tripela daimon. Na tu, namba bilong ol tim long olgeta divisen i wankain tasol. Olsem na bai i no gat wanpela tim i malolo long wanpela wiken. Olgeta tim i gat ol birua tim bilong ol long pilai wantaim.

Long dispela yia, bai i gat 14 gem olgeta bilong ol meri long A gret, 8-pela bilong ol meri long B gret na 8-pela tu bilong ol yangpela long junia divisen resis.

Dispela i min olsem long raun wan, ol lain long A gret bai pilaim 7-pela gem i go inap long Sande, 26 Julai, 1992. Tupela Sande pastaim long dispela, ol meri long B gret na junia divisen bai malolo pinis. Bikos las pilai bilong ol long raun wan i bin pinis Sande, 12 Julai, 1992. Na ol bai stap malolo wetim tasol ol lain A gret long pinisim ol las gem bilong ol.

Orait long Sande 2 Ogas, ol namba wan gem bilong ol tripela divisen wantaim long raun tu bai stat. Na wankain samting gen bai kamap long ol pilai bilong ol meri long B

gret na junia divisen. Ol namba tu raun gem bilong ol bai stap inap long 4-pela wik tasol na ol bai go malolo hariap long Sande, 16 Ogas, 1992. Na wetim gen ol meri long A gret long pinisim ol gem

bilong ol. Ol pilai bilong A gret resis bai stap inap long Sande, 13 Septemba taim ol las gem bai kamap. Long dispela taim nau bai ol inap tokaut long wanem namba wan 4-pela tim

long A gret inap go insait long ol fainal.

Long resis bilong B gret na ol junia, Wantok Niuspepa i no inap kisim klia tok long dispela. Bikos ol opisal i no stap bilong toktok wantaim mipela.



**PORT MORESBY SOCCER ASSOCIATION  
POINTS LADDER  
WEEK 9**

Teams	P	W	D	L	F	A	Pts
Uni	9	6	2	1	25	7	20
Guria	9	6	2	1	17	8	20
K. Andra	9	6	1	2	11	8	19
Rapatona	9	4	2	3	17	15	14
Koupa	9	4	2	3	15	20	14
G.F.C.	9	3	3	3	20	14	12
Westpac	9	3	3	3	13	14	12
B. Kumuls	9	3	2	4	12	18	11
Amalpak	9	2	3	4	12	16	9
Golo	9	2	2	5	9	18	8
B.F.C.	9	1	2	6	13	18	5
Sobou	9	1	2	6	8	20	5
<b>First Division</b>							
P.T.C.	9	5	3	1	19	6	18
Moukasi	9	5	3	1	19	13	18
Bao-Mitas	9	5	2	2	17	8	17
Verave	9	5	1	3	14	13	16
Maset	9	5	-1	3	22	16	16
S.T.C.	9	3	4	2	11	13	13
Amazon B	9	3	3	3	14	13	12
Sunam	9	4	-	5	15	23	12
Tarangau	9	3	3	3	14	14	12
Defence	9	3	2	4	13	13	11
Wanzesi	9	2	4	3	11	15	10
Boroko Utd	9	2	2	5	11	17	8
Kula	9	2	2	5	12	15	8
P.S.Roots	9	1	-	8	7	26	3
<b>Second Division</b>							
K. Kramer	9	6	3	-	29	7	21
Waliya	9	7	2	2	26	12	21
Mt. Obree	9	6	2	1	25	9	20
Hoods	9	6	1	1	12	7	19
Fisika	9	5	3	1	18	9	18
Gala Utd	9	5	2	2	15	12	17
PM.G.H.	9	4	4	1	17	15	16
Losegu	9	4	2	3	12	12	14
T. Yellow. P	9	3	4	2	14	10	13
Maniata	9	3	3	3	13	13	12
Tubi	9	3	2	4	13	15	11
B. Mitas	9	2	1	6	10	16	7
Buresong	8	1	3	5	12	16	7
Elcom	9	1	5	3	8	20	7
Coudy Bay	9	-	5	4	14	25	5
Keroro	9	1	1	7	9	35	4
Amazon B	9	-	2	7	11	29	2
Walamads	9	-	2	7	5	30	2
<b>Premier Division</b>							
G.F.C.	9	6	1	2	24	6	19
Amalpak	9	6	1	2	19	12	19
Golo	9	6	1	2	13	7	19
B.F.C.	9	5	2	2	16	13	17
Guria	9	4	4	1	15	11	16
K. Andra	9	4	2	3	13	8	14
Rapatona	9	4	1	4	8	14	13
Uni	9	4	-	5	10	13	12
B. Kumuls	9	3	-	6	10	15	9
Westpac	9	2	2	5	11	19	8
Sobou	9	2	2	5	10	13	8
Koupa	9	1	2	6	6	18	5
<b>Womens Division</b>							
Team	P	W	D	L	F	A	Pts
Wanzesi	8	8	-	-	31	1	24
Sunam	9	7	1	1	18	5	22
P.T.C.	8	7	-	1	34	5	21
G.F.C.	9	6	1	2	31	7	19
Guria	9	5	1	3	22	8	19
Waliya	9	6	1	2	21	6	19
Uni	8	5	2	1	21	7	17
Amalpak	9	5	2	2	23	8	17
Sobou	9	5	-	4	25	11	15
K. Andra	8	4	1	3	5	8	13
Sogeru NHS	8	3	-	5	12	17	9
B.F.C.	8	2	1	5	4	16	7
Kula	8	2	1	5	5	26	7
PM.G.H.	8	2	1	5	7	20	7
B. Kumuls	8	2	-	6	4	16	6
Tarangau	7	1	1	7	2	24	3
Golo	9	1	1	7	2	24	3
Yellow TP	9	-	1	8	3	29	1
Koupa	9	-	-	9	1	41	0

**MT. HAGEN SOCCER ASSOCIATION  
POINTS LADDER  
After 21-06-92**

POST.	Club	P	W	D	L	Pts	F	A
1	Westpac	5	3	1	1	7	8	6
2	H/United	5	3	-	2	6	11	5
3	Sunam	5	3	-	2	6	8	3
4	Kalibobo	5	2	1	2	5	8	8
5	Wantoks	5	2	1	2	5	7	7
6	BFC	5	-	1	4	1	3	14
<b>Womens Division</b>								
1	H/United	4	3	1	-	7	19	1
2	Sunam	4	2	1	1	5	6	5
3	Tarangau	4	2	-	2	4	7	7
4	Wantoks	4	1	1	2	2	3	7
5	Kalibobo	4	-	1	3	1	1	16
<b>Reserve Division</b>								
1	Sunam	6	3	2	1	8	15	11
2	Kalibobo	6	3	2	1	7	13	12
3	BFC	5	3	-	2	6	6	10
4	Tarangau	5	2	1	2	5	18	11
5	H/United	5	2	1	2	5	12	10
6	Westpac	5	2	1	2	5	9	9
7	Wantoks	4	-	1	3	1	3	13
<b>League Division</b>								
1	Kalibobo	6	4	1	1	9	19	14
2	Westpac	5	4	-	1	8	15	7
3	Tarangau	5	3	-	2	6	10	8
4	H/United	5	2	1	2	5	8	6
5	BFC	4	2	-	2	4	10	9
6	Sunam	5	1	-	4	2	6	10
7	Wantoks	4	-	-	4	0	2	16

**MADANG NETBALL ASSOCIATION:  
LAST WEEKENDS RESULTS 20.06.92**

"A" GRADE			
TIME	FIXTURES		
1.30pm	MTC vs Tusbab		
	MTC won on forfeit		
2.30pm	Bears vs Diwai		
	21 vs 12		
3.30pm	Lagoon vs Kalibobo		
	16 vs 12		
"A" RESERVE			
1.30pm	KPI vs Westpac		
	9 vs 13		
2.30pm	Bears vs MTC		
	Bears won on forfeit		
3.30pm	Diwai vs Bears		
	18 vs 15		

**This weekends draws Saturday, June 27, 1992**

"A" Grade			
TIME	FIXTURES		
1.30pm	Tusbab vs Lagoon		
2.30pm	Bears vs Kalibobo		
3.30pm	Diwai vs MTC		
"A" Reserve			
1.30pm	MTC vs Diwai		
2.30pm	Westpac vs Kalibobo		
3.30pm	Bears vs Tusbab		
Bye: KPI			

**NATIONAL CAPITAL DISTRICT  
VOLLEYBALL ASSOCIATION  
15th Weekend**

VENUE: Sir Donald Swimming Pool

Saturday 27th June, 1992

**Court 1 Mens Matches**

Match no.	Time	Division/Grade	Fixtures
146	9.30	Mens/A Res	Raukele vs Police
147	11.30	Mens/A Res	Vesity vs NCDC
148	1.30	Mens/A	Raukele vs Police
149	3.30	Mens/A	Vesity vs NCDC

**Court 2 Womens Matches**

Match no.	Time	Division/Grade	Fixtures
150	9.20	Womens A/R	UNI vs Police
151	11.30	Womens A/R	PTC vs Raukele
152	1.30	Womens A/R	Elcom vs NCDC
153	3.30	Womens A	PTC vs Raukele

Sunday 28th June, 1992

**Court 1 Mens Matches**

Match no.	Time	Division/Grade	Fixtures
154	1.30	Mens A/R	Elcom vs Hoods
155	3.30	Mens A/R	Elcom vs Hoods

**Court 2 Womens Matches**

Match no.	Time	Division/Grade	Fixtures
156	3.30	Womens A	Elcom vs NCDC

TEAMS ON BYE: PTC Mens A, A/R  
UNI Womens A  
(2 matches points awarded)

**SYDNEY RUGBY LEAGUE  
FIRST GRADE  
POINTS TABLE**

CLUB	P	W	D	L	F	A	PTS
Brisbane	12	9	-	3	222	186	18
Easts	12	8	-	4	204	131	16
Illawarra	12	7	1	4	172	146	15
St. George	12	7	-	5	232	178	14
Norths	12	7	-	5	192	179	14
Wests	12	7	-	5	190	187	14
Penrith	12	7	-	5	170	176	14
Newcastle	12	6	1	5	213	140	13
Balmain	12	6	-	6	184	207	12
Manly	12	5	1	6	214	199	11
Canterbury	12	5	1	6	190	223	11
Canberra	12	5	-	7	226	245	10
Souths	12	4	-	8	152	262	8
Parramatta	12	4	-	8	152	262	8
Gold Coast	12	3	-	9	144	225	6
Cronulla	12	3	-	9	126	237	6

**PORT MORESBY JUNIOR SOFTBALL DRAW  
DATE: 27TH JUNE, 1992 (SATURDAY)**

DIAMOND TWO (2)		DIVISION	TIME	UMPIRE
GAME	vs Malangan	U/15 (Girls)	08.30	Elcom
Fiji	vs Elcom	U/18 (Girls)	10.00	Malangan
UPNG	vs Gordon High	U/15 (Girls)	11.30	UPNG
Laloki High	vs UPNG	U/18 (Girls)	13.00	Gordons High
Marianville	vs Marianville	U/15 (Girls)	02.30	Fiji
Gerehu High				
St. Peters 1 Girls U/15 Bye.				
DIAMOND THREE (3):		DIVISION	TIME	UMPIRE
GAME	vs NGI	U/15 (Boys)	08.30	C. Terra
Madaha R/Socks	vs Don Bosco	U/18 (Boys)	10.00	Madaha R/Socks
Laloki High	vs Gerehu High	U/15 (Boys)	11.30	Don Bosco
De La Salle	vs Don Bosco (2)	U/18 (Boys)	13.00	De La Salle
Gerehu High	vs Gordons	U/18 (Boys)	02.30	Gerehu High
De La Salle	vs Malangan	U/15 (Boys)	16.00	Gordon High
Fiji				

**PORT MORESBY SOCCER ASSOCIATION  
WEEK 10- DRAW**

Saturday 27th, June 1992

Bisini 1

Time	Division	Fixtures	Referee	Linesman
9.00	Reserve	Rapatona vs Uni	V. Jombura	Club
10.30	U19	B/Kumuls vs GFC	T. Tambul	Club
11.40	Women	Tarangau vs PMGH	S. Barai	Club
1.00	Second	Losegu vs Hoods	Sapek	Club
2.30	First	Verave vs Defence	E. Ijari	Tambul
3.50	Premier	Guria vs Amalpak	Balides	A. Manoi

Bisini 2

Time	Division	Fixtures	Referee	Linesman
9.00	U/19	Kouap vs Uni	Panga	Club
10.30	Second	Walamads vs Mt. Obree	D. Darius	Club
11.40	Women	Waliya vs Sobou	Kepe	Club
1.00	First	PTC vs Maset	V. Don	S. Barai
2.30	First	Tarangau vs Kula	Silikara	Kalai
2.50	Premier	Sobou vs GFC	J. Kiwik	Asugum

Sunday 28th

Bisini 1

Time	Division	Fixtures	Referee	Linesman
9.00	Reserve	Koupa vs B. Kumuls	Gawot	Club
10.30	First	Boroko Utd vs Amazon B	W. Vui	Panga
12.00	First	P.S.Roots vs Wanzesi	Kaetovuhu	Kepe
1.45	Premier	Uni vs Rapatona	J. Kiwik	Tambul
3.30	Premier	Koupa vs B. Kumuls	B. Manoi	Panga

Bisini 2

Time	Division	Fixtures	Referee	Linesman
9.00	Second	Bao-Mitas vs K. Kramer	B. Bakuwai	Club
10.30	First	Sunam vs STC	Umbi	V. Jombura
12.00	First	B. Mitas vs Moukasi	O. Kemi	V. Don
1.45	Premier	Westpac vs Golo	Kalai	J. Silikara
3.30	Premier	K. Andra vs BFC	Asugum	V. Don



• Fulbek bilong Golo i helpim goli long stapim bal long go insait long umben. Golo i no strong na Waliya i winim ol long tripela gol.



# Watabag wilwilim Mimlon long stat bilong namba tu raun

## MADANG RIPOT

### YAKAM KELO i raitim

WATABAG i bin statim gut tru ol namba tu raun kik bilong Madang long Sande. Na wilwilim Mimlon, 4-3.

Skoa bilong dispela gem i soim gutpela na strongpela salens ol tim i gat bihain long namba wan raun long sisen.

Taim tupela tim i go insait long fil, Watabag i no wet. Em i mekim save stret long Mimlon na sutim tupela gol long umben bilong ol. Dispela tupela gol bilong Watabag i bin kam yet long lek bilong Mileng Nalon na David long midfil.

Tasol tupela kas ya i no inap skoa nating. Gutpela sapot na wok

bung wantaim bilong Chris Kully na John long baksait i helpim dispela tupela midfil pilaia long pairapim umben.

Bihain long namba tu raun, Mimlon i hatim olgeta ensin bilong ol na kam insait gen long fil. Stail bilong ol tu long dispela taim i senis. Nupela strong na pawa bilong Mimlon i suvim midfil pilaia, Amos Romo long kalap i go antap long fowat na brukim kiau bilong ol. Orait skoa long dispela taim i bin stap Mimlon 1 na Watang 2.

I no longtaim, Romo i kisim gen wanpela penalti kik na umben bilong Watabag i mek-

nais long bringim skoa i go antap long 2-2.

Ol straiika bilong Watabag i lukim olsem na stat pilai strong. Orait i no longtaim, Corey Labong na Tony Kirk i bung wantaim Tony i meknais long umben bilong Mimlon. I no longtaim, em i sutim gen narapela na Watabag i go pas, 4-2.

Mimlon i no amamas tumas long skoa i go antap gen olsem na ol skruim pilai bilong ol i kam long midfil. Ol midfil pilaia bai kamap olsem ol straiika gen.

Dispela kain senis long stail i paulim liklik ol beklain pilaia bilong Watabag na James Makeli i go sutim las gol bilong Mimlon. Skoa i bin stap olsem Mimlon 3 na Watabag 4 i go inap long fultaim.

Long bikpela gem bilong Sarere, Waskia i bungim Madang Blus na soim ol boi long blu-

yunifom olsem em i redi gut pinis long namba tu raun. Gutpela wok bung wantaim bilong Andy Yeni, Jack Manao na Silas long beklain i helpim Michael Steven, Nosi

Kumsin na Derek long sutim tripela gol.

Lawrence Koyo i givim gutpela sapot long midfil na Ken Laia wantaim Jacob Steven long fowat i wok long

brukim banis bilong Madang Blus.

Madang Blus i bin go insait long fil wantaim Patrick na Garry Sama long beklain, Sam Sala long midfil na

Trimo Topio, Ondo Baut na Bonny Pongo long fowat. Ol dispela lain i wok hat tru na Bonny wantaim Ondo i bekim tupela gol. Ol i lus long wanpela olsem na Waskia i win 3-2.



• Soim sil long amamasim win. . . . Dispela ol yangpela skul mangi bilong Ela Bis i soim sil bihain long ol i winim St Josephs long gren fainal. Ela Bis i bin win long wanpela gol. Foto Ivan Bayagau



• Anna Rarupe bilong Golo long rait han i laik rausim bal long lek bilong Joan Wiyawa. Tim bilong Joan, Waliya i bin nekim Golo 3-0. Foto Ivan Bayagau

## Ol sumatin bosim yet namba wan ples long Mosbi

PRIMIA tim bilong Yunivesiti husat i kik long Mosbi i gat nem.

Bikos ol i no lusim namba wan ples long lata. Ol sumatin i holim pas dispela namba wan ples yet bihain long 9-pela wik bilong kik.

Lus bilong ol sumatin long las wiken i mekim ol arapela tim na sapota i amamas. Planti bilong ol i ting olsem Yunivesiti bai lusim namba wan ples.

Tasol husat i tok ol bai pundaun i go aninit. Ol sumatin i gat rait long wokim haus sapos ol i laik bikos long 9-pela gem ol i pilai, ol i winim 6-pela, dro long tupela na lus wanpela.

Narapela tim husat i gat wankain poin em Guria. Long 9-pela gem ol i winim 6-pela,

dro long tupela na lus long wanpela.

Dispela tupela tim i gat wankain stail bilong pilai. Na i wok long kamapim sampela bagarap long ol arapela tim husat i kik wantaim ol.

Bihain long ol kik bilong wik 9, Yunivesiti na Guria i go pas nau long poin lata wantaim 20 poin na Kurti Andra i bihainim long 19 poin.

Rapatona na Koupa i wok long go antap isi isi long lata na ol i gat

14 poin nau. Tasol wanpela tim husat i wok long mekim bikpela wok long senisim poin lata em Blu Kumuls. Long las wik Sande, ol i nekim Golo wansait taim ol sutim tripela gol. Na Golo i no bin bekim.

## Nauru givim wan sans tasol long Royals

### KAVIENG RIPOT

#### WINIS MAP i raitim

KEVIENG Soka Asosiesen i pinisim ol kik bilong raun tu pinis na redi tasol long ol kik bilong raun tri.

Olsem na long las wik Sande, tupela klap tasol i bin pilaim gem bilong raun tu em ol i no bin pilai long sampela taim i go pinis.

Dispela tupela klap em Royals na Nauru. Foapela tim bilong ol dispela klap long

wimens, anda 19, primia risev na primia divisen i bin mekim save stret long Sande.

Long primia divisen, tupela tim wantaim i kamapim gen gutpela kik. Pilai i strong tru long namba wan hap na no gat wanpela i bin sutim gol.

Na long namba tu hap, tupela tim ya i trai hat gen long sutim gol. Royals i bin gat planti

sans long pairapim umben bilong Nauru. Tasol golkipa bilong Nauru, Peter John i no larim ol.

Santing olsem tupela minit tasol i stap pastaim long fultaim na Seth Isaac i trikim ol beklain pilaia bilong Royals na pairapim umben bilong ol.

Referi husat i bin lukautim dispela gem em Danny Elijah. Fultaim skoa em Nauru 1 na Royals 0.

Long pilai bilong ol meri, Nauru i bin winim dispela kik long tupela gol na Royals i sutim

wanpela.

Nauru i winim gen Royals long kik bilong anda 19 wantaim tupela gol na Royals i bekim tasol wanpela. Roland Darius i kamapim ol gutpela kik na helpim tim bilong em long rausim tiket bilong Royals.

Tasol long kik bilong primia risev, stori i narakain liklik. Bikos ol mangi Emira i no larim Nauru long winim olgeta gem. Na ol i skulim Nauru na wilwilim ol wantaim tupela gol na Nauru i bekim tasol wanpela.



# Namba wan junia soka tonamen kamap long Nu Ailan

## WINIS MAP i raitim

DISPELA yia bai i namba wan taim tru bilong Kavieng long holim wanpela soka tonamen long Nu Ailan provins.

Dispela em bikpela kik resis bilong ol lain

long anda 19 divisen insait long Kavieng Soka Asosiesen. Na em bai kamap long Fonde 25 Jun, 1992 long biktaun bilong provins long Kavieng.

Ripot i soim olsem bai i gat 6-pela tim i stap insait long dispela resis. Dispela ol tim em Kavieng 1, Kavieng 2,

Utu haiskul, Maggi haiskul, Madana haiskul na Kaut Yut.

Dispela kik resis i kamap bihainim as tingting bilong Papua Niugini Football Asosiesen (PNGFA) long makim sampela pilaia long stap insait long nesenel junia trenning tim bilong redi long

go kik long Tahiti.

Tupela junia nesenel selekta i raun yet long ol Niugini Ailan provins bilong makim sampela pilaia bilong stap long trenning skwat. Dispela tupela man em Edris Kumbuwah na Joe Turia.

Ol lain husat em tupela i makim bai

bung wantaim olgeta arapela junia pilaia long kantri na stap insait long namba tu trenning kem long Mosbi.

Long dispela as, Kavieng Soka Asosiesen i askim nau olgeta 6-pela tim husat bai resis long baim K50 olsem ol registresen fi bilong ol. Na tim husat i no baim dispela mani bai i no inap kik long resis.

kain pilai sapos i gat ol gutpela man i lukautim opis.

Long soim amamas bilong en tu, Nu Ailan provinsal gavman i tok long baim wanpela sil na givim long husat tim i winim dispela resis.

Thomas i givim bikpela tok amamas tu i go long provinsal gavman long givim dispela sil. Na em i laikim olsem provinsal gavman i mas givim moa sapot long wok bilong spot insait long provins.

## Etletik resis stapim gen ol kik long Sarere

### GOROKA RIPOT

GOROKA Soka Asosiesen i no inap holim ol kik long Sarere long wanem bai i gat ol etletik resis. Bai i gat sampela gem tasol long Sande.

Olgeta gem bilong Sarere bai kamap long ol namba wan kik bilong raun tu.

Presiden, Mathew Waram i laikim ol wan wan klap long luksave long senis em i mekim long dro. Poin lata bilong raun wan bai redi bihain long ol kik bilong dispela wiken.

Bikpela kik bilong las wiken i bin stap namel long tupela primia tim, PTC na Yuni-Tech.

Dispela tupela tim i gat ol gutpela straika. Tasol

beklain bilong ol sumatin i no strong olsem na PTC i nekim ol wantaim 6-pela gol na ol i bekim 4-pela tasol.

Long arapela pilai, Guria i mekim save long Muratna stapim olgeta rot bilong ol long sutim gol. Guria i sutim tripela na Murat i bekim tasol tupela. Ol pilaia bilong Guria i bin wok hat tru long stapim ol fowat bilong Murat long brukim banis bilong ol.

Bihain long namba tri gol bilong Guria, ol pilaia i strong long banisim golmak. Murat i painim hat long brukim strongpela banis bilong Guria inap long fultaim.

Narapela bikpela kik long Sande i bin stap namel long Waskia na Kalibobo. Waskia yet i bin winim dispela gem long wanpela gol.

Waskia em i wanpela nupela tim husat i wok long kamapim gutpela kik long Goroka. Na ol arapela tim i mas tingting gut taim ol i bungim Waskia.

Vais presiden bilong soka long Kavieng, Warren Thomas i amamas tru long kain kik resis olsem i kamap long hap bilong em. Na em i tok, dispela i soim olsem Kavieng inap ranim gut ol kain

MT. HAGEN SOCCER ASSOCIATION WEEKEND DRAW					
All Games at Newtown					
Saturday 27-6-92					
Time	Grade		Fixtures		
11.00	Res	BFC	vs	Tarangau	
12.30	Res	Wantoks	vs	Westpac	
2.00	Senior	Wantoks	vs	Sunam	
3.30	Senior	Westpac	vs	BFC	
Sunday 28-6-92					
11.00	Res	(Reserved for Wash outs)			
12.30	Res	Wantoks	vs	H/United	
2.00	Senior	BFC	vs	Tarangau	
3.30	Senior	Wantoks	vs	H/United	

## Lait bilong Kalibobo pasim ai bilong Sunam

### HAGEN RIPOT

BIKPELA kik bilong Hagen Soka Asosiesen long las wiken i bin stap namel long Sunam na Kalibobo.

Sunam i bin kamapim gutpela kik tru long traun daunim Kalibobo.

Ol i yusim kain stail pilai bilong ol long wanpela wik i go pinis na wilwilim Hagen United.

Tasol long las wiken stori i go narakain liklik. Ol kas nogut bilong Kalibobo i bin stapim

win bilong ol.

Kalibobo husat i go pas long poin lata bilong HSA i bin nekim ol boi Manus 3-2.

Sunam i bin pait hat tru long stapim ol kik na rot bilong ol mangi Kalibobo. Tasol ol mangi Madang i no wari long dispela na suvim het yet inap ol i sutim namba wan gol. Dispela i no bin stapim sans bilong Kalibobo


long skoa gen na ol i sutim namba tu gol.

Ol mangi Manus i putim het wantaim na sutim namba wan gol bilong ol. Na tupela wantaim i bin go malo-lo long hap taim.

Bihain long namba tu hap, Sunam i meknais gen long umben bilong Kalibobo. Na tupela tim i gat tupela gol.

Tupela tim wantaim i taitim olgeta banis na stapim kik bilong birua tim. Tasol Kalibobo i lukim beklain bilong Sunam i slek na stat brukim banis. Hat wok bilong ol i karim kaikai na Kalibobo i sutim namba tri gol.

Fultaim skoa, Kalibobo 3 na Sunam 2.



• Aisa Kawake wantaim lek banis na Joan Wiyawa i pretim dispela pilai bilong Golo. Dispela kain stail kik bilong Waliya i mekim na ol wilwil Golo long tripela gol na Golo i no bin inap long bekim.

## Chebu kolim pawa bilong Sunset long Rabaul

### BASKETBAL RIPOT

CHEBU, wanpela tim bilong ol yangpela bilong Not Solomons provins i soim gen stail bilong em long Rabaul Basketbal resis las Sarere.

Ol yangpela bagaros bilong Not Solomonsi autim Sunset 35-32.

Chebu i win bikos ol i sanapim strongpela banis long kihol bilong ol, na i no larim wanpela liklik hul long ol Sunset pilaia long ron i go insait na skoa.

Na tu ol Chebu pilaia i tromoi na ketsim gut bal insait long kot. Sam Kaki na F. 'K Ave' Kairi i go pas long skoarim moa basket bilong tim. Tupela i mas kisim bikpela tok tenkyu tu long banisim gut ol Sunset pilaia long skoa.

Chebu i stat long paia taim Kairi i go insait long kot na bungim gut stail wantaim Robin Lakas. Tupela i stretim stail bilong Chebu long bungim birua, na klaim rot bilong ol wanpilaia na tupela yet long ron go insait na kihol bilong Sunset na skoa olsem wara i ron long tep wara.

Stail bilong Kairi i holim pasim stret ai bilong planti manmeri na pikinini husat i bin kamap long lukim dispela gem.

Kairi, Lakas, Norman Kevon na tupela Kaki brata, James na Sam bilong Chebu i pilai gut tru.

Na John Kemo na Norman Kone i trai hat long Sunset.

Dispela em long sanapim strongpela banis na go skoa wantaim.

Ampaya Kolobe i tok dispela i bin wanpela gutpela na strongpela gem namel long tupela nem tim ya. Dispela tupela tim i gat nem long pretim ol arapela top tim insait long resis.

Long bikpela A gret gem bilong ol meri long 4 klok apinun (4.00pm), Chebu i nekim ol meri Admiralty, 36-29.

Ol meri Chebu olsem Eileen Denis, Jenny Kevon na Lionie Michael i givim bikpela het pen stret long ol kas meri bilong Admiralty. Ating las Sarere i no gutpela de bilong ol meri Admiralty.

Benis na Kevon i bungim gut stail bilong tupela long kot. Na daunim sampela mekim save em ol meri Admiralty i givim long ol wanpilaia bilong tupela.

Ol meri Admiralty i mas putim asua long ol yet long lusim dispela gem. Bikos ol opisal i no putim strongpela tim long bungim na daunim salens bilong ol kas nogut bilong Chebu.

Vero Rapi na Grace D. wantaim kepten Kolish Ovia i trai hat long helpim Admiralty i win. Tasol ol i no kisim gutpela sapot long ol wanpilaia bilong ol.

Ovia i save bungim gut stail wantaim Vero Bapi. Tasol Bapi i no bin pilai long dispela gem.





• Kalibobo i mekim ol kain kain stall. Tasol ol manki Waskia i haitim stall bilong ol na suvim bal aninit long leg bilong ol pilaia bilong Kalibobo na putim wanpela gol.

• Dispela em i stail bilong Goroka Soka namel long Waskia na Kalibobo long Sande Jun 21, 1992. Long dispela gem ol boi bilong Waskia i strong na bagarapim sindaun bilong Kalibobo 1-0.

## Kurti Andra sotim win bilong ol sumatin long Mosbi

### WINIS MAP i raitim

PRIMIA tim bilong Yunivesiti husat i kik long Mosbi Soka Asosiesen i wokim nem inap long 8-pela wiken bikos no gat tim i bin winim ol.

Tasol long las wiken, Kurti Andra i mekim save long ol sumatin wantaim tupela gol na Yuni i bekim tasol wan-

pela.

Planti manmeri moa i bin go lukluk long dispela gem.

Stat long namba wan wisil, tupela tim wantaim i kirapim ol ensin bilong ol. Tasol ol mangi Kurti Andra i putim moa pawa na John Kowei i sutim namba wan gol bilong ol.

Bihain long dispela gol, kepten na kosa bilong Yunivesiti, Joe Turia i mekim senis na

em yet i go insait long fil. Taim Turia i krungutim fil, ol sumatin i statim paigen long traim bekim gol bilong ol.

Dispela hatwok i no lus nating taim golkipa bilong Kurti Andra, Benard Kawa i mekim liklik paul pilai. Referi Jeogen Baldes i givim penalti kik long Yuni na ol sumatin i sutim wanpela.

Bihain long dispela, difens bilong tupela tim

wantaim i tait stret na ol fowat i painim hat long sutim gol. Na Kurti Andra i bin gat 10-pela pilaia tasol bikos referi i salim Kowei i go ausait wantaim retpela kat.

Kurti Andra i lukim olsem ol i sot long wanpela pilaia na i bin wokhat tru long namba tu hap. Moyap Francis na Kawaten "Teksi" Pombuai i bin yusim spit bilong tupela long bagarpim ol sans bilong Yuni.

Long namba tu hap, Yuni i no pilai kaskas moa long Kurti Andra. Turia na fowat pilaia Steven Mune i wok long suvim het long sutim gol. Yangpela Desmond Waku i bin kamapim gutpela kik tu long brukim banis bilong Kurti Andra.

Malakai Kupeson i lukautim midfil bilong Yuni na tupela smok balus ya, Batman Furegi na Roy Karang i wok hat long winga posisen. Na Russell Nari i bin lukautim beklain.


Tasol dispela i no bin banisim John Lelai long sutim namba tu

gol bilong Kurti Andra. Dispela gol i bin kamap bihain long Moyap Francis i trikim beklain bilong Yuni na setim Lelai long pairapim umben bilong ol sumatin.

Yuni i bin i gat sans long bekim gol tasol fulbek bilong Kurti Andra, Thomas Silih i katim olgeta rot bilong ol. Kawa i bin stapim tu planti kik bilong Mune na Turia long golmak.

Kosa bilong Kurti Andra, Stalin Jawa i amamas tru long ol boi bilong em. Em i tok ol kik i bin pilai olsem wanpela tim na bihain-

im plen bilong em long taim bilong pilai inap long las wisil.



└─ Moyap Francis

## Meri Tufi laikim ai bilong ol selekta

### STORI BILONG PILAIA

#### WINIS MAP i raitim

**Nem:** Margaret Simoi  
**Krismas:** 19 yia  
**Ples:** Tufi  
**Provins:** Oro  
**Klap:** Morobe United  
**Posisen:** Fulbek

MARGARET Simoi em i wanpela yangpela meri Tufi husat i stap nau long Mosbi.

Margaret i bin stat pilai soka long 1988. Long 1988 i kam inap nau, Margaret i wok long mekim save yet long kik. Margaret i kik wantaim tripela tim olgeta, stat long namba wan taim yet long 1988.

Long 1988, Margaret i bin kik wantaim Blu Kumuls long Mosbi. Na long 1989, em i lusim Blu Kumuls na go kik wantaim Westpac.

Tingting bilong em i no bin stret taim em i stap wantaim Westpac. Olsem na em i lusim Westpac long 1990 na go kik wantaim olupela klap bilong em long Blu Kumuls.

Margaret i bin kik wantaim Blu Kumuls long 1990 na 1991 sisen. Na long dispela yia, em i joinim ol kande bilong Morobe United.

Long 4-pela yia bilong em long kik, Margaret i bin kisim wanpela awod tasol. Margaret i bin kisim awod bilong gutpela pilaia long 1990. Klap bilong em long Blu Kumuls i bin givim em dispela awod.

Nau yet Margaret i tingting long kik strong na tren hat. Em i tok long kamapim ol kik bilong em olsem bai ol selekta inap luksave long em tu.



└─ Margaret Simoi



# BENSON & HEDGES SOKA

Wantok

# Ol kande trainim Guria

## WINIS MAP i raitim

BISINI soka graun bai nois liklik taim Guria i bungim Morobe United long bikpela kik bilong ol primia divisen long dispela wik Sarere.

Dispela kik bai kamap long 4 klok apinun long Bisini 1. Long dispela kik, Guria bai i train bun bilong ol kande bilong Morobe.

Guria i gat nem pinis long winim ol arapela tim na em bai i no inap givim sans long Morobe United.

Morobe United husat i stap long namba 6 ples long poin lata bai train yusim wanem save ol i gat long daunim Guria. Guria, bihain long 9-pela wik bilong kik, i stap long namba wan ples wantaim Yunivesiti.

Bikpela tingting bilong Morobe United long winim dispela gem bai i stap long han bilong Bosi long midfil na Peter Mark long franlain.

Long beklain, Didi Saripa bai kik strong long rausim ol bal pastaim long ol fowat bilong Guria i kam. Golkipa Robert Sabadi i mas opim ai bikos ol mangi Guria i gat stail lek, we inap giamanim em long maus bilong umben.


Golkipa bilong Guria, Ronald Simon i gat stail bilong em yet long holim bal olsem na tupela strai-ka bilong Morobe United, Peter Mark na John Edwards, i mas tingting gut long sutim gol. Simon i save pilai wantaim tingting na em i save lukautim gut umben.

Tupela strai-ka bilong Guria husat i gat namba long brukim ol umben em Geno Vevao na Paul Albert. Olsem na golkipa bilong Morobe United, Robert Sabadi i mas lukaut gut.

Narapela tupela man husat i save kamapim gut-pela kik bilong Guria em tupela midfilda, Simon Emmanuel na Erick Petrus.

Long stapim dispela tupela man, Parape na Bosi i mas banisim rot pastaim long tupela i brukim banis i go long mak bilong Morobe United.

Tasol sapos Morobe United i wok bung wantaim, ol inap stapim Guria olsem Kurti Andra i bin mekim long Yunivesiti long las wiken.



*Wan moa taim Regina...Regina Kone bilong Guria i kalap long hetim bal egensim ol yangpela bilong Sogerl nesene! haiskul. Guria i bin strong tru na mekim save long ol skul meri, 4-3. Foto: Ivan Bayagau.*

**BENSON & HEDGES SOCCER**

**INSAIT**

- Watabag wilwilim Mimlon...p25
- Ol wiken spot dro...p24
- Namba wan junia kik long Kavieng...p26
- Bomana sofbal dro i senis...p23

## Ol Lae kik stap tupela wik bihain

Ol kik bilong Lae i wok long kamap gut nau. I tru olsem ol samting i no bin ran stret, dispela i no kamap olsem wanpela bikpela hevi tumas. Hevi bilong fil tasol i pasim liklik ol kik bilong ol lain long risev gret na anda 19 divisen. Tasol long primia, wimen na seken divisen, dispela ol samting i wok long go het gut. Ol i stap tupela wik tasol bihain long taim em Lae Futbol Asosiesen i bin makim long en.

Long nau yet, LFA i save yusim soka fil long Sir Ignatius Kilage Stadium. Tasol ol narapela lain tu i save yusim dispela fil long wanem em i stap long

pablik ples. Fil long Omili em narapela samting. Long wanem Morobe Ragbi Lig tu i save yusim.

Bikpela wok bilong soka nau long Lae i stap long han bilong ol voluntia. Dispela em ol man husat i givim taim bilong ol yet long mekim wok. Sampela bilong ol dispela man em siaman bilong Gems Kaunsil Justin Helele, namba tu siaman Ben Norie na seketeri Ezron Dekae-tavara.

Long ol narapela samting, Lae i makim pinis wanpela trening

skwat bilong ol meri long redi long nesene! sempionsip kik resis. Dispela kik resis bai kamap long Rabaul long 14, 15 na 16 Ogas.

Bihain long trening, ol selekta bai makim tasol 20 meri bilong go pilai long hap.

Ol lain husat i stap insait long skwat nau em Monica Nelson bilong Sobou na Catherine bilong Faze long golkipa; Wipps Nigui na Kay Ella bilong Waliya. Auba Hasavi bilong Borabora, Stella Kama bilong Bara, Elsie Nali bilong Guria long fulbek; ol

pilaia long midfil em Janet Posing bilong Guria, Susie Steve bilong Blu Kumuls, Linas Saun bilong Goro, Sophia Tiga bilong Bara na Freda Doi bilong Sobou. Long fowat em Gina Kens bilong Guria, Helen na Susie bilong Faze, Lynn Nema, Boura Kori na Rose Wangin bilong Waliya, Waitin Yagun na Lucy Robin bilong Bara na Janet Michael bilong Goro.

Tim menesa em Daisy Thomas, kosa em Paisa Sami na Began Wari i holim wok olsem trena.

Trening bilong tim i save kamap long olgeta Mande na Fonde long 5 klok apinun.



# RUGBY

Namba 54

Fonde Jun 25, 1992

## NIUS

## Tarangau mas lukaut gut long Souths

### MOSBI RIPOT:

NAMBA tu raun bilong Mosbi Winfield Lig resis bai stat long dispela wiken. Long 14 tim resis, 8-pela tasol i winim pinis sans long pilai i go long fainal.

Ol dispela tim em Air Niugini, Wes, Difens, Brothers, Souths, Tarangau, Royals na Magani. Ol bai pilaim 7-pela gem bipo fainal i stat long pinis bilong mun Ogas, we 5-pela tim tasol bai go insait.

Ol tim husat i lusim sans pinis em Hawks, Kone, Paga, Waliya, DCA, Seagulls. Long namba tu raun, ol tim ya bai pilai long prais mani bilong ol yet.

Ol pela primia tim, Tarangau i winim pinis sans long pait strong long holim gen primia taitel em i bin winim long las yia egens Wes 16-15.

Tarangau i winim olgeta 4-pela las gem bilong raun wan egens Brothers, Seagulls, Waliya, Paga na Royals long las Sande. Dispela em bihain long bikpela gem em i bin lus egens Air Niugini long bikpela skoa stret.

Nau em i taim bilong bungim moa salens stat long Sande Jun 28, taim em i bungim ol strongpela boi bilong Souths.

Ripot i kam long Tarangau i tok ol i bin pait strong tru long go insait long namba tu raun. Na sapos ol i go

insait, primia taitel bai hangamap gen long han bilong ol.

Tasol dispela wiken em bai bungim ol bagaros nogut bilong Souths olsem Oliva Mika, Wanis Teringi, Koivi Pirika, Philip Welia, David Andalu, Philip Gass, Luke Waldiat, Wayne Moary, Jack Tandape, Soga Tomu, Joe Gatawa, Angelo Andaja, Jack Lubalu, David Matiabe, Bal Gola, John Harry, Andy Pora na Peter Yuwi.

Aninit long gutpela Jukaut bilong kosa Buddy Dou, na tim menesa Joe David, Souths bai mekim

olgeta samting em i ken long winim dispela gem, na strongim namba 5 posisen bilong em inap fainal i stat.

Dispela bai i wanpela gutpela strongpela gem long lukim. Na tu bai i wanpela klinpela gem.

Ol 9 Mail boi bilong Tarangau bai ran i go insait long Lloyd Robson oval aninit long lukaut bilong kepten na faiv eit, Elias Paiyo. Long strongim pilai long fowat lain, ol pilaia olsem huka Tara Korae, Sipe Kule, Francis Kakarya na Anton Nanime bai lukautim. Francis i bin kisim bagarap an stat pilai gen long las wik.

Kosa bilong

Tarangau, David Noifa i save olsem em i gat ol gutpela beklain pilaia. Tasol ol fowat pilaia i mas strongim pilai long kliam rot bilong ol beklain pilaia. Sapos Taranagu i laik win, ol fowat pilaia i mas pilai strong moa long ful 80 minit. Maski wanem kain skul, dispela em wanpela ansa tasol long win.

Beklain bilong Tarangau bai paia wantaim ol pilaia olsem fulbek Darius Raki, senta Soga Dabema na lan Ivanga, na winga Antony Mond.

Ol nem pilaia Tarangau i lusim em senta Richard Wagambie, fowat James Naipao, na Ben Bire. Ol i pilai raun nau wantaim Kumul tim long Nu-

Silan na Australia.

Tupela arapela pilaia i no soim pes yet long pilai, fowat Kaibel Kanaka na senta

Danny Eri. Ripot i tok Kanaka i go malolo long ples, na Eri i kisim bagarap yet long bodi bilong em.



• Andrew Mao

### Resis kamap bikpela long Wau/Bulolo

RAGBI Lig i kamap wanpela bikpela na strongpela gem nau long Papua Niugini. Nau yet planti manki i laik pilai dispela gem long bus, stesin, taun na siti.

Wanpela liklik senta we spot ya i kamap strong tumas long dispela yia em Wau/Bulolo.

Las wik tupela tim bilong Wau/Bulolo Ragbi Lig i soim stail bilong tupela. Wau Tigers em i namba wan tim bilong Wau. Em i traim bung wantaim Bulolo Norths long Sande Jun 21.

Bulolo Norths i gat ol yangpela na strongpela pilaia i stap long bungim ol boi bilong Wau. Tasol Wau Tigers i no laikim Norths i bagarapim nem bilong em, na i go pas long skoa 14-6.

Na 5-pela minit bihain long trai bilong Mugau, Manu i kisim bal long 50 mita mak na ran long trai lain bilong Norths, na i skoarim wanpela moa trai bilong Tigers. Dispela trai i helpim Tigers long bosim gen skoa, 18-14. Tasol Koimai yet i bekim long kikim wanpela fil gol long bringim skoa i goap long wanpela moa poin, 19-14.

Bipo long ful taim, gem i go strong na ol sapota i ran i go insait long fil na i laik pait. Olsem na referi i stapim gem tupela minit bipo long ful taim.

## Mao bilip long gutpela klinpela pilai

### STORI BILONG PILAIA:

**Nem:** Andrew Mao

**Krismas:** 24

**Ples:** Lapegu, Isten Hailans provins.

**Marit:** Yes

**Hevi:** 86 kilogram

**Longpela:** 178 sentimita

**Posisen:** Fulbek

**Klap:** Tarangau

**Lig:** Goroka Winfield Lig

**Namba wan A gret gem:** 1991

**Pilaia yu gat rispek:** Gospa Amute (Tarangau klap kepten)

**Winim sampela awot:** Junia fowat bilong yia 1990 (Tarangau)

**Pilaia yu painim hat long takelim:** Yerr Bom

**Driman:** Olsem ol arapela lig pilaia insait long kantri, mi laik kamap wan-

pela Kumul pilaia long wanpela de. Na makim kantri bilong mi.

Yu pret long wanpela samting: Nogat

Man i grisim yu long pilai lig: Francis Biro

Sampela toktok yu laik mekim: "Long ol wan pilaia na ol arapela yangpela pilaia, yupela i mas bilip long disiplin, na mekim wanem samting kosa i toktok long taim bilong trening. Wanem pilaia i harim tok bilong kosa na bihainim insait long fil, em bai kamap nambawan pilaia long provins na kantri wantaim. Mi bilip long pilaim gutpela na klinpela gem. Na tu long lukim bal i go i kam long han bilong olgeta pilaia."

Olsem wanem long sans bilong Tarangau long 1992 sisen: "Las yia (1991) mipela i lus long Hawks. Dispela sisen, mipela bai go insait long gren fainal na winim."

# Winfield League '92

## Nupela lain tekova long Ailan Son RL

OL nupela lain i lukautim nau Ailan Son Ragbi Lig stat long las wik.

Wanpela kibung i bin kamap long taim bilong Ailan Son sempionsip long Rabaul las wik. Insait long dispela dibung, ol i makim Pius Mano bilong Rabaul long senisim narapela bilong em, Richard Maru.

I gat bilip olsem senis long wok bilong presiden i kamap bikos Mista Maru i trense, na i kan wok nau long Mosbi siti.

Ol arapela eksekutiv em seketeri Bill Vevo (Rabaul), tresera Jimmy Imbong (Rabaul, na vais presiden Joe Tep (Kimbe).

Insait long dispela dibung, ol i pasim tok tu olsem posisen bilong seketeri, tresera na prediden i mas go long ol lain i stap long biktaun bilong rijon, Rabaul.

Bihain dispela tingting, na kibung i makim tripela lain bilong Rabaul yet long holim dispela kibung.

## Skwat opisal

Kibung i makim tu ol opisal bilong Ailan Son skwat. Nem bilong ol em kosa Paul Sali (Rabaul Gold), trena Apelis Maniot (Kimbe), menesa Colim Lanzarote (Kimbe), na dokta victor Golpak (Rabaul).

# Kimbe - nupela sempion

GUTPELA penelti kik bilong fulbek Pius Jerry i helpim Kimbe long kamap nupela sempion bilong Ailan Son.

Kimbe i winim dispela taitel bihain long em i autim Rabaul 16-14 wantaim stail na autim dispela taitel long ai bilong planti manmeri stret. Tupela tim ya i bin bung long gren fainal bilong Ailan Son sempionsip em i bin kamap long Rabaul las wiken.

Nupela Ailan son fulbek, Pius Jerry i kikim gut gol kik long 18 minit bipo long ful taim, na Kimbe i winim dispela taitel. Dispela penelti i kamap taim referi Moses Tolingling i makim ol Rabaul pilaia i opsait long sait bilong ol yet.

Ol boi Kimbe i no givim wanpela sans long Rabaul. Long stat bilong pilai i go inap ful taim, ol i yusim ol bikpela sais pilaia wantaim strong long lukautim gem long ful 80 minit.

Kosa Apelis Maniot i amas tru long ol boi bilong em,

husat i putim strongpela salens egens wantaim nem senta olsem Rabaul.

Maniot i tok ol i save olsem ol bai bungim salens bilong ol nem Rabaul pilaia. Olsem na ol i bihainim tasol plen bilong gem long win. Dispela em long 4 o 5-pela pilai i go insait long wanpela takel.

Tasol dispela i no wanpela isi win bilong Kimbe. Long stat bilong pilai stret, ol pilaia bilong tupela tim wantaim i paia stret wantaim ol strongpela takel.

I no longtaim, referi Tolingling i salim 'takel masin' bilong Kimbe, John Kawage i go long sinbin long mekim Mitilidi i bin yusim skru bilong lek long pilai.

Tolingling sanap strong yet long lukim klinpela pilai. Olsem na i no longtaim em i salim seken rowa bilong Rabaul, Karl Mitilidi i go go joinim Kawage long sinbin. Mitilidi i bin yusim skru bilong lek long pilai.

Kimbe i strong yet na yusim ol smok balus beklain pilaia

aninit long lukaut bilong faiv eit Nason Lawat na fulbek Pius Jerry long ron strong i go insait long eria bilong Rabaul, inap referi Tolingling i ketsim prop bilong Rabaul, Isimel Marnapal long mekim hai takel. Fulbek Jerry i kikim isi dispela penelti gol na Kimbe i go pas long skoa 2-0.

Na 6-pela minit bihain, beklain bilong Kimbe i paia gen na faiv eit Lawat salim ausait senta Jacob Rova i go skoa. Dispela trai i kamap bikos long gutpela beklain pilai.

Fulbek Jerry kikim tupela isi poin na skruim moa skoa bilong Kimbe i go antap long 8-0.

Long stat bilong namba tu hap, beklain bilong Rabaul i bungim wantaim pilai. Na i no longtaim ol i skoarim namba wan trai bilong ol. Displa trai i kam long ausait senta Peter Johnson. Kik bilong tupela poin i no karim kaikai na Rabaul i smelim Kimbe 8-4.

Referi Tolingling salim

bikpela strongpela prop bilong Rabaul, Isimel Marnapal i go long sinbin bihain long paul pilai. Bikos Marnapal i makim hai takel long namba tri taim.

Kimbe i yusim dispela sans na faiv eit Lawat yusim lek bilong em long 'sait step' i go na salim ausait senta Sylvester Pologai long skoarim wanpela gutpela trai bilong Kimbe.

Fulbek Jerry kikim gen tupela isi poin na Kimbe i skruim moa skoa bilong em i go antap long 14-4.

Sampela minit bihain, Tolingling salim Kasiu Palibutu i go long sinbin tu long paul pilai.

Kepten bilong Rabaul, Willie Langa i yusim gut save bilong em, na yusim dispela sans long skoarim namba tu trai bilong Rabaul. Langa yet i kikim gut kik bilong tupela poin, na Rabaul i smelim gen Kimbe 14-10.

Long 61 minit bilong pilai, winga bilong Rabaul Amos Taget i skoarim wanpela gutpela trai, we kik bilong tupela poin i popaia. Tupela senta i pas wantaim nau long skoa 14-14.

Na long 18 minit bipo long ful taim, ol Rabaul pilaia i op sait long eria bilong ol yet.

Jerry i sanapim gut bal na kikim tupela poin bilong Kimbe. Dispela gutpela penelti kik i winim gem na taitel bilong Kimbe.

Jerry i winim tu namba wan jesi bilong Ailan Son tim long han bilong olpela nem fulbek long bilong rijon, Normoyle Eremas. Bikos Eremas i stap nau wantaim Kumul tim husat i go plai raun long Nu Silan na Australia.

Kosa bilong Rabaul, Paul Chee i tok ol boi Kimbe i pilai gut tru. Olsem na hatwok bilong ol i karim kaikai.

Chee i tok ol boi bilong em i no bihain plen bilong gem. na tu ol i mekim planti asua tumas.

Long fainal bilong winim namba tri ples, Rabaul Gold i bungim Kavieng. Rabaul Gold i gat moa save na bagarapim sindaun bilong Kavieng 48-14.

Insait senta bilong Rabaul, Max Noah i soim stret stail bilong em na skoarim tripela trai olgeta. Na tu em i go pas na givim bikpela helpim long narapela tupela trai bilong tim.



*Kantri waraim Brothers long Goroka lig • Ol Kantri pilaia sambai pinis long olgeta hap, na i no givim wanpela sans liklik long Brothers. Kantri i pillaim wanpela gutpela strongpela gem long las wiken na autim Brothers 36-10 long Danny Leahy oval. Foto Sape Metta.*

# Ailan Son makim tim long nesenel son taitel

AILAN Son Ragbi Lig i makim pinis skwat bilong em long pilai insait long 1992 Son sempionsip.

Sempionsip bai i kamap long tripela Sande olgeta bilong narapela mun. Dispela em long Julai 12, 19 na namba 26 de.

Nesenel selekta husat i makim rijon, Andrew Ilam na komiti bilong em i makim skwat bihain long Ailan Son sempionsip, em i bin kamap long Rabaul las wiken. Na 4-pela tim olgeta i stap insait long resis.

Nem bilong ol dispela tim em Rabaul Maroon, Kimbe, Kavieng, na Rabaul Gold. Rabaul Winfield Lig i makim tupela tim,

Gold na Maroon. Wanpela as bilong dispela em long mekim dro i go stret wantaim 4-pela tim.

Skwat i gat 21 pilaia olgeta. Insait long dispela 21 pilaia, komiti bilong Mista Ilam i makim namba wan 13 pilaia, wantaim 4-pela risev, na tu narapela 4-pela sedo risev pilaia.

Ol sedo risev pilaia bai putim yau tasol na stap. Ol bai senisim wanpela bilong ol 17 pilaia sapos i bagarap long taim bilong trening, em i wok long kamap nau.

Tim i bung wantaim long Rabaul. Kimbe i winim sempionsip bihain long em

i autim Rabaul 16-14 long gren fainal. Tasol Rabaul na Kavieng i winim em wantaim planti pilaia insait long skwat. Rabaul i gat 12-pela pilaia olgeta, Kavieng i gat 5-pela, na Kimbe i gat 4-pela tasol.

Long laip ap bilong namba wan 13 pilaia, Rabaul i gat 7-pela pilaia, Kavieng i gat tripela, na Kimbe i gat tupela tasol.

Hia em nem bilong ol 21 pilaia insait long skwat stat long namba wan 13 pilaia:

Pius Jerry (fulbek - Kimbe), Isimel Tunian (lep wing-Rabaul Gold), Max Noah (ausait senta-Rabaul Gold), Isaac Glenwyn (insait senta-Rabaul Gold), Kevin Gala (rait wing-

Kimbe), Willie Langa (faiv eit-Rabaul Maroon), Philip Ngatia (hap bek-Rabaul Gold), Pisae Meavo (prop-Kavieng), Bernard Bate (huka-Rabaul Maroon), Joe Kale (prop-Rabaul Maroon), Bau Wallas (seken ro-Kavieng), Jimmy Peter (seken ro-Jimmy Peter), Apelis Walia (lok-Rabaul Maroon), Jessie Alunga (risev-Rabaul Maroon), Nason Lawat (risev-Kimbe), Ben Emban (risev-Kavieng), Jonny Barbs (risev-Rabaul Gold), Rodney Sioni (sedo risev-Rabaul Maroon), James Agisi (sedo risev-Kavieng), Henry Pangas (sedo risev-Rabaul Maroon), Joe Baki (sedo risev-Kimbe).



• Dispela em Note Son tim husat i binpilaim Australian kangaroo long las yia. Sampela pilaia insait long tim i stap insait lon tim em bai makim Noten long nesanel son sempionsip. Nem bilong ol pilaia long fram long lephan i go em Korul Sinemau, Matthew Elara, Dick Moiga, na Ngala Lapan. Long namel lain em John Daki a Tweedy Malagian. Ol bagaros log baksait, John Piel i sanap namba tri long lephan i go. Na long raithan i kam em Augustine Sidney, na Paul Manoma (namba tri).

# Noten Son i sambai tasol

**SAM YAKAM**  
i raitim

NOTEN Son i makim pinis strongpela tim bilong em, na redi tasol long Nesanel Son sempionsip em bai i stat long Mande Jun 22, 1992. Tim i pulap long pilaia bilong Lae Inta Siti tim, Bombers husat i gat inap save long daunim salens bilong ol arapela tripela son.

Seketeri bilong Noten Son Ragbi Lig, Augustine Sidney i tokim Ragbi Lig Nius olsem ol i bin glasim gem bilong wanwan pilaia na makim. Na tu ol i glasim save bilong wanwan pilaia long ol nesanel na intanesanel gem, bipo ol i putim i go insait long tim.

Narapela samting ol selekta i lukluk long em em pasin bilong ol pilaia insait na ausait tu long fil.

Sidney i tok ol selekta i makim planti pilaia bilong Lae. Bikos ol pilai ya i soim gutpela stail long son trails. Trails i bin kamap long Madang long Kwins Betde wiken. Long dispela trails, Lae i no bin lusim wanpela gem. Long gren fainal, ol boi Lae i waraim stret Madang 60-8.

"Nau yet mi amamas long ol selekta i makim gutpela skwat. Na mi gat bikipela bilip olsem

ol boi bilong Noten Son bai pretim tripela arapela son," Sidney i tok. Hia em nem bilong ol pilaia insait long tim: Paul Sevua (Lae), Tweedy Malagian (Madang), Charlie Vee (Lae), John Okul (Lae), Roah Laku (Madang), Ellison Katewa (Madang), David Glipu (Lae), Patrick Kiap (Lae), John Bob (Lae), John

Timan (Madang), Eric Maname (Madang), Buckley Mauve, Goro Arigae (Lae), Paul Nombri (Kainantu), Raymon Karl (Lae), John Papa (Lae), Thomas Daki (Lae), David Reeka (Lae), Malum Oiufa (Lae), Andrew Joe (Lae). Ol arapela pilai husat i stap wet tasol long senisim ol pilaia husat i bagarap em Joe

Kewa, Caspar Kolio (Madang), Robert Sio, Joseph Gabriel, na Andrew Kuno. Kosa bilong tim em Mike Claytors, trena em Ulea Rolu na menesa em Jim Kari. Namba wan raun bilong dispela raun robin resis bai i kamap long Julai 12. Na Noten Son bai bungim Hailans Son long Goroka.

## Sauten Son wetim tripela moa pilaia bilong Kiunga, Tabubil na Kerema

**BARBARA TOMI** i raitim

OLPELA sempion, Sauten Son i makim pinis tim bilong em.

Tasol tripela spes tasol i op long ol pilaia bilong Kiunga, Tabubil na Kerema.

Nau yet, Kiunga, Tabubil na Kerema i no givim yet nem bilong ol pilaia husat bai pilai insait long Sauten Son tim.

Presiden bilong Sauten Son Ragbi Lig, Mans Kei i tok em i no gutpela long ogenaisim son trails. Bikos em bai i kos bikipela mani. Na tu i gat bikipela bilip olsem planti pilaia bilong Mosbi bai stap insait long tim.

Olsem na long sevim mani long ol tim long kam pilai long Mosbi, Kerema i kisim askim long givim wanpela beklain pilaia, na Tabubil na Kiunga i kisim askim long givim wanpela fowat pilaia.

Hia em nem bilong ol Mosbi pilaia insait long Sauten Son tim: Larry Saea (Air Niugini), Michael Toivita

(Wes), Jack Uradok (Difens), Mea Morea (DCA), Arnold Krewanty (Difens), Stanley Haru (Seagulls), Luke Waldiat (Souths), Steven Manas (Air Niugini), Ronald Vue (Difens), Luke Andrew (Air Niugini), Dominic Bre (Brothers), Jack Lubalu (Souths), Weka Lae (Royals), Elias Paiyo (Tarangau), Paul Kombol (Royals), Gideon Kouoru (Wes), Sipa Kule (Tarangau), Poki Kohu (Hawks), Thomas Posou (Seagulls), Danny Moi (Wes), Vincent Eri (Tarangau), Darius Raki (Tarangau) na Fred Leo (Brothers).

Insait long dispela tim i gat 7-pela pilaia husat i makim Mosbi long namba wan taim. Nem bilong ol em Lubalu, Kombol, Kule, Kohu, Eri, Raki na Leo.

Ol pilai husat i stat mekim nem long dispela tim em

Ol lain bilong Mosbi Inta Siti tim, Vipers em Mosbi Winfield Ligi makim gen long lukautim tim. Nem bilong ol em kosa Sam Heaho, trena John Lynch na menesa Pennie Gamoga.

## Wes bai autim Air Niugini

**SAM YAKAM**  
i raitim

TUPELA top A gret tim bilong Mosbi Winfield Lig resis, Air Niugini na Wes bai traim bun long lukim husat i king tru bilong Lloyd Robson Oval taim tupela i bung long Sande Jun 28, 1992.

Las wik Air Niugini i bagarapim sindaun bilong Kone Tigers 46-16. Na Wes i go daun long strongpela Difens tim. 26-26 long las minit. Olsem na tupela wantaim i pas long 20 minit. Tasol Air Niugini i amamas tru long dispela na i go pas long oin lata wantaim 167 pesen. Wes i smelim bihain wantaim 149 pesen.

Air Niugini i gat nem nau long strongpela banis ol pilaia bilong em i save sanapim long stapim birua i

skoa moa. Sapos Wes i ken, em bai win. Tasol rogat, em i mas tingting gut.

Wes bai lukluk long ol nem pilaia bilong em husat i gat moa save long Inta Siti resis long bungim strong na stail wantaim long daunim Air Niugini.

Tasol Air Niugini bai i no inap pret long Wes. Bikos em tu i gat ol pilaia husat i gat inap save long winim gem olsem Johnson Tia na Luke Andrew long strongim ensin rum long fowat.

Presiden bilong Wes Ragbi Lig Klap, Lame Palaso i mekim wankain toktok olsem Air Niugini i gat nem long pilai gutpela stail bilong pilai. Las wik ol i waraim stret Kone Tigers.

Palaso i tok dispela

em namba wan as we Wes i dro. Narapela em pilaia bilong kikim ol gol na penelti kik, Michael Toivita i stap olsem risev pilaia long namba wan hap bilong pilai. Toivita inap kikim tupela gol kik em i bin popaia.

Palaso i skruim tok moa olsem planti gutpela pilaia i bagarap na i no pilai. Fulbek na kepten Joe Mirisa em wanpela bilong ol dispela pilaia. Tasol dispela Sande, em bai joinim namba wan 13 pilaia long fulbek posisen wantaim Toivita.

Palaso i tok Wes bai i no inap pilai kaskas long Sande. Bikos Air Niugini em i wanpela gutpela tim.

Nau yet Wes i lusim tupela gutpela pilaia bilong em. Nem bilong tupela em senta Joshua Kouoru na faiv eit Tuksy Karu. Tupela i stap insait long Winfield Kumul tim husat i go pilai raun nau long Nu Silan na Australia. Tasol dispela bai i no inap stapim Wes long winim dispela gem. Palaso i gat bikipela bilip long ol boi bilong em.

Wes bai kisim fil wantaim ol arapela pilaia olsem huka Danny Moi, yangpela faiv eit Vincent Eri, senta Michael Toivita, Gabriel Wak, Gideon Kouoru, winga John Sarufa na fulbek Mirisa.

Nau yet Palaso i askim pinis ol bikman bilong referi olsem wanpela gutpela referi i mas lukautim gem namel long Air Niugini na Wes.

## Raun robin stail

NESENEL Son sempionsip bai i kamap stat long neks wik, na 4-pela son i makim tim pinis na redi nau.

Resis ya bai bihainim raun robin stail na bai kamap long tripela Sande olgeta stat long Julai 12. Long namba wan raun bilong resis long Julai 12, olpela sempion Sauten Son bai bungim Ailan Son long Lloyd Robson oval. Na Hailans bai bungim Noten Son long Goroka.

Insait long dispela bikipela resis bilong winim son taitel, wanem son i skoarim moa pesen bai kamap wina bihain long raun tri.

Olgeta son i makim pinis tim bilong ol na stat trening nau, bihain long ol trails, em i bin kamp long Me na stat bilong dispela mun.

Dro em: Julai 12 - Sauten Son vs Ailan (Mosbi)

- Hailans vs Noten (Goroka)
- Julai 19 - Noten vs Sauten (Lae)
- Hailans vs Ailan (Hagen)
- Julai 27 - Sauten vs Hailans (Mosbi)
- Ailans vs Noten (Rabaul)

# Winfield League Results

### PORT MORESBY WINFIELD LEAGUE

#### A GRADE POINTS TABLE

Team	P	W	D	L	PF	PA
Air Niugini	13	10	0	3	326	195 20
West	13	9	2	2	342	230 20
Brothers	13	9	0	4	325	260 18
Defence	13	8	1	4	334	242 17
Souths	13	8	1	4	311	275 17
Tarangau	13	8	1	4	311	275 17
Royals	13	7	1	5	341	294 15
Magani	13	7	1	5	289	276 15
Hawks	13	7	0	6	309	319 14
Kone	13	5	0	8	285	331 10
Waliya	13	2	2	9	230	335 6
Paga	13	2	1	10	206	320 5
DCA	13	2	0	11	264	385 4
Seagulls	13	2	0	11	181	360 4

#### WIN MONI K10,000 CLUB CHAMPIONSHIP

Club	A Gr	Res	U/21	U/19	U/17	Total
West	36	46	38	23	23	203
Air Niugini	60	42	42	24	12	180
Defence	51	42	34	34	12	173
Souths	51	30	26	44	14	165
Brothers	54	32	40	10	15	151
Royals	45	32	26	36	11	150
Hawks	42	16	24	30	21	133
Tarangau	51	30	36	6	7	130
Waliya	18	20	40	26	12	116
Kone	30	30	10	28	12	110
Magani	45	24	2	20	12	103
Paga	15	10	18	26	8	77
Seagulls	12	4	16	30	14	76
DCA	12	16	4	12	9	53

#### Reserves Points Table 1992

Team	P	W	D	L	GF	GA	PTS
Air Niugini	13	10	1	2	282	147	21
Defence	13	10	1	2	259	176	21
West	13	9	0	4	293	164	18
Brothers	13	7	2	4	280	240	16
Royals	13	7	2	4	242	239	16
Souths	13	7	1	5	250	207	15
Kone	13	7	1	5	302	293	15
Tarangau	13	7	1	5	247	214	15
Magani	13	5	2	6	217	181	12
Waliya	13	4	2	7	199	252	10
Hawks	13	4	0	9	266	320	8
DCA	13	4	0	9	247	333	8
Paga	13	2	1	10	136	233	5
Seagulls	13	2	1	10	168	389	2

Air Niugini 46 def Hawks 14, DCA 12 def Magani 8, Brothers 16 def Waliya 10, Defence 34 def Royals 22, Wests 34 def Kone 18, Souths 38 def Seagulls 12, Tarangau 24 def Paga 1

#### U/21 Points Table 1992

Team	P	W	D	L	GF	GA	PTS
West	13	11	1	1	293	108	23
Air Niugini	13	10	1	2	237	105	21
Waliya	13	9	2	2	243	115	20
Brothers	13	9	2	2	204	107	20
Tarangau	13	8	2	3	198	133	18
Defence	13	8	1	4	200	129	17
Souths	13	6	1	6	198	182	13
Royals	13	6	1	6	171	220	13
Hawks	13	6	0	7	167	166	12
Paga	13	4	1	8	124	174	9
Seagulls	13	4	0	9	105	249	8
Kone	13	2	1	10	111	180	5
DCA	13	1	0	12	115	304	2
Magani	13	0	1	12	62	256	1

Round 12: Air Niugini 26 def Hawks 16, DCA 12 def Magani 10, Brothers 14 def Waliya 12, Royals 18 def Defence 12, Wests 20 def Kone 0, Souths 20 def Seagulls 0, Paga 16 def Tarangau 14

#### U/19 Points Table 1992

Team	P	W	D	L	GF	GA	PTS
Souths	13	11	0	2	159	92	22
West	13	9	1	3	149	96	19
Royals	13	9	0	4	134	102	17
Defence	13	8	1	4	134	102	17
Hawks	13	7	1	5	125	90	15
Seagulls	13	6	3	4	155	143	15
Kone	13	6	2	5	116	108	14
Waliya	13	6	1	6	110	130	13
Paga	13	6	1	6	99	102	13
Air Niugini	13	6	0	7	137	98	12
Magani	13	5	0	8	83	145	10
DCA	13	2	2	9	92	194	6
Brothers	13	2	1	10	85	153	5
Tarangau	13	1	1	11	64	146	3

Round 12: Air Niugini 10 def Hawks 8, DCA 12 def Magani 6, Waliya 8 def Brothers 6, Defence 12 def Royals 0, Wests 16 def Kone 4, Souths 20 def Seagulls 18, Paga 6 def Tarangau 4

#### U/17 Points Table 1992

Team	P	W	D	L	GF	GA	PTS
West	13	11	1	1	167	75	23
Hawks	13	10	1	2	194	57	21
Brothers	13	7	1	5	130	106	15
Souths	13	6	2	5	109	100	14
Seagulls	13	6	2	5	96	148	14
Air Niugini	13	5	2	6	85	63	12
Defence	13	5	2	6	136	126	12
Magani	13	6	0	7	83	89	12
Waliya	13	5	2	6	99	123	12
Kone	13	6	0	7	114	147	12
Royals	13	5	1	7	88	89	11
DCA	13	4	1	8	112	204	9
Paga	13	3	2	8	95	123	8
Tarangau	13	2	3	8	75	133	7

### RESULTS:

ROUND 12: Waliya beat DCA 24-10, Tarangau beat Royals 36-26, Wests drew Defence 26-26, Souths beat Paga 22-14, Air Niugini beat Hawks 54-28, Magani beat Seagulls 38-24

### DRAW:

Friday June 26

7.45pm Seagulls vs DCA

Saturday June 27

3.30pm Hawks vs Kone

Sunday June 28

9.30am Waliya vs Paga

11.00am Royals vs Magani

12.30pm Souths vs Tarangau

2.00pm Brothers vs Defence

3.30pm Air Niugini vs Wests

### MATCH OF THE ROUND:

Sunday June 28

3.30pm Air Niugini vs Wests

### COMMENTS/QUOTES RE WEEKEND'S GAME/NEXT WEEKEND:

This could be the preview of this year's grand-final in the Port Moresby Winfield League. Both teams are leading the competition and Wests will come out winners in this game as they will have too much strength all round.

### Draws: Round 2 - Game 1

Friday : Date: June 26

Ground	Time	Grade	Team	Team
L.R.O	5pm	U/21	Seagulls v	Kone
L.R.O	6.15pm	Res	Seagulls v	Paga
L.R.O	7.45pm	A	Seagulls v	DCA
L.R.O	9.30am	Res	Kone v	Tarangau
L.R.O	11.00am	Res	Royals v	Souths
L.R.O	12.30pm	Res	Wests v	Brothers
L.R.O	2.00pm	Res	ANG v	Defence
L.R.O	3.30pm	A Gr	Hawks v	Kone
L.R.O	9.30am	A	Waliya vs	Paga
L.R.O	11.00am	A	Royals vs	Magani
L.R.O	12.30pm	A	South vs	Tarangau
L.R.O	2.00pm	A	Brothers vs	Defence
L.R.O	3.30pm	A	ANG vs	Wests

Sunday June 28

Ground	Time	Grade	Team	Team
PRL II	9am	U/17	Waliya v	Kone
PRL III	9am	U/17	Royals v	DCA
PRL II	10am	U/17	Paga v	Tarangau
PRL III	10am	U/17	Wests v	Hawks
PRL II	11am	U/17	Brothers v	Souths
PRL III	11am	U/17	Seagulls v	ANG
PRL II	12 noon	U/17	Defence v	Magani
PRL III	12 noon	U/19	Paga v	ANG
PRL II	1pm	U/19	Magani v	DCA
PRL III	1pm	U/19	Brothers v	Tarangau
PRL II	2pm	U19	Souths vs	Wests
PRL III	2pm	U19	Royals vs	Defence
PRL II	3pm	U19	Hawks vs	Seagulls
PRL III	3pm	U19	Kone vs	Waliya

Sunday June 28

Ground	Time	Grade	Team	Team
PRL II	9am	U21	DCA vs	Magani
PRL III	9am	U21	Hawks vs	Paga
PRL II	10.15am	U21	Souths vs	Royals
PRL III	10.15am	U21	Tarangau vs	Defence
PRL II	11.30am	U21	Waliya vs	Brothers
PRL III	11.30am	U21	Wests vs	ANG
PRL II	1.15pm	Res	Magani vs	Waliya
PRL III	1.15pm	Res	Hawks vs	DCA

### LAE WINFIELD LEAGUE

#### POINTS TABLE

CLUB	P	W	D	L	PF	PA	PTS
Tarangau	7	7	-	-	183	92	14
Royals	7	4	-	3	177	117	8
Spiders	7	4	-	3	152	121	8
Brothers	7	4	-	3	191	135	8
Defence	7	3	1	3	120	124	7
Panthers	7	2	1	4	95	177	5
Magani	7	2	-	5	127	168	4
Tigers	7	1	-	6	84	195	2

### RESULTS:

Defence beat Magani 36-16, Panthers beat Spiders 14-6, Tigers beat Royals 15-14, Tarangau beat Brothers 40-16.

### DRAW: 28/06/92

Tigers vs	Magani
Panthers vs	Brothers
Tarangau vs	Spiders
Defence vs	Royals

### MATCH OF THE ROUND:

Defence vs Royals

### COMMENTS/QUOTES RE WEEKEND'S GAME/NEXT WEEKEND:

The main game between BP Oil Defence and Big C Tarangau nearly saw a upset by Tarangau almost catching up with BP Oil Defence in the dying stage of the game however, BP Defence Mou Dulamo's field goal during the first half saved the day with BP Defence leading by one point to Big C Tarangau 25-24.

### MT HAGEN WINFIELD LEAGUE

#### A GRADE LADDER

TEAM	W	D	PTS
Tarangau	9	-	18
Hawks	8	-	16
Newtown	7	-	14
Panthers	5	1	11
Brothers	5	-	10
Country	5	-	10
Tigers	4	-	8
Royals	2	1	5
East	2	-	4

### RESULTS:

Round 8: Royals beat Country 16-10, Jets beat Brothers on forfeit, Tarangau beat Panthers 13-8, Hawks beat Tigers 28-10.


### DRAW: 28/06/92

Panthers vs	Tigers
Hawks vs	Royals
Brothers vs	East
Country vs	Tarangau



# Wally Lewis

*The high priest  
of the spectacular*  
**Ron McAuliffe,  
Former QRL boss**



Wally Lewis and Martin Bella – Origin ecstasy. LEFT: Lewis . . . a star for Wynnnum Manly. BELOW: Panasonic Cup success in 1989.

## Career details

Wally Lewis. Born: December 1, 1959.

### CLUB RECORD 1978-91

	M	T	G	FG	Pts
<i>Valleys, Brisbane 1978-83</i>					
Premiership matches	135				
<i>Wakefield Trinity 1983-84</i>					
First class matches	10	6	-	-	24
<i>Wynnnum-Manly 1984-87</i>					
Premiership matches	76				
<i>Brisbane Broncos 1988-90</i>					
Premiership matches	46	20	11	-	102
<i>Gold Coast 1991</i>					
Premiership matches	14	3	2	-	16
<b>Total</b>	<b>281</b>	<b>29</b>	<b>13</b>		<b>142</b>

Club record does not include points scored for Valleys or Wynnnum.


### REPRESENTATIVE RECORD 1979-91

#### QUEENSLAND 1979-91

	M	T	G	FG	Pts
v. NSW	4	2	-	-	-
v. touring sides	2	-	-	-	6
Tour matches	5	3	3	-	18
State of Origin	31	7	1	2	30
<b>Total</b>	<b>42</b>	<b>12</b>	<b>4</b>	<b>2</b>	<b>54</b>

#### AUSTRALIA 1981-91

	M	T	G	FG	Pts
Tests	33	11	-	2	45
World Cup	1	-	-	-	-
Tour matches	19	8	9	-	47
v. Rest of the World	1	1	-	4	-
<b>Total</b>	<b>54</b>	<b>20</b>	<b>9</b>	<b>2</b>	<b>96</b>



NOGAT wanpela man i ken senisim biknem ragbi lig pilaia bilong Australia Kwinnslen, Wally Lewis.

Ol i painimaut long stail bilong em long Brisben. Na long Sidni, em i karim dispela biknem bilong Brisben. Em i gat nambawan nem long Sidni Lig resis, wanpela strongpela resis insait long wol.

Ol sapota long Lang Pak bai pundaun long skru bilong ol, opim han na salut long honarim "Empera" na "King" bilong ol, Wally Lewis.

Ol rekot i soim olsem Lewis em i wanpela nambawan faiv eit bilong Australia long ol bikpela Tes gem. Dispela em long ol taim Australia i mekim stret biknem long ragbi lig resis long wol.

Luluk long ol rekot bilong ol tes gem Australia i bin pilaim, Mal Meninga tasol i pilai long planti Tes gem em Australia i winim, sapos yu makim em wantaim Lewis.

Lewis i pilai 33 Tes gem olgeta. Long ol dispela gem, Australia i lus long 5-pela taim. Tasol long Stet level, em i winim olgeta arapela pilaia.

Long 1980 i go inap long 1991, em i pilai long olgeta Stet ov Orijon gem. Na long olgeta gem, em bai soim stret stail bilong em we i winim olgeta arapela pilaia long fil.

Long 1990, em i pilai las gem bilong em

# Long sampela lain, em i king bilong ol

long Brisbane Broncos. Insait long dispela gem, ol sapota long Sidni i amamas stret long lukim em i pilai.

Lewis i no feveret o nambawan pilaia bilong ol sapota long Sidni. Wanpela taim ol i semim em, taim em i kisim Australia i go insait long Sidni Kriket Graun.

Tasol ol sapota i amamas nogut tru long na singautim nem bilong em. Dispela em long taim em i senisim Gene Miles long semi fainal gem, em Brisbane i lus long Canberra long Sidni Futbol Stadium.

"Em i Carl Lewis, Edwin Moses, Dean Lukin na Viv Richards bilong ragbi lig," Olpela edita bilong *Rugby League Week* Ian Heads i raitim olsem taim Lewis i mekim biknem long 1984 sisen.

Em i stat pilai long Wakefield na skruim namba bilong ol sapota long 1500 i go antap long 7000. Em i go pas long Kwinnslen na winim planti Stet ov Orijon gem. Na tu em i wanpela yangpela man tru na kamap kepten bilong Australia, bihain long Reg Gasnier.

"Nogat wanpela pilaia long olgeta 77 sisen bilong Ragbi Lig i gat bikpela yia wantaim moa senis," Heads i raitim olsem.

"Lewis em i wanpela top pilaia stret. Em i ken ritim gut gem, na bai lukautim pilai long wanem kain we em i laikim we wanpela man i no inap long mekim.

"Pasin bilong semim Wally em i wanpela bikpela spot nau bilong Sidni. Tasol bikpela askim bilong bihain long ol gem bilong

Lewis em: 'I gat wanpela man we planti sapota i save mekim olsem long em tu?'

"Bikpela ansa bilong dispela askim em 'no'. Wally Lewis em i wanpela pilaia ol sapota i no laikim o amamas long em. Tasol em i wanpela nambawan pilaia! "Em top."

Plantitaim, Lewis i save yusim long stap insait long fil. Olgeta taim Lewis em i wanpela sempion pilaia long mekim tim i win. Na tu em i ken lukautim gem, na laikim long go long wanem kain we em i laikim.

Long ol yia i kam, ol kik bilong em long painim lain, na ol topido stail bilong tromoi o salim bal long ol wan pilaia i save helpim gut tim long win. Planti manmeri i ting ol dispela kain stail i kamap tasol long fil.

# Toktok bilong Mirengke kikbek

## SAM YAKAM i raitim

KOSA bilong Morobe Kantri, Roy Mirengke i bin komplem long nem bilong lig. Tasol ol bikman bilong lig bilong em i tanim na pinisim em long wok kosa.

Presiden bilong Morobe Kantri Ragbi Lig, Kuma Manoba i no amamas long pasin Mirengke, na kosa bilong Wau/Bulolo, Kone Henry i mekim long Noten Son trails, em i bin kamap long Ron Albert oval, Madang long Kwins Betde wiken.

Henry na Mirengke i bin raitim wanpela komplem ripot o petisen olsem ol i nogat

gutpela ples slip na haus kaikai long Madang. Ol stapim ka na slip tasol arere long rot. Olsem na tupela i kisim tim i go bek long ples bilong tupela. Tupela i komplem olsem ol opisal bilong Noten Son Ragbi Lig i no painim ka na gutpela haus bilong ol pilaia bilong tupela.

Nau yet Kuma i askim Mirengke long tok sori long siaman bilong Noten Son RL, John Numapo na ol eksekutiv bilong em. Dispela em long lusim trails, na tu long sutim tok i go long ol opisal bilong Noten Son RL long niuspepa.

Nau yet Kuma i laik kiam tingting bilong Mirengke long wanem samting Mirengke i bin mekim bipo long trails. Kuma i tok em i

bin kisim pas bilong Numapo long hevi bilong haus slip na ka wanpela mun bipo long trails i kamap long Madang. Long dispela taim, em i lukim olsem Morobe Kantri lig i nogat mani. Wankain hevi Wewak na Vanimo i bungim, na i no salim wanpela tim.

Kumai tok em i toksave long ol pilaia na eksekutiv bilong Morobe Kantri lig olsem ol i no inap salim wanpela tim.

Tasol Mirengke wantaim ol arapela sinia pilaia i bin pusim het long kam. Kuma i tok Mirengke yet i tokaut olsem em i painim wanpela haus slip pinis bilong ol pilaia. Na ol bai mekim olgeta samting long painim mani na go pilai long Madang.

Orait tupela wik bipo long trails, Kuma i tokorait long ol selekta i makim tim.

Kumai tok nau yet Mirengke i no tingim ol dispela samting na bagarapim nem bilong ol eksekutiv bilong Noten Son RL, na tu bilong Morobe Kantri RL. Long dispela as na Kuma i pinisim Mirengke long wok kosa.

Kuma i tok Mirengke i bagarapim nem bilong asosiesen wantaim ol eksekutiv. Na dispela i no gutpela pasin.

Em i tok moa olsem ol inap stret dispela hevi long asosiesen yet. Tasol Mirengke i go het na bagarapim nem bilong ol long niuspepa.

## 2-pela top tim salens long Mendi

## MOXIE YORE i raitim

TUPELA lida bilong Mendi Winfield Lig resis long A gret divisen bai bung long lukim husat bai bosim lata bihain.

Tarangau bai salensim stail bilong Bulldogs. I gat bikpela bilip olsem dispela gem bai pulim planti manmeri stret long Tente lig oval long Sande Jun 21.

Tarangau i gat nem long nekim Bulldogs 6-4 long namba wan raun. Olsem na ol Bulldogs pilaia bai ran i go insait long Tente oval wantaim bikpela tingting bilong bekim dinau. Na tu long lukim husat em i strongpela tim bilong Mendi.


Tarangau bai lusim helpim bilong Lemis Ita na Allan Kolton. Tupela wantaim i kisim bagarap.

Na tu Bulldogs bai lusim tripela nem pilaia. Nem bilong ol em Matthew Alo, Sam Paing, na John Togola. Alo na Paing i bagarap. Tasol Togola i go pilai raun wantaim Kumul tim nau long Nu Silan na Australia.

Tupela kosa wantaim, Mark Smith (Tarangau) na Chris Batten (Bulldogs) i save olsem dispela wiken tupela bai i bungim strongpela gem stret.

Olsem na tupela wantaim bai redi gut tim long win, na goap moa long lata. Bikpela samting em long goap moa long lata bihain long raun namba tu i pinis.

Tasol tupela wantaim i bosim lata nau wantaim 12-pela poin. Olsem na sapos wanpela bilong tupela i lus, dispela bai givim sans long ol tim husat i ran a ninit tasol long tupela.



*Brothers nogat spes long ranawe • Goroka A gret resis - Dispela Brothers pilaia i nogat spes stret long kirap na ran moa. Bagaros nogut bilong Kantri i kam insait na taitim olgeta bun, na pusim em i go daun long graun. Kantri pilai gutpela gem stret long las wiken na autim Brothers 36-10 long Danny Leahy Oval, Goroka.*

## United i gat inap sans long daunim Brothers

### IAN KAKARERE i raitim

PLANTI sapota bai skrapim het na painim taim long tokaut husat tru bai winim ol ragbi gem long Kiunga long dispela wiken.

United bai traim strong wantaim Brothers olsem na nau yet em i no isi long tokaut husat bilong tupela tim bai win. Sapos ol pilaia bilong United i tingting na pilai, bai ol i gat sans long win bikos Brothers bai i no gat ol strongpela pilaia.

Kosa bilong United, Pancreas Linus wantaim ol komiti bilong klap na ol pilaia i hatwok long strongim dispela tim. Leonard Loether (lok), Gordon Aukiri (prop), Sakaio Uduru (huka) na Linus yet i save kamapim strongpela tim tru long taim bilong pilai.

Long baksait, i gat ol strongpela man olsem Livai Dugutara, Dickson Dikana na Jeffrey Jakis (wing) na Albert Arimisa long senta.

Long kem bilong Brothers i gat ol sevis pilaia olsem Nelson Gimai, Sipak Siwi na Jackson Haya-go. Ol dispela lain bai mas givim strong long ol nupela pilai long tim. Sapos ol i bung gut olsem na pilai bia ol inap long givim taim long United.

Insait long gem namel long Ambang na Royal, tim husat i win bai i soim olsem ol i gat bikpela laik na strong tru long pilai ragbi.

Gem namel long Magani na Souths i save pulim planti manmeri tru long go lukim. Na husat tim i fit na i bin slip gut long nait bai i winim dispela gem.

## Ol top tim long Kiunga kisim taim stret

OL top A gret tim bilong Kiunga Ragbi Lig resis i bin kisim taim long ol arapela tim long las Sande.

United i mekimsave long United 30-22, Royals husat i stap long namba 5 ples i pretim Magani na tupela i dro 22-22, na Brothers i dro wantaim Ambangs 16-16.

Pilaia kosa bilong United, Pancreas Linus i go pas long ol boi bilong em na ol i skoarim 6-pela trai olgeta. Souths i skoarim 4-pela trai.

United i winim Souths wantaim stail bilong tromoi bal i go i kam. Na tupela winga, Jeffrey Jakis na Dickson Dikana i skoarim tripela bilong 6-pela trai olgeta.

Ol fowat pilaia bilong United i sapatim gut ol wan pilaia long beklain. Olsem na seken rowa John Hailavila i skoarim wanpela trai, Pancreas Linus i skoarim wanpela, na huka Sakaio Uduru i skoarim wanpela.

Lok Leonard Lowther i kimim tupela gol, na ausait senta Albert Arimisa i kikim wanpela.

United i bagarapim stret plen bilong Souths long win. Olsem na ol Souths pilaia i mekim planti asua tumas. Na ol United pilaia i yusim dispela sans long skoa moa.

Royals i paia long las minit na dro wantaim strongpela Magani tim.

Magani i bin go pas long skoa. I gat bikpela bilip olsem ol bai waraim stret ol plisman bilong Royals. Hap bek Agisa Kela i skoarim las trai na helpim stret ol plisman. Dispela em long sampela seken tasol bipo long ful taim.

## KIUNGA LEAGUE

TEAM	P	W	D	L	F	A	%	PTS
Magani	11	6	2	3	300	186	62	14
Souths	11	7	-	4	252	209	55	14
United	11	6	1	4	232	244	49	13
Brothers	11	5	2	4	223	178	56	12
Royals	11	3	2	6	188	254	43	8
Ambangs	11	1	3	7	148	246	38	5

Round 7: United beat Souths 30-22, Magani drew with Royals 22-22, ambangs drew with Brothers 16-16.

### DRAW: 26/06//1992

TIME	GRADE	TEAMS
11.00am	U/19	Brothers vs United
12.10pm	U/19	Ambangs vs Royals
1.20pm	U/19	Magani vs Souths
2.30pm	Res	Brothers vs United
3.50pm	Res	Ambangs vs Royals

### DRAW: 27/06//1992

TIME	GRADE	TEAMS
12.00noon	Res	Magani vs Souths
1.20pm	A	Brothers vs United
2.50pm	A	Ambangs vs Royals
4.20pm	A	Magani vs Souths

### RESERVE GRADE LADDER:

TEAM	P	W	D	L	F	A	%	PTS
Souths	11	7	2	2	134	79	63	16
United	11	7	2	2	114	104	52	16
Ambangs	11	6	1	4	124	68	60	13
Magani	11	6	-	5	110	124	47	12
Brothers	11	2	1	8	68	126	35	5
Royals	11	1	1	9	59	114	35	3

Souths 10 beat United 0, Royals 54 beat Magani 0, Ambangs 20 beat Brothers 1

### UNDER 19 LADDER:

TEAM	P	W	D	L	F	A	%	PTS
United	8	4	3	1	69	60	53	11
Royals	8	5	-	3	76	86	47	10
Ambangs	8	4	-	4	80	52	61	8
Magani	8	3	2	3	82	80	51	8
Souths	8	3	1	4	99	65	60	7
Brothers	8	1	2	5	34	101	25	4

Souths 10 drew with United 10, Magani 12 beat Royals 4, Ambangs 6 beat Brothers 0

### CLUB CHAMPIONSHIP LADDER:

TEAM	A	B	U/19	TOTAL	PLACE
United	39	32	11	82	1
Souths	42	32	7	81	2
Magani	42	24	8	74	3
Brothers	36	10	4	50	4
Ambangs	15	26	8	46	5
Royals	24	6	10	40	6

### LEADING TRYSCORERS

NAME	CLUB	TRIES
Baila Mase	Magani	12
Nicko Mick	Magani	10
Dick Katalu	Royals	9
Saisame Aragu	Royals	9
Nelson Gamai	Brothers	9
Busisi Dadimo	Souths	9

### LEADING GOAL KICKERS

NAME	CLUB	GOALS
David Mara	Souths	20
Aigol Waninara	Brothers	19
Baila Mase	Magani	19
Mara Kubu	Ambangs	18
Ben Owen	United	16
Agisa Kela	Magani	11
Amos Sagi	Royals	11

### LEADING SCORERS

NAME	CLUB	TRIES	GOALS	POINTS
Baila Mase	Magani	12	19	86
Mara Kubu	Ambangs	5	18	56
Agisa Kela	Magani	8	11	54
David Mara	Souths	3	20	52
Ben Owen	United	3	16	44

# Stail bilong ol referi i pundaun

MOSBI Winfield Lig long dispela yia i bungim planti hevi bilong ol referi. Bikos planti referi i no bihainim dro bilong lukautim gem. Na tu ol i no lukautim gut gem.

Presiden bilong Wes Ragbi Lig Klap bilong Mosbi Winfield Lig, Lame Palaso i tokim *Ragbi Lig Nius* olsem planti referi i no bihainim lo bilong ragbi lig long lukautim. Planti taim ol i wansait tumas. Na i no save givim penelti long tim husat i kamapim planti rong insait long fil.

Palaso i tokaut long dispela hevi bikos A gret tim bilong em i bin bungim dispela hevi long Lloyd Robson Oval long Sande Jun 21. Em i tok long dispela gem planti penelti i kamap insait long mak bilong Difens. Tasol referi Tau Momoru i bin pasim ai long ol dispela rong.

Long dispela as, ol boi bilong em i dro wantaim Difens 26-26. Presiden bilong Mosbi Referi Aosiesen, Jerry Martin i no amamas tu. Bikos planti referi i lukluk antap tasol long lo bilong ragbi lig.

Martin i sutim tok long tupela arapela referi, Graham Ainui na Tau Momoru. Bikos tupela i no bihainim stretpela rot na stretim hevi bilong tupela. Dro i tokaut long Graham long lukautim gem

namel long Wes na Difens. Tasol Graham i askim Momoru long lukautim gem bilong em long apinun, na em bai lukautim gem bilong Momoru long moning.

Nau yet Martin i tok ol arapela referi i mas bihainim stretpela rot. "Sapos wangepela referi i laik senisim taim bilong em long lukautim gem, em i mas bihainim rot stret na lukim Siaman Benny Diau wantaim ol arapela komiti memba olsem David Bane na Tom Pelis," Martin i tok.

Mosbi Winfield Lig i bin soim gutpela stail bilong gem. Bikos i gat planti gutpela kosa, trena na referi bilong lukautim gem. Stail bilong ol referi long Mosbi i gutpela. Tasol ol liklik hevi olsem bai bagarapim gem plen bilong ol tim.

Martin i tok olgeta taim ol referi i bin kibung long toktok long sampela lo bilong lukautim gem. "Nau yet wanwan samting mipela i bin soim taim mipela i lukautim gem. Na planti mipela i toktok nating na long taim bilong lukautim gem mipela lus tingting. Nau mipela mas putim tingting wantaim long holim lo bilong ragbi lig olgeta taim," Martin i tok.

RLN i bin traim long kisim toktok bilong Presiden bilong Papua Niugini Referi Asosiesen, Ray Steward tasol em i no stap.

## Mendi Tarangau tanim tebol long Magani

### MOXIE YORE i raitim

STRONGPELA Tarangau tim i tanim tebol long Magani long namba tu hap, na win 24-10 long A gret gem bilong Mendi Winfield Lig las wiken.

Tupela tim i bung long namba tu raun bilong resis.

Magani i bin pretim stret Tarangau long stat na pinis bilong namba wan hap. Tasol ol woda boi i paia i kam bek long stat bilong namba tu hap long winim dispela gem long bikpela skoa.

Tarangau i skoa pas taim hap bek Timon Mosebuya i kikim wangepela penelti gol, na winga Thomas Undupia i skoarim wangepela, trai, em gol kik i popaia. Tarangau i bosim skoa 6-0.

Tasol Magani i paia yet wantaim ol strongpela ran na takel i go insait long eria bilong Tarangau.

Long las 20 minit bilong namba wan hap, ol boi Magani i lukautim pilai. Ol fowat pilaia husat i lukautim pilai bilong Magani long fran lain em

Meck Kepo, Andy Aiya, Nick Koipa, James Tame. Na long beklain em ol pilaia olsem Thomas Tano, Roger Royle na Dreadford.

Tasol Tarangau i sanapim strongpela banis yet.

Simon Tomba, David Meles na Lewis Ita, faiv eit Sutherland Yore, Ware Sengiso, Nelly Nembo, Undupia na Francis Urum i sanap strong yet long sait bilong Tarangau.

Moa long 10-pela minit i stap yet bipo long hap taim, prop Ita i brukim wangepela takel bilong Magani, kikim bal i go antap na abrusim fulbek Ruben Ruing long skoarim gutpela trai bilong Tarangau. Mosebuyo i abrusim gol kik, tasol Tarangau i skruim skoa bilong em i go antap long 10-0.

Tasol bipo long hap taim, prop James Tame i skoarim namba wan trai bilong Magani, na ran bihain 10-4 long hap taim.

Long namba tu hap, Magani i paia strong stret na skruim skoa bilong em i go antap long 10. Tasol Tarangau i skoarim 14 poin moa na winim dispela gem 24-10.

## Klia long Kiunga United

LONG makim ol wina bilong Kiunga resis long dispela wiken bai i hat tru olsem long ket-sim wangepela ragbi bal i pundaun na kalap long graun.

Long wining K15,000 long Laki Loteri em i isi. Tasol dispela i no olsem ol gem bilong dispela wiken.

Ol sapota i mas baim wangepela laki tiket long Kiunga Progressive Traders stua bipo ol i go lukim gem. Bikos ol bai i gat sans long winim wangepela samting, na i no driman tasol long lukim tim bilong ol i win.

United bai bungim Brothers long wiken. United i save win long sampela wiken, na sampela wiken gen bai em i lus. Olsem na i hat long makim ol gem bilong em. Tasol em i wangepela gutpela strongpela tim we i gat planti yangpela pilaia.

United i gat sans long win. Bikos i gat bilip olsem sampela nem pilaia bilong Brothers i

no inap pilai.

Bikpela tok tenkyu mas i go long pilaia na kosa bilong United, Pancreas Linus, ol klap komiti na ol pilaia yet.

Long fowat, lok Leonard Lowther, prop Gordon Aukiri, huka Sakaio Uduro bai mekim paia long ensin rum aninit long lukaut bilong Linus yet.

Faiv eit Livai Dugu Tara bai lukautim pilai bilong ol beklain pilaia. Em bai givim ol gutpela bal long tupela winga, Dickson Dikana na Jeffrey Jakis, wantaim Albert Arimisa long senta.

Ol pilaia bilong Brothers husat i gat inap save long winim gem olsem hap bek Nelson Gamai, seken rowa Spiak Siwi, na nambawan fowat pilaia Jackson Hayago i mas traim strong long lukautim gem.

Sapos ol dispela pilaia i bungim gut stail, ol i ken strongim pilai bilong ol risev na junia pilaia insait long tim long pretim United.



Stail bilong Goroka lig • Tripela Kantri pilaia i laik takelim gut wangepela trangu pilaia bilong Brothers long A gret gem bilong Goroka Winfield Lig las wiken. Long kain strongpela takel olsem na Kantri i waraim stret Brothers 36-10. Poto Sape Metta.

# Winfield League '92



# SPAK MAIK

NA BIHAIN NAMBA BILONG NOMBRI IGO ANTAP.. NAMBA BILONG TUPELA WOK LONG IGO IKAM OLSEM TASOL...



TAIM NAMBA BILONG MAIK IGO ANTAP MOA, NOMBRI I JELES NA HOLIM NEK BILONG MAIK...



NAU TUPELA I GIVIM INSAIT LONG OPIS...



WANTU OL POLIS IKAM NA RAUSIM TUPELA LONG OPIS...



NAU TUPELA KIRAP NA PAHARIM OL POLIS MAN...



BIHAIN TUPELA PAIT GEN ALTSAIT...



## PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus, PNGBC ken givim yu dinau long baim ol dispela samting.

Yu mas gat gutpela wok na sampela seving long haus mon. Na i no hat tumas long bekim dispela dinau.

Askim long haus mon bilong PNGBC Bai nupela halivim yu long kisim ol samting yu laikim emi tru!





# REBO

NAU OLGETA RON I GO BEK LONG HAUS BILONG OL !!!



OLGETA GO KAMAP LONG HAUS BILONG REBO NA EM TOKTOK WANTAIM OL !!!



BAI YUMI PILAI LONG SARERE, OSEM NA BAI YUMI TRENIN GEN TAMORA APINUN BIHAIN LONG WOK.

NOKEN WARI KOSA... BAI MIPELA STAP FIT NA REDI LONG SARERE!

NEKS DE OLGETA GO WOK... REBO STRETIM OL WOK I STAP NA TELEPON I RING !!!



HELLO REBO, HIA!

REBO! EM MI YA, EMILY... AUDA I PINIS LONG HAUSSIK, OSEM NA YU KAM KISIM MIPELA LONG HAUSSIK... BAI MIPELA WE-TIM YU AUT-SAIT...

WANTU EM LUSIM OPIS NA SIKSTI I GO KISIM TUPELA...



AUDA, MAI SAN! YU ORAIT PINIS, AH?

EM NAU PAPS! YUMI GO LONG HAUS!

APINUN NAU, REBO GO TRENING PINIS WANTAIM OL BOIS NA HARIAP TRU EM GO BEK LONG HAUS... EM TOKTOK LONG AUDA...



AUDA, YU PILIM OSEM WANEMZ... BAI YU INAP LONG GO SKUL LONG MANDEZ?

OH, YES, PAPA!... MI LAIK LUKIM OL SKUL PRENS BILONG MI!


LONG SARERE OLGETA BOIS I REDI LONG SALENSIM OL KIUNGA TARANGAU...




YUPELA REDIZ... MI HARIM OSEM OL TARANGAU I FIT LAIN TRU, YA!

SMOL TINGS! BAI MIPELA TRAIM BEST BILONG MIPELA!


## OL SAVEMAN BILONG BISNIS YUSIM OL!




LT1 5 K.V.A.  
● TOTALLY PORTABLE ENERGY SOURCE  
● IDEAL UNIT FOR VILLAGE LOCATIONS



TS2 8.5 K.V.A.  
● 3 PHASE OR SINGLE PHASE POWER  
● COMPACT AND EFFICIENT




HR3 26.25 K.V.A.  
● IDEAL COMMERCIAL BACKUP SYSTEM



CS6 58 K.V.A.  
● INDUSTRIAL CAPACITY  
● WILL HANDLE MAXIMUM DEMAND FOR POWER ANYTIME

# Brian Bell Stores

- BOROKO — 25 5411
- LAE — 42 1433
- GOROKA — 72 1098
- MT. HAGEN — 52 1999
- RABAU — 92 1966



# TELEUISEN na MUSIK



## Ol musik bilong tingim woa kam bek long PNG

### PNG TOP 20

AS AT 20/06/92

NUMBER	SONG	ARTIST
1 (1)	<i>Susan Lewa</i>	Sandaun Misfits
2 (2)	<i>Awara Mei</i>	Pongoros 91'
3 (7)	<i>Wan Kantri</i>	Barike
4 (4)	<i>Island B' Ville</i>	Crisis Survivors
5 (3)	<i>Nurvou Ke lau</i>	Telex
6 (14)	<i>Missing You</i>	Voice In The Wind
7 (5)	<i>Peaceful Harbour</i>	Cornerstone
8 (8)	<i>Sup Wantok</i>	Chris KusKus
9 (10)	<i>You Are The King</i>	Voice In The Wind
10 (6)	<i>Seng Guge Fo</i>	Rex Band
11 (11)	<i>Meri Waskuk</i>	Sagothorns
12 (9)	<i>Tutu Arenge</i>	Henry Kuskus
13 (15)	<i>la Hilda</i>	JR. Kopex
14 (12)	<i>Kas Blong Mi</i>	Itambu
15 (0)	<i>Aiye Aiyo</i>	Barike
16 (18)	<i>Jesus Bai Kam</i>	Max Manimbi
17 (19)	<i>Kai Kai Da Buai</i>	Clock Work Orange
18 (0)	<i>Iwarwatut</i>	Vincent Pia
19 (20)	<i>Lord Blong Mi</i>	Max Manimbi
20 (0)	<i>Dia Mama</i>	Steve Lahui

• Compiled by Kalang Radio.  
 • The programme is heard on Kalang Radio at 10am every Saturday.

#### WINIS MAP i raitim

I NO longtaim i go pinis, bikipela bung i bin kamap long kantri bilong tingim bikipela woa long Pasifik. Dispela em long namba tu wol woa.

Long olgeta samting i bin kamap, no gat wanpela taim wanpela man i bin inap tingim singsing ol lapun bilong bipo i bin yusim taim ol i wok na pait raun wantaim ol soldia bilong Australia na Amerika. Dispela em i bikipela samting tru bikos i gat planti stori insait long singsing bilong bipo.

Wanpela grup husat i save wok strong long holimpas yet ol kain musik na singsing bilong bipo em ol lain long musik dipatmen bilong Institut ov Papua Niugini Stadis (IPNGS). Planti singsing na musik samting nau ol i gat i bilong ol

yia bipo long 1800 i kam.

Long las wik Fraide, komisina bilong Australia long Papua Niugini, Allan Taylor i bin givim wanpela bikipela presen tru long Musik Dipatmen bilong IPNGS. Na dispela em ol rekot musik na tok tok long taim bilong namba tu wol woa long Papua Niugini em gavman bilong Australia i bin holim i stap.

Long taim em i givim ol dispela kaset na rekot, Taylor i tok gavman bilong em i laik givim bek nau olgeta samting bilong woa bilong Papua Niugini em i holim i stap. Long wanem dispela ol samting i gat bikipela mining moa long ol pipel bilong Papua Niugini.

Bikos dispela kain pren namel long Papua Niugini na Australia i no bilong nau tasol. Em i samting bilong

bipo yet i kam inap long taim bilong woa na nau yet.

"Na woa i bin bungim ol pipel bilong Australia na Papua Niugini moa klostu wantaim," em i tok.

Long kisim dispela ol kaset na rekot, bos bilong Musik Dipatmen long IPNGS, Don Niles i tok, "Taim woa i bin bruk long Papua Niugini, Australia i bin tingting planti long wanem samting bai kamap long ol pipel. Na dispela inap bagarapim sans bilong stapim Australia long go moa yet na tekova tu long Australia.

Olsem na wanem samting Australia i mekim em long kisim sampela pipel bilong PNG i go limlimbur long hap. Na lukim wanem samting Australia i mekim long pinisim hariap dispela woa. Bikos em i ting ol dispela lain pipel bai

kam bek na tokim ol arapela long wanem samting Australia i mekim.

Dispela ol lain pipel i go raun long ol woa kem, ples bilong wokim ol samting bilong pait na ol arapela hap long Australia. Sampela bilong ol i go raun insait long ol woa tenka na ol arapela i go bungim Jeneral MacArthur long Sidni. Sampela i go tren wantaim ol soldia long Australia.

Long dispela taim, sampela i go lukluk raun long opis bilong Redio Australia na katim ol toktok na singsing long *Tok Pisin*, Motu na ol tok ples bilong ol yet.

Orait long taim woa i bruk na i go het, ol kepten bilong sip na ol arapela lain i kisim ol dispela kaset raun na pilaim bilong stretim tingting bilong ol Papua Niugini pipel husat i

stap pait long woa."

Namel long ol dispela singsing na toktok em wanpela bilong Yali Singina, wanpela lida bilong ol kagokal long Madang. Narapela tu i stap long tok Motu na i bilong wanpela plisman bilong Kikori long Galp provins.

Niles i skruim tok olsem dispela ol singsing na toktok i no litimapim woa. Nogat. Ol bai stap olsem samting bilong tingim woa na wanem samting i bin kamap long dispela taim.

IPNGS i bin save olsem Redio Australia (ABC) i bin katim ol dispela singsing na toktok bilong woa na sampela kopi i stap long Australia Woa Memoriel long Kenbera long 1989.

Em i tok planti kain ol samting bilong Papua Niugini olsem long bipo i stap tu long ol arapela kantri.

## taim bipo

by Mike Coutts

PLANTI kantri long wol i putim ai nau long Papua Niugini. Na tu moa manmeri i kam insait long kantri winim namba bilong bipo. Na em bai i gutpela tru long painimaut hamas manmeri i save long wahem ol samting i kamap insait long kantri long bipo.

Mi ting nogat planti manmeri i save long ol senis i kamap long taim bipo. Dispela em bikipela sem tru long mipela. Bikos Papua Niugini i gat gutpela histori. Na tu tude planti senis i kamap. Planti manmeri na pikinini i no save long stori bilong bipo. Dis-

pela i mas min olsem i nogat inap buk i gat stori bilong bipo.

Olsem na i gutpela tru taim wanpela ripota na man bilong raitim buk i stap long kantri, na i putim aut wanpela buk ol i kolim "Taim bipo". Buk ya i gat ol poto i soim ol samting o senis i kamap long Papua Niugini namel long yia 1880 na 1960.

Noken paul long dispela hap tok "poto". Buk i gat moa long 100 poto, tasol i gat planti stori tu bilong ritim.

Buk i stori long taim ol waitman i kam insait long kantri, long taim bilong woa, Vulcan maunten paia i pairap na kilim 500 pipel na sampela moa.

Buk i stori tu long ol pipel, ol klap bilong dring bia, na kainkain samting olsem namba wan gol main insait long kantri. Na tu buk i stori long kantri i divelop olsem wanem wantaim helpim bilong balus, taim i noqat rot.

Buk i stori moa long sip na tred long bipo. Na tu i soim poto bilong las lakatoi kanu long nambis bilong Papua. I gat poto bilong ol namba wan balus, na tu ol namba wan niuspepa.

Dispela buk i gat ol gutpela trupela stori na poto. Bikipela tenkyu i go long Mike Coutts husat i bungim wantaim ol stori na poto long 5-pela yia olgeta.

Tasol Coutts yet i no stap na lukim buk i kam aut long Papua Niugini. Dispela em pasin bilong ol man husat i save putim aut ol gutpela buk, tasol i no wari long salim.


Tasol planti manmeri i baim dispela buk. Nau yet 150 buk tasol i stap yet.

Em i wanpela nambawan buk long ritim. Na i kos K35 tasol.

Dispela buk i stap long Webb Books na Mike Coutts i hepi long saunim moa kopi em oda bai i kam moa long ol wik bihain.

## taim bipo

A SERIES OF OLD PHOTOGRAPHS FROM PAPUA NEW GUINEA 1880 - 1960



### THE TURTLE AND THE ISLAND

Folk Tales from Papua New Guinea



collected by DONALD S STOKES  
 retold by BARBARA KER WILSON  
 illustrated by TONY OLIVER

**WAS**  
~~K4.00~~  
**NOW**  
**K2.00**



**WHOLESALERS OF BLOCK ICE, CRUSHED ICE  
(CUBE SIZED) & BULK ICE**

**25 6588**

**CITY ICE PTY. LTD.**

**MORATA STREET...GORDONS  
POM., P.O. BOX 7529, BOROKO**

**FAX: 25 7321**

**AVAILABLE AT MOBIL LAHARA SERVICE STATION**

**FREEZERS SUPPLIED TO  
APPROVED CLIENTS**

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.